

新

浩

林

孝  
賢



# 新語林序一

劉臨川之世說新語。採擷漢魏兩晉理言逸事。風流綿邈。至今傳之不衰。陳表姪藻青。年少積學。廣記博聞。嘗好爲小說家言。近倣劉臨川集爲新語林。持草稿示余。余瀏覽一過。知其取材精而用力勤。雖僅以一二十年間見聞所及。排纂而表著之。而網羅無遺。條目悉備。一時才士文人冷語佚事。具見是焉。洵佳構也。

戊午五月旣望泗州楊士琦序

著者按。杏城表叔素喜世說新語。官樞府時。每退值。輒手一編自娛。嘗以所藏劉須溪劉應登批本。躬自讎校。重付剞劂。去年仲夏。予小子以所儗新語林叢稿。乞正於公。并乞弁首表章。公閱竟。欣然執筆。頃刻而成。今

是書出世。惜公已歸道山。不獲糾其刺謬。訓誨如昔日也。悲夫。

黻一敬識

## 新語林序二

藻青仿世說新語作新語林。余弟杏城既爲序之矣。更以屬余。余自少彌嗜劉氏世說。老而不衰。偶效閩人改詩。搜索故實。所得於是編爲多。杏城有言。其紀述言行宏博簡要。有類於史。其爲語雋永元妙。有類於諸子。其文爾雅可玩味。足以爲詞章之助。良然。良然。藻青以世祿家。成積學士。將念年間。巨公名儒之種種事蹟。取其淵懿玄遠之言。瑰異卓絕之跡。分門別類。彙集而雅言之。其精核可方劉世說。其整潔不下今世說。自非博雅通達且留心當世之務之士。又曷克與斯哉。藻青既脫稿。走告於余。曰。是書雖幸成就。不敢出而問世。余曰。前賢所作諸世說。全襲他人之辭。蓋事實非可憑虛而構。不得不襲舊文。所謂出於人者也。子所作多獨得之祕。未經人道破者。造詞練句。嘔血不少。所謂出於己者也。出於人。已足稱異。出於己。詎非難能。奈何因循不決耶。藻青唯唯。余喜。

其書之成。爰綴數語於首。  
庚申八月泗州楊士晟撰

## 新語林序二

黎川陳氏累世皆躋顯要。且以能文章工書法名於天下。凝齋先生而後。若伯常觀察。仲牧太守。良叔廉訪。和叔蘇莊。兩中書。仁山石士鍾溪三侍郎。玉方侍御。伯芝庶常。子鶴尙書。登之鏡之升之書庭四太守等數十人。或以文著。或以詩名。或以字稱。王謝二氏不能專美於前矣。吾友陳子藻青。克承家學。強記博聞。書法文章。兩俱超妙。楊杏城先生雅器之。嘗屢薦於公卿間。莫能遂所志。自負甚高。雅不欲小就。自貶抑。鍵戶讀書。日夕弗倦。有所得。駸駸於著述。所作睇嚮齋筆記十數卷。皆載諸書報。斐然可觀。今更萃二十年來所睹記者。取法臨川。王劉義慶世說新語。撰著新語林一書。句斟字酌。不欲急就。易稿再三。歷久乃成。方諸何元朗之語林。王丹麓之今世說。足相伯仲。然何氏自西漢迄金元。數十百年。供其掇拾。王氏亦採輯數十年之事蹟。陳子乃以一二十年所見所

聞。徒恃記憶。筆而成之。幾無一字無來歷。無一詞無興味。以視何王。其難易實相倍蓰矣。讀是書者。既可睹時賢雅言韻事之真象。復足爲個人論世知人之觀摩。陳子索爲序。爲述其旨趣如此。

民國九年十月長沙黃鼎元叙

## 新語林序四

有一代之政變。即有一代之人物。有一代之人物。即有一代人之言行。君子觀其言行。即以知一代之治亂。而社會人心風俗習尚所由考焉。然非有人焉。記而述之。則其事不傳。即記矣。述矣。而擇焉不精。語焉不詳。則其事亦未必能傳。吾友陳子藻青。博學敏求。仿世說新語之例。著新語林一編。鳩合民國耆英俊彥之蒿憂瑰畫。偉論奇行。有關世道人心者。成爲若干言。後之讀者。誠欲資掌故。採逸聞。覘政治。治民風之盛衰。社會人心之變遷。將於是乎賴。其體例之謹嚴。採擇之精當。猶其次也。春秋傳曰。聲之精者爲言。言之精者爲文。孔子曰。言之無文。行而不遠。文仲子曰。古之史也辨道。今之史也辨文。則是編也可興可觀。是訓是行。固文而史。史而近於道者也。其有關於一代之政治道德人心風



俗又豈淺鮮者。岱陽于傳林。

# 新語林自序

不佞自少嗜稗官家言。尤酷好劉義慶世說新語。肄業學校時。治科學餘暇。恒手一篇展翫弗輟。及長。隨楊味春表伯於任所。公博通羣籍。喜劉氏世說單詞。隻語雋永元妙。往往舉書中人物言行爲談資。謂恨不爲魏晉人。日與羣彥身親酬酢。不佞媿未嘗學問。讀書每有疑難。輒得公片言而解。公弟杏城表叔。於書無所不窺。好宋人語錄。視公尤篤。在朝雖日與官書爲緣。猶時時省覽。退而在野。幾靡晨夕不手。此一卷自娛。比年先後居京師。津門。滬濱。不佞嘗侍側。每集名流爲文酒之會。亦間列末座。公謂臨翰多得是書之助。嘗慨歎今之才人性行與古賢哲不侔。語及士大夫某也賢。某也不肖。品評之。公允論議之。平實無以加焉。不佞飫聞日久。且筆而存之。因不時叩公。以時流佚事。公有所知。必語語必詳盡。不佞亦必詳記。積之多。碎紙片片盈篋中。益以他所聞知。擬編次成書。乃倣劉氏世說例。分德行。言語。政事。文學。方正。雅量。識鑒。賞譽。品藻。規箴等三十六條目。題曰新語林。稿初成。出以眎公。時公尙健在。曰。時人而寫時人。

之事。執筆至不易。人情什九好褒惡貶。如德行言語政事方正諸門。其人其事。可爲世師法者。固當奉爲圭臬。即輕詆忿狷惑溺諸科。要無傷大雅。自新假譎。讒險仇隙諸類。宜取事蹟昭彰者。縱使其人自讀之。亦復無詞可辯。覽子是作。實獲我心矣。未少選以續成之稿。眎公公猶及見之。迨脫稿而公竟不及見矣。凡所述固以不掩其真爲主。而行文尙多不欲盡吐之言。非以恩怨爲褒貶。非以好惡定是非。閱時卅有八月。其間人事牽掛滯滯幾兩越寒暑。復嬰病攔置久之。顧不佞才疏膽弱。未敢求速。稿凡數易。僅成茲篇。事取其高潔。義取其公正。言取其雋永。或曰名流大節固多。豈獨藉此一言一行而傳。不知此雖動止語默之細。皆足爲讀書窮理之助。亦可覘社會之風尙。人心之趨嚮也。劉臨川取漢魏兩晉數百年之軼事。類纂成書。而不佞欲以廿年間所見聞。爲東施效顰。世之覽者。毋亦笑不佞之心勞日拙。然而不佞固非敢自誇撰著。聊資世人之談助云爾。

辛酉之春黎川陳瀨一自序

## 新語林例言

(一)是書名賢。斷自民國爲準。有文章事業顯於勝滯。而歿於民國者。不可不謂今之人也。均爲採入。

(二)世說新語。稱謂最多。是書依例於名賢。或稱名字。或稱官爵。或稱地望。或一人三四稱。閱者以次詳視可得。直恐乍檢無緒。摘其尤者。別爲諸人名字異稱一覽表於編首。以便省覽。

(三)是書就事論事。如此事可入德行。即入德行。可入文學。即入文學。餘皆做此。

(四)是書每一條目所列諸人。不以一人一事爲限。如其人政績有數可舉。則俱入政事門。餘皆做此。

(五)是書諸人家世履歷及諸事實。以次隨註。再見則註見前別之。

(一)是書條目。俱遵世說新語原編。卷目依今世說例。分晰爲八卷。

(二)前作世說諸公。博引旁徵。所採書目。多至數百餘種。少亦百數十種。是編全憑胸臆所及。顧一人聞見有限。世事洪纖無窮。畫虎之誚。固所不辭。遺珠之憾。更所難免。

(三)時賢履歷。徵求甚難。所載爵里事略。不敢憚煩。廣爲蒐輯。若徧覓不得。姑闕以俟之。尙祈海內大雅宏達。匡其不逮。糾其刺謬。幸甚。幸甚。

# 新語林目錄

## 卷一

德行

.....

## 卷二

言語 政事

.....

## 卷三

文學 方正 雅量

.....

## 卷四

識鑒 賞譽 品藻 規箴

.....

卷五

捷悟 夙慧 豪爽 容止 自新……

卷六

企羨 傷逝 棲逸 賢媛 術解……

卷七

巧藝 寵禮 任誕 簡傲 排調 輕詆……

卷八

假譎 黜免 儉嗇 汰侈 忿狷 讒險 尤悔  
紕陋 惑溺 仇隙……

# 新語林人物名字異稱一覽表

●元首（以任職先後爲序）

袁世凱 字慰廷 亦字容菴 亦稱項城 亦

稱總統

黎元洪 字宋卿 亦稱黃陂 亦稱總統

馮國璋 字華甫 亦稱河間 亦稱總統

徐世昌 字菊人 亦字弢齋 亦稱書齋主人

亦稱東海 亦稱總統

●揆席（凡曾授國務總理或權國務總

理或與國務總理官階相等者均列入

此門諸人以姓氏筆劃多寡爲序）

王士珍 字聘卿 亦稱上將 亦稱總理

朱啓鈴 字桂莘

伍廷芳 字秩庸 亦稱博士

李經羲 字仲軒 亦稱合肥 亦稱總理

汪大燮 字伯唐

段祺瑞 字芝泉

稱總理

唐紹儀 字少川 亦稱香山 亦稱總理

孫寶琦 字慕韓 亦稱總理

陸徵祥 字子欣 亦稱總理

楊士琦 字杏城 亦稱泗州 亦稱左丞

趙秉鈞 字智菴 亦稱烟客 亦稱坪林外史

亦稱總理

熊希齡 字秉三 亦稱鳳凰 亦稱總理

錢能訓 字幹臣 亦稱右丞 亦稱總理

薩鎮冰 字鼎銘 亦稱上將

龔心湛 字仙舟

●文官（以姓氏筆劃多寡爲序）





新語林人物名字異稱一覽表

王正廷	字儒堂	
王寵惠	字亮疇	亦稱博士
王伯恭	字伯恭	
王達	字志襄	
王克敏	字叔魯	
王揖唐	字一堂	
王治馨	字心齋	
王式通	字書衡	亦字志盒
王瑚	字鐵珊	
王芝祥	字鐵珊	
王樹枬	字晉卿	
王人文	字采丞	
丁德威	字佩蒼	
丁綸恩	字劭庸	
丁乃揚	字少蘭	
丁振鐸	字巡卿	

李國珍	字碩遠	
李湛陽	字觀峯	
李國杰	字偉侯	
李盛鐸	字木齋	
李家駒	字柳溪	
汪士元	字向叔	
汪榮寶	字袞甫	
汪鳳瀛	字荃臺	
汪瑞閻	字韻荀	
任毓麟	字震廷	
江翰	字叔海	
伍朝樞	字梯雲	
朱家寶	字經田	
田文烈	字煥庭	
文永譽	字公達	
王克均	字仲闈	

阮忠樞	字斗瞻	
沈雲沛	字雨人	
沈秉堃	字幼嵐	
沈敦和	字仲禮	
沈金鑑	字叔詹	
沈兆祉	字小沂	
吳燾	字子明	
吳笈孫	字士翺	
吳慈培	字佩伯	
宋教仁	字鈍初	亦字漁父
宋名璋	字肇莪	
岑春煊	字雲階	亦稱西林
周樹模	字少樸	亦字沈觀
周學熙	字緝之	
周自齊	字子沂	
周善培	字孝懷	

周嵩堯	字晦之	亦稱頓公
周炳蔚	字虎如	
孟憲彝	字秉初	
屈映光	字文六	
易順鼎	字實甫	亦字中實 亦稱哭菴
邵福瀛	字厚甫	
金永	字道堅	
金邦平	字伯屏	
冒廣生	字鶴亭	
施肇曾	字省之	
施肇基	字植之	
施愚	字鶴雛	
段書雲	字少滄	
胡惟德	字馨吾	
胡朝宗	字改菴	
倪人瑞	字佩芳	

新語林人物名字異稱一覽表

唐景崇	字春卿
唐文治	字蔚芝
唐瑞銅	字士行
夏壽康	字仲膺
夏壽田	字午詒
夏敬觀	字劍丞
孫多森	字蔭亭
孫毓筠	字少侯
孫多祺	字雨蕉
孫發緒	字純齋
孫洪伊	字伯蘭
徐鼎康	字錫丞
徐佛蘇	字佛蘇
徐元誥	字寒松
袁思亮	字伯夔
高而謙	字子益

亦字囊菴

亦字映菴

高 种	字子來
高巨瑗	字蓮夫
張鳴岐	字堅伯
張 審	字季直
張元奇	字貞午
張鎮芳	字馨菴
張一塵	字仲仁
張耀曾	字鎔西
曹汝霖	字潤田
凌福彭	字潤臺
章宗祥	字仲和
梅光義	字擲雲
莊蘊寬	字思緘
許鼎霖	字九香
許世英	字雋人
許寶蓀	字季湘

亦字薑齋

亦字齋菴

亦稱南通



新語林人物名字異稱一覽表

楊士鈞 字采南 亦字耐菴

楊士驄 字芟青

楊毓璋 字霽川

楊毓璵 字晴川

楊毓璠 字星川

楊毓琇 字朗川

楊毓瑩 字潤川 亦字无知

楊忠嗣 字樹棠

董康 字綬經

虞熙正 字熙正

裴景福 字伯謙

趙爾巽 字次珊

趙惟熙 字芝山

趙椿年 字劍秋

趙從蕃 字仲宣

趙炳麟 字竺垣

齊耀琳 字震巖

齊耀珊 字照巖

劉若曾 字仲魯

劉式訓 字芷升

劉心源 字幼丹

樊增祥 字雲門 亦字樊山

蔡元培 字鶴卿 亦字子民

蔡儒楷 字子賡

蔡寶善 字師愚

蔣維喬 字竹莊

鄭沅 字叔進

鄭孝樞 字稚莘

錢洵 字念劬

謝遠涵 字敬虛

藍光策 字子彥

據珩 字公節

譚延闓	字組菴	
譚人鳳	字石屏	
關廣麟	字穎人	
嚴修	字範孫	
嚴復	字又陵	亦字幾道
顧瑗	字亞蘊	
顧維鈞	字少川	
顧鰲	字巨六	
饒漢祥	字宓僧	
●武將 同上		
尹昌衡	字太昭	亦字止園
王占元	字子春	
王天縱	字旭九	
田中玉	字韞山	
朱慶瀾	字子喬	
朱瑞	字介人	

江朝宗	字宇澄
吳佩孚	字子玉
吳光新	字自堂
李純	字秀山
李厚基	字培之
李根源	字印泉
李烈鈞	字協和
林述慶	字頌亭
姜桂題	字翰卿
段芝貴	字香巖
胡景伊	字文瀾
倪嗣冲	字丹忱
唐繼堯	字彛廣
徐樹錚	字又錚
徐寶山	字寶三
馬福祥	字雲亭

新語林人物名字異稱一覽表

張錫鑾 字金坡 亦字今頗

張勳 字紹軒

張懷芝 字子志

張廣建 字勳伯

張作霖 字雨亭

張敬堯 字勳臣

曹錕 字仲三

郭人漳 字葆生

陳宦 字二安

陳光遠 字秀峰

陸榮廷 字幹卿

陸建章 字朗齋

萬德尊 字宗石

湯薌銘 字鑄新

鈕永建 字惕生

馮德霖 字麟閣

亦稱武鳴

馮玉祥 字煥章

黃興 字克強

楊善德 字樹堂

董道勝 字耀庭

雷震春 字朝彥

趙倜 字周人

劉銳恒 字春霆

蔡鏗 字松坡

蔣方震 字百里

鄭汝成 字子進

閻錫山 字百川

歐陽武 字南雷

●清室遺臣

丁寶銓 字衡甫

于式枚 字晦若

王乃徵 字聘三

亦稱止戈和尙

同上

亦字默存

亦字病山 亦稱濟道人

毛慶蕃	字實君	
左孝同	字子隳	亦字遜盒
安維峻	字曉峰	亦稱
朱祖謀	字古微	亦字樞尹 亦稱彊村
江春霖	字杏邨	亦稱梅楊山人
余誠格	字壽屏	
余肇康	字堯衢	亦字敏齋
呂海寰	字鏡宇	
吳重熹	字仲怡	
吳郁生	字蔚若	亦字鈍齋
吳慶坻	字子修	亦字敬疆 亦稱為補松老人
沈家本	字子惇	亦稱枕碧
沈瑜慶	字愛蒼	亦字濤園
沈曾植	字子培	亦字乙盦 亦稱寐叟
沈曾桐	字子封	

沈衛	字淇泉	
李經方	字伯行	
李經邁	字季高	
周馥	字玉山	
林紹年	字贊虞	
林開蕃	字詒書	
俞廉三	字屢軒	
俞明震	字恪士	亦字觚齋
柯逢時	字巽菴	
姚文倬	字稷臣	
胡思敬	字瘦唐	
徐致靖	字子靜	
徐琪	字花農	亦字玉可
徐定超	字班侯	
秦樹聲	字宥橫	亦字晦鳴
袁樹勳	字海觀	亦稱抑戒老人

新語林人物名字異稱一覽表



新語林人物名字異稱一覽表

袁勵準 字珥生

張人駿 字安圃

張曾敷 字筱帆

張元濟 字菊生

陳夔龍 字筱石 亦字庸盒

陳邦瑞 字瑤圃

陳寶琛 字伯潛 亦字致盒

陳夔麟 字少石

陳宗媽 字麓賓

陳榮昌 字筱圃

陸潤庠 字鳳石 亦字固叟

梁鼎芬 字節菴 亦字星海 亦稱藏山

傅蘭泰 字夢巖

勞乃宣 字玉初 亦字勞山

馮煦 字夢華 亦字蒿菴

惲毓鼎 字薇孫

盛宣懷 字杏孫

黃思永 字慎之

楊文鼎 字俊卿

楊士燮 字味春 亦稱渭叟

葉爾愷 字伯泉

鄒嘉來 字紫東

趙淵 字禮泉

趙熙 字堯生

趙啓霖 字芷孫

趙金鑑 字勁修

劉春霖 字雨三

樊恭煦 字介軒

鄭孝胥 字蘇戡 亦字太夷 亦稱海藏

錢紹楨 字銘伯

瞿鴻禨 字子玖 亦字止盒

魏光燾 字午莊

●滿蒙貴族 同上

載澤	載澧	瑞徵	熙鈺	善耆	斌循	貽穀	奕劻	定成	長庚	那桐	世績	世鐸	升允	三多
清輔國公	清醇親王	字莘儒 亦字恕齋	字寶臣	清肅親王	字孟博	字藹人	清慶親王	字正平	字壽伯 亦字少白	字琴軒	字伯軒	清禮親王	字吉甫	字六橋

載振 清貝子

載瀾 清貝勒

載洵 清貝勒

溥倫 清貝子

溥侗 清將軍

增韞 字子固

錫良 字清弼

錫嘏 字壽臣

鐵良 字寶臣

●清室故官 同上

力鈞 字醫隱

王崧 字子雲

王煜 字石琴

王存善 字子展

朱啓鳳 字小笏

吳葆初 字彥復 亦字襲公 亦稱北山

沈保衡 字子均 亦字穆堂

李葆恂 字文石 亦字猛菴

李鵬飛 字梅孫 亦稱梅道人

岑熾 字盛之

范中倍 字成齋

胡國瑞 字瓊笙

宓昌塤 字丹階

姚旭明 字橫溪 亦字熙伯

徐錦堂 字溥臣

馬楨榆 字季立

高雲麟 字白叔

陳夔麒 字幼石

梁濟 字巨川

曾習經 字剛甫

程贊清 字輔堂

楊毓瑛 字漢山

楊宗稷 字時百

廉泉 字惠卿 亦稱南湖 亦稱岫雲

鍾雲鵠 字非園

嚴良勳 字子猷

歐陽霖 字閏生

●文學家 同上

丁福保 字仲祐

王闈運 字壬甫 亦稱湘綺

王先謙 字益吾

王國維 字靜盦

王鍾麒 字无生

朱寶瑩 字琇甫

朱聯沅 字芷青

吳士鑑 字綱齋 亦字公察 亦稱含英

吳敬恒 字稚暉

狄葆賢 字楚青 亦字平子

宋育仁	字芸子	
宋伯魯	字芝田	亦字子頓
李詳	字審言	
李宣龔	字拔可	
李煜瀛	字石曾	
汪文溥	字蘭皋	
汪兆銘	字精衛	
汪僊	字孝農	亦字笑儂
况周頤	字夔笙	亦稱眉廬
周希哲	字希哲	
易培基	字寅村	
林紓	字琴南	亦字畏廬 亦稱蠡叟
林景行	字亮奇	亦字寒碧
林可培	字友蘭	
邵瑞彭	字次公	
柯紹忞	字鳳孫	

姚智元	字石頑	亦字識三
姚永概	字叔節	
姚錫鈞	字鵷鷺	
柳棄疾	字亞子	
胡朝梁	字子方	亦字詩廬
孫雄	字師鄭	
徐珂	字仲可	
袁克文	字豹岑	亦字寒雲
桂念祖	字伯華	
涂成德	字章甫	
馬其昶	字通伯	
高燮	字吹萬	
高旭	字天梅	
康有爲	字長素	亦字更姓 亦稱南海
康寶忠	字心孚	亦字率邃
曹允源	字根孫	亦字復盒

新語林人物名字異稱一覽表

曹元忠	字君直	
章炳麟	字枚叔	亦字太炎
章棧	字一山	
陳三立	字伯嚴	亦稱散原
陳衍	字叔伊	亦稱石遺
陳澹然	字劍潭	
陳詩	字子言	亦字鶴柴
陳曾壽	字仁先	
陳去病	字巢南	
陳潛	字逸菴	
曾廣鈞	字重伯	亦字舊民 亦稱蘇菴
麥孟華	字孺博	
寧調元	字太一	
程家樸	字韻蓀	
黃侃	字季剛	
黃節	字晦聞	

黃中慧	字秀伯	
黃遠庸	字遠生	
黃炎培	字任之	亦字抱一
楊守敬	字惺吾	亦稱鄰蘇老人
楊希晉	字平可	亦稱補廬
楊錫章	字了公	
廖平	字李平	
潘飛聲	字蘭史	
蔣玉棧	字頰青	亦字苦壺
鄭文焯	字叔問	亦稱大鶴仙人
魯堅	字浴伯	
繆荃孫	字筱山	亦稱蠶風老人
羅振玉	字叔蘊	
羅惇彘	字揆東	亦字瘳公
龐樹柏	字藥子	
歐陽漸	字竟無	

●書畫家 同上

王震 字一亭

伊立勳 字峻齋 亦稱石琴

沈泊塵 字泊塵

李瑞清 字梅盦 亦字梅癡 亦稱清道人

吳俊卿 字昌碩 亦字缶廬 亦稱苦鐵

汪洵 字淵若

汪洛年 字鬪客

何維樸 字詩孫

姚華 字重光 亦字茫父

符鑄 字鐵年 亦字瓢菴

高邕 字邕之

張祖翼 字述先

陳衡恪 字師曾

曾熙 字季子 亦字農髯

趙世駿 字聲伯

蔣維瀚 字克莊

魏懋 字鐵三

蘇元瑛 字子毅 亦字曼殊

龐元濟 字萊臣 亦字虛齋

●藝術家 同上

于口口 字嘯天

王君直 字君直

王玉峯 字正如

朱口口 字理叟

何積燁 字莘叔

徐文丞 字彬亭

段口口 字駿良

亞康節

馮如 字鼎三

鈞金鯨

章華 字曼仙

詹天佑 字眷誠

顧思浩 字水如

顧憲成 字曉舟

歐陽熙 字平齋

●代議士 同上

丁世燁 字佛言

沈惟賢 字思齋

段世垣 字次珊

章士釗 字行嚴 亦字秋桐

張相文 字蔚西

陳家鼎 字漢元

景耀月 字太昭

趙藩 字介菴 亦稱石禪老人

劉成禺 字麟生

褚輔成 字慧僧

●方外 同上

寄禪 亦稱八指頭陀

學信

●婦人 同上

王淑貞

朱慈儂

沈氏

沈壽

吳芝瑛

吳弱男

何金蘭 字梅理

何愛文 字景秋

施淑儀 字學詩

徐仁慧

徐自華 字寄塵

徐新華

陸文偉 字豔秋

張氏

梁令嫺 字菽齋

賈容淑

趙鳳 字似昇

華金婉 字秀芬

魯蓮貞

薛錦琴

繆嘉惠 字素筠

●童子 同上

丁理 字治平

汪希張

高埭 字君明

溥儀 清宣統帝

●別類 同上

王毓岱 字海帆

杜建章 字星生

金鶴翔 字病鶴

范光啓 字鴻仙

倪政恒 字洪璇

袁克定 字雲臺

陶成章 字煥卿

費啓豐 字鑑清

黃樹中 字立人

開椿如

熊升恒 字健菴

鄧通 字子通

魯奎元 字繼生



新語林人物名字異稱一覽表

# 新語林卷一

## 德行

陳麓賓。高子益。同官京曹。並有令德。傅夢巖曰。麓賓一介不取。子益一塵不染。清亮純潔。可師可法。

陳名宗。媯。山東東阿人。庚辰進士。授戶部主事。擢郎中。改度支部。授右參議。三遷至左丞。高名而謙。福建長樂人。由舉人留學法國。佐岑西林幕。累保道員。授雲南臨安開廣道。擢雲南交涉使。內調外務部左丞。復外簡雲南布政使。入民國。充駐比國公使。任滿歸國。補外交次長。傅名蘭。秦蒙古人。乙未進士。由戶部主事。歷官至度支部右丞。

沈子培。在官清介。爲安徽布政使時。被服蕭然如諸生。有以苞苴謁者。沈嚴拒之。曰。吾一日在任。爾輩無望茲事之行也。衆皆動色。縮手相戒。不可以嘗試。一時歌誦滿皖山。

沈名曾。植。浙江嘉興人。庚辰進士。授刑部主事。擢總理各國事務衙門章京。外簡江西遺缺知府。調南昌首府。擢鹽法道。再擢安徽提學使。晉布政使。護理巡撫。乞病歸。沈博極羣書。熟遼金元史。學輿地。餘

詳見文學門。

袁慰廷。慷慨好施與。以善爲樂。寒士多依爲生。天津徐菊人。以孝廉館淮陽縣署。往遊其別墅。闈者外出。袁方在書齋讀書。徐不問主人。逕入。袁起立揖談。互相傾服。遂定交。徐固貧。資之使入都應試。旣成進士。袁益器之。嘗對人曰。菊人。妙才也。

袁名世凱。河南項城人。廩貢生。參吳武壯戎幕。由同知以功累保至道員。擢任出使朝鮮大臣。韓亂歸國。授直隸布政使。擢兵部侍郎。充練兵大臣。已而授山東巡撫。晉直隸總督。兼北洋大臣。調外務部尙書。兼軍機大臣。政務大臣。憲政編查館大臣。宣統初元。以足疾放歸田里。三年起爲湖廣總督。未之任。授內閣總理大臣。民國成立。以勸清室遜位功。被舉爲臨時大總統。二年正式國會召集。選舉爲大總統。五年自稱皇帝。改元洪憲。蔡鐸等舉兵反抗。憂憤而卒。徐名世昌。直隸天津人。丙戌進士。授編修。佐袁世凱治軍京畿。以勞保道員。超擢商部左丞。旋開缺。加副都統銜。充練兵處提調。擢會辦練兵大臣。歷任兵部侍郎。兵部尙書。民政部尙書。東三省總督。郵傳部尙書。軍機大臣。兼政務大臣。憲政編查館大臣。協辦大學士。體仁閣大學士。內閣協理大臣。軍諮大臣。授太保。鼎革後。僑居青島。民國三年任國務卿。四年辭職。五年再任國務卿。七年馮代總統任滿。國會選舉爲大總統。

林琴南少時見婦人輒踉蹌隅匿讀書蒼霞洲上有莊氏者色技絕一時逼而見之林逡巡遁去

林名紆福建閩縣人舉人工詩古文辭善繪事貧居自隱於小說譯著歐美小說百數十種世遂以小說家稱之并著有畏廬文集畏廬續集等書

楊味春生平篤於風義其戚杜星生年逾四十妻死無子欲納妾又無資楊惻然憫之曰我與若干金物色一佳麗如何杜稽首納其金買一女置簪室女固平陵狄氏婢也未三稔連舉二雄杜氏嗣續賴以不斬

楊名士夔安徽泗縣人甲午進士殿試二甲由工部員外郎赴日本考查學務充橫濱總領事官回國補授江西道監察御史督理京師五城街道典山西副主考授兵科給事中以弟士驥巡撫山東例不得爲諫官遂外簡山西平陽府知府調大同府知府再調浙江嘉興府知府杭州府知府擢浙江巡警道鼎革後杜門謝客有欲薦公於政府及推舉爲國會議員者公皆嚴詞以拒之

杜名建章浙

江嘉興人縣丞江寧布政使杜文瀾之姪善歌

蔣克莊偕友共寓滬旅舍友病蔣日夜侍湯藥已之事都置不理友感激垂涕曰吾病非旦夕可愈子所事曷可久擱蔣曰君病篤應有人扶持生死關頭余

烏能辭其責耶。友復嗚咽曰：子遇我良厚，我愈不自安矣。

蔣名維瀚，江蘇武進人，以善畫有名於世。

湯轂仙樸實無華，出恒徒步居武林時，一日天雨，草笠敝屨，詣巡撫增子固，坐談良久，及辭，增呼其輿馬，湯笑向差役索笠自執之，揚揚出門去。增退而對幕客張仲仁語之，嘆曰：轂仙毫無官場習氣，猶是書生本色。

湯名壽潛，浙江紹興人，壬辰進士，授庶吉士，散館，選安徽青陽縣知縣，超擢兩淮鹽運使，未之官，遷雲南按察使，亦未之官，再授江西提學使，復不抵任，以疏劾盛宣懷落職，辛亥杭州起義，被舉為浙江都督。

增名韞，蒙古人，起家佐貳，歷官至浙江巡撫，民國任參政院參政。

張名一，慶江蘇吳縣人，壬午副榜，乙酉舉人，考取經濟特科，以知縣即用，分發直隸，袁世凱督直，耳其賢，延入幕，薦授天津海防同知，保知府，民國為公府秘書，政事堂成立，授機要局局長，擢教育總長，馮國璋代大總統，任為公府秘書長。

錢銘伯禮義自維，不苟言笑，其對親友宗族之有所求者，雖不必盡有安置，而授餐餽贖無不如其意，以去，衆皆傾心相向，稱其鉅德不可及。

錢名紹楨，浙江嘉善人，壬午優貢，由工部郎中改官湖北道員，一度任安襄鄖荆兵備道，政績卓著，鼎

革後杜門不仕。對於地方諸慈善事業。靡不樂爲之。鄉里交稱曰善人。其長子名泰。留學巴黎。研精法律。官司法部參事。

李梅菴。貞固醇篤。禮法自持。既提學江寧。溫粹樸素。依然儒者。一時人士皆奉爲楷模。

李名瑞清。江西臨川人。出身翰苑。以道員試用江南。三權江寧提學使。一權江寧布政使。鼎革後。僑寓淞濱。改黃冠爲道士。鬻書爲活。歲入甚豐。朱瑞以五千金乞爲其母書墓誌銘。李笑謝之。其高潔誠今世罕覩。

江杏邨。躬畊深山中。鄉鄰有伯仲爭田產。持械互鬪毆。江親調解之。不聽。乃長揖曰。兄弟鬩於牆。外禦其侮。奈何勿省悟。爭者棄械叩首謝罪。

江名春霖。福建莆田人。由翰林官御史。有聲諫垣。因彈劾權貴。還詞館。乞歸養親。同官開歡送會。到者逾千人。江賦詩三章留別。詩云。朱雲汲黯昔稱賢。躋直羞將譽並延。葵藿有心空向日。芻蕘無力可回天。放歸田里原應爾。得返蓬瀛豈偶然。官錦舊袍萊子服。雷霆雨露總於全。一別家鄉又九年。俸餘祇剩買書錢。久無甘旨供堂上。獨有平安到客邊。班列神仙知不賤。老來母子料應憐。他時聖主如垂問。爲道之推已隱綿。殷勤樽酒足留連。騶唱還兼寫鳳箋。俊逸清新今鮑煥。悲歌慷慨古幽燕。良朋何日

重携手。事主同時半比肩。莫怨別離六千里。北來南去信能傳。陳汝菴等皆和之。民國七年春歿於家。張菊生事母至孝。母嚴於禮教。菊生出意承歡。非禮勿言。非義弗取。

張名元。浙江海鹽人。壬辰進士。授庶吉士。散館。授戶部主事。戊戌政變革職。再起授四品京堂。嗣擢學部副大臣。辭不赴任。爲商務印書館總編輯。旋兼總理。擘畫精密。社會稱之。

升吉甫。既辭陝甘總督。蟄居西安。每晨出。常布衣徒步入市肆。食酒饌。且共販。卒並坐諧談。久之。肆主始知爲前任督部。潔室待之。升至肆。主整衣肅容迎於門外。升異甚。詰之。肆主曰。俗眼不識貴人。制軍屈臨者屢。簡褻良深。升笑曰。子誤矣。余都人而商於是者也。於是遂去。

升名允。滿洲人。舉人。由部曹外簡陝西督糧道。累擢至陝甘總督。

黃季剛。流竄東瀛。以不得返鄉里。上先人冢墓爲憾。宵中魂夢繞母丘墓。既寤。悲傷至於吻。且其師章炳麟稱季剛念母。若與阮籍同符。

黃名侃。湖北蘄縣人。

陳瑤圃。清操自厲。爲度支部侍郎。例得飯食銀。至鉅。辭不受。曰。堂官少。司員多。

以堂官所應得者。分潤於司員。雖其費無幾。而諸人都不無少補。

陳名邦瑞。浙江慈谿人。進士。授主事。累官度支部左侍郎。鼎革後。厲上海。閉戶課子。不問時事。

岑盛之初。爲陝甘總督陶模幕客。陶去。薦於巡撫岑雲階。雲階先世固浙籍。與盛之同族。且爲昆季。相見大歡。事無洪纖。視盛之一言而決。屢疏薦其賢。盛之堅却之。其時方任長安縣縣丞。雲階曰。君旣不欲仕。而戀棧此。貳尹奚爲者。盛之曰。縣丞雖卑。官所入足贍吾一家。富貴人之所欲。吾自相無似。不敢作非分之想。

岑名熾。浙江紹興人。以諸生納資爲縣丞。授陝西長安縣縣丞。工書。能文章。

岑名春。煊。廣西西林人。舉人。由郎中擢五品京堂。晉太僕寺少卿。外簡廣東布政使。擢陝西巡撫。移山西。歷任陝甘四川兩廣總督。郵傳部尚書。加太子少保銜。民國任福建鎮撫使。漢粵川鐵路督辦。丙辰西南諸省共起討袁。建軍務院於肇慶。推春煊爲副撫軍長。攝行撫軍長事。

葉伯舉。閉戶念佛。貧至弗能給朝夕。處之宴如。或勸之曰。公何不出仕以求飽。葉愠而不答。

葉名爾。愷。浙江杭縣人。庚寅進士。授編修。督甘肅學政。旋任雲南提學使。辛亥之變。懷學署存款鉅萬。



親交軍政府被縛。衆毆之。幾死。遇救得免。

魯繼生。爲人謹厚。事親盡色養之孝。母病。目膿血滿。皆邊日夜數舔之。然後塗藥。十年如一日。母歿。一慟幾絕。弔者爲之落淚。

魯名奎元。江西黎川人。

黃秦生。自高陽令移博野。前任何芳徠。係故交。病且死。割歲俸之半助之。迨解任。囊橐如洗。不克成行。所親某責其不應從。并救人。秦生曰。君讀書人。詎未知患難相助。疾病相扶持耶。

黃名國瑄。貴州息烽人。以知縣分發直隸。歷署高邑。高陽。博野。清豐。授定興。調補清苑。再調深州。易州。累保至道員。民國爲獻縣知事。調薊縣。擢四川財政廳長。陟四川巡按使。

丁衡甫。外和內剛。爲清末彊吏之賢者。鼎革後。僑居淞濱。課讀諸子。不問世事。袁總統屢徵不起。突任爲水利局總裁。丁辭曰。老朽不堪爲世用。毋相逼太甚。

且賦詩示意。

丁名寶銓。江蘇淮安人。己丑進士。授吏部主事。擢郎中。外簡廣東惠潮嘉道。擢山西按察使。陟布政使。晉巡撫。戊午冬被刺於上海。死時年未六十也。

錫壽臣與某友善。某設肆京師。虧巨資。乃議定以肆爲彩。售票五萬張。中首彩者得肆。及期。錫獲焉。商賈紛紛具金爭購其肆。錫皆拒絕之。詣某曰。君債已償。可無憂矣。某曰。吾肆非已屬公耶。錫曰。然。余何忍據君之肆爲己。有出票焚之。某慚不自安。堅請受肆。錫託故避去。而肆卒仍歸某焉。

錫名。由貢生納資爲郎中。授陸軍部郎中。擢右參議。裁缺後。以道員記名簡放。未幾。授浙江杭嘉湖道。爲人慈祥。嘗出資十數萬。徧貽戚友。庚子兵亂。朝官厲多被毀。獨其居得免。論者謂天之報施善人。固自不爽。

費鑑清。負米走江淮間。以信確見器於同業。所得滋豐。然見利弗擅。歲歉則廉其值而出之。不居平糶之名。里有石橋將圯。費謀諸其翁。條築法甚具。集資修之時。方熯暑。父子彳亍烈日中。指揮督察。數月橋成。堅利逾舊。父老咸曰。是費氏父子者。世濟其美者也。

費名。啟豐。江蘇南通人。

楊杏城。久歷臚仕。俸給外。不苟取毫髮。董招商局前後幾十年。例得勞金十餘。

萬楊謝不受。而獨之公家。或問曰。是奚爲不受。楊曰。取之固足富。舍之不患貧。有用之金錢。宜作有益之事業。

楊名士琦。安徽泗縣人。壬午舉人。先後入李勤勇李勤恪幕。累保至道員。充津榆鐵路總辦。袁世凱督北洋。任爲幕僚之長。擢四品京堂。旋補授商部右參議。充辦電政大臣。遷左丞。轉會辦電政大臣。督辦輪船招商大臣。兼南洋公學監督。調充議改官制提調。擢農工商部右侍郎。特授撫慰南洋華僑大臣。庚戌兩江總督。奏設南洋勸業會於江寧。朝命派充審查總長。辛亥還朝。未幾。晉郵傳部大臣。入民國爲政事堂左丞。

宋鈍初。少孤。長避地東瀛。歷十餘年。未嘗一歸省。其母年七旬。思子情切。每手示促歸。謂其知有國。而不知有家。知有親愛同胞。而不知有生身之母。宋捧書涕泣。長夜不寐。

宋名教。仁湖南桃源人。幼喪父。家貧。刻苦好學。長游日本。與孫黃等組織同盟會。主張革命。民國成立。爲農林總長。二年春。奉袁總統電召。自上海起行。被刺於滬寧車站。不治而死。識者莫不悼惜。譯著經濟學等書。

袁容菴。放歸彰德。親故無敢送者。獨嚴範孫楊哲子。便衣送至車驛。袁曰。二君

厚愛我。良感。顧流言方興。或且被禍。盍去休。嚴曰。聚久別速。豈忍無言。楊曰。別當有說。禍不足懼。

袁見前。嚴名修。直隸天津人。癸未翰林。授貴州學政。任滿還鄉。倡辦直隸學務。以勞績授四品

卿。擢學部右侍郎。轉左侍郎。晉度支部大臣。入民國政府。任爲教育總長。未之官。授參政院參政。

楊名度。湘南湘潭人。舉人。留學日本。習法政。歸國後。疆吏交章薦其才。得旨以四品京堂候補。充憲政編查館參議。旋授內閣統計局局長。入民國。任參政院參政。有著述。

章枚叔。流居海外。教授諸留學者。以國學。睹國事敗壞。大憤。思適印度爲浮屠。資斧困絕。不能行。厲廬至數日。不舉火。日以百錢市麥餅。以自度。衣被三年不澣。困阨如此。而德操彌厲。

章名炳麟。浙江餘杭人。淹博羣籍。以能文著名於世。嘗爲蘇報主筆。著論主張革命。深切峻厲。以是繫獄三年。出獄後。東渡日本。任民報主撰。爲文盡革命之言。卒爲日政府所封禁。窮困至無以爲生。民國成立。創設統一黨。組織大共和日報。自爲總主筆。爲文多匡時之論。識者韙之。政府稽功。特授以勳二位。任爲籌邊使。往來南北。醜詆國事。項城忌之。軟禁于京師龍泉寺。黃陂爲總統。乃釋之。著有章氏叢書。

徐菊人言貌溫和。素重風義。尤喜獎掖後進。門生屬吏。鄙親族有求。恒應無語。不盡。士翕然歸之。最寵信者。嘉善錢幹臣。天門周少樸。紫江朱桂莘。固始吳士湘。閩縣張貞午。

徐見前。

錢名能。訓浙江嘉善人。由編修遷御史。外任廣西學政。旋授奉天右參贊。裁缺後。授順

天府府丞。陟陝西布政使。護巡撫。民國爲內務次長。擢政事堂右丞。未幾。任平政院院長。乞休去。起爲

內務總長。晉國務總理。周名樹。模湖北天門人。己丑進士。授編修。遷御史。外任江蘇提學使。旋

授奉天右參贊。調權黑龍江巡撫。未幾。真除。民國爲平政院院長。朱名啓。鈴貴州紫江人。由佐

貳積資爲道員。晉四品京堂。授京師內城巡警總廳廳丞。徐世昌督東三省。調爲蒙務局督辦。旋充津

浦鐵路北段總辦。民國任交通總長。內務總長。吳名笈。孫河南固始人。由舉人納粟爲員外郎。

補民政部員外郎。民國爲政事堂司務所所長。調印鑄局局長。徐世昌就大總統職。任爲公府秘書長。

張名元。奇福建閩縣人。由翰林擢御史。外任湖南岳州府知府。調奉天錦州府知府。超擢奉天

民政使。民國歷任內務次長。福建民政長。政事堂銓叙局局長。奉天巡按使。都肅政史。著蠶齋詩集。編

清外史。

楊味春。爲浙江巡警道。有警察學生某詣謁。楊熟視半晌。曰。似曾相識者。某對曰。曩日家君犯罪。應杖不肖。願以身代。公憐而宥之。殊恩未報。赧顏干求。負疚

益深矣。公太息曰：君純孝人也。久置閑散，予咎胡辭。援筆委爲警官。

楊見前。

某未詳。

余壽屏性純孝。撫湘時，遇辛亥之變，僑裝懷印，挈僕潛遁出城，乘僕他顧，縱身入河中。僕覺，援之起曰：主人若死於此，誠清朝之忠臣，寧不念耄耄之封翁耶？與其爲清室忠臣，毋寧作余氏孝子。余大痛如瀝，見翁叩首嗚咽，暗不成聲。翁喟曰：吾兒殉國忠也，念父孝也，吾誤吾兒，不得謚文節矣。

余名誠格，安徽望江人。由翰林官御史，外簡廣西恩府知府，未之任，調陝西漢中府知府，擢廣西左江道，再擢按察使，三擢布政使，而以親老辭歸。復起爲陝西布政使，移湖北市政使，晉湖南巡撫。

張紹軒未遇時，受其鄉許文敏之惠及貴顯。凡許氏子弟無少長賢愚投之者，一一爲置頓。紹軒嘗對人曰：微文敏，吾安有今日之尊榮安樂。

張名勳，江西奉新人，出身隸卒，仕清歷官至甘肅提督，移江南提督，入民國授陸軍上將，任江蘇督軍，旋授定武上將軍，長江巡閱使，兼安徽督軍。乙卯以主謀復辟褫職。

楊杏城，好獎人才，爲農工商部侍郎時，屬官中東海沈雨人，湘潭袁伯夔，南豐

趙仲宣如皋冒鶴亭常熟邵厚甫不惜齒牙爲揄揚戊午九月楊卒於滬邸伯夔親視含殮感恩知己潛然涕下

楊見前

沈名雲沛江蘇東海人甲午進士入翰林超擢農工商部右丞旋署郵傳部右侍郎兼署尙書遷吏部右侍郎民國爲參政院參政兼浦信鐵路督辦

袁名思亮湖南湘潭人舉人農

工商部郎中民國爲工商部秘書旋授政事堂印鑄局局長工詩文詞趙名從蕃江西南豐人甲午進士授工部主事陟員外郎改農工商部遷郎中授廣西勸業道未之官擢四品卿銜充安徽清理財政正監理官民國爲財政部秘書外任津海關監督移兩浙鹽運使冒名廣生江蘇如皋人癸卯進士補農工商部主事歷階至郎中民國爲甌海關監督調鎮江關監督工詩有著述邵名福瀛江蘇常熟人舉人補農工商部郎中擢右參議民國歷濱江關監督九江關監督潮海關監督

陶煥卿以事爲仇家所陷追捕正急而囊中不名一錢乃求貸於友友亦寒士無法應其急需其夫人在內室聞之亟趨出慨然卸臂間金釧贈之於是方能就道得免於難陶每對人必談及茲事臨死猶念不絕口

陶名成章浙江紹興人爲革命巨子民國元年浙人擬舉君繼湯壽潛爲都督忽被人刺死於上海醫院

陳二安。性慷慨。久官鎮將。盡傾俸入以恤故人屬吏。其貧如故。人多笑之。不以介意。

陳名宦。湖北安陸人。丁酉拔貢。納粟爲中書。擢授陸軍部員外郎。出任四川常備軍統領。轉任雲南新軍協統。擢陸軍第二十鎮統制官。以四品京堂候補入民國。爲參謀次長。擢成武將軍。兼四川巡按使。調湖南督軍。兼省長。未之任。內用將軍。

楊蔚霞。淡泊寧靜。不事交遊。徵逐經其戶者。有寂若無人之歎。揭幕視之。則見其端坐看書。或伏案繪事。

楊名士戩。安徽泗縣人。壬辰進士。以知縣即用。授江蘇無錫縣知縣。並任崇明縣知縣。累任至道員。充蕪湖米厘總辦。入民國。授蕪湖關監督。移蘇州關監督。兼交涉員。

梁仲毅與朱芷青交彌篤。朱故貧。梁曰。吾當爲子營一官。俾資事蓄已而果踐約。朱卒。梁哭曰。芷青死。其家將無以生活矣。亟爲乃父圖一事。並釀千金遺其妻女。可云不忘死友。

梁名鴻志。福建閩縣人。北京大學卒業生。官法制局參事。朱名聯沅。浙江人。教育部主事。姿性純粹。喜讀書。有錢則日游海王村書肆。其師陳石遺。嘗標舉其鄉先生籙石齋悅親樓之集。及黔中鄭



莫二集。肆不易得。朱必求而得之。

蔣百里爲軍官學校校長。凡所規畫。輒爲部司所掣肘。而素頗與諸生契洽。留固不可去。又不能一日。突以手鎗自擊中胸。血流滿衣。衆驚駭大痛。百里以爲必死。託知交料理後事。然傷非要害。醫治而愈焉。一時海內誦其風烈。

蔣名方震。浙江海寧人。初畢業日本士官學校。復卒業德意志陸軍大學。趙爾巽總督東三省時。重其才。專疏薦爲奉天督練處總參議官。人民國授陸軍中將。充陸海軍大元帥統率辦事處軍事參議官。著有職分論等書行世。

楊杏城之母陳太夫人病篤。杏城朝夕侍湯藥。目罕交睫。衣不解帶。以刃割股肉和藥煎湯。進一服而瘳。杏城喜曰。吾母病起。而吾微傷。人子之事親。固應如是也。

楊見前。

袁項城徵沈子惇任司法部長。沈婉辭。袁曰。此係衆意。倘不列君名於國務員單內。恐失人望。沈曰。是無不可。但必註明以病堅辭。未逾歲。袁使長子克定敦勸其出山。沈正色曰。寧死不做官。

沈名家本。浙江吳興人。癸未進士。授刑部郎中。出守天津保定。擢大理院少卿。晉正卿。移法部右侍郎。充修訂法律大臣。擢法部大臣。鼎革後。杜門謝客。一意著書。歿年七十四歲。臨歿前四日。尚伏案著書。好學不倦。如此。著有枕碧樓詩稿六卷。枕碧樓偶存稿八卷。日南隨筆八卷。日南讀書記十八卷。說文引經異同考八卷。文選註引書目若干卷。三國志瑣言四卷。三國志校勘記八卷。古書目三卷。枕碧樓叢書十二種。輯有讀律校勘記五卷。秋讞須知十卷。刑案匯覽一百卷。刺字集二卷。歷代刑法考若干卷。卷。歷代刑官考二卷。奇籒文存四卷。

湯鰲仙。東身廉介。以全力構成滬杭甬鐵路。爲工暫而成功速。例應得勞績金三十萬。交通部如數與之。湯歎曰。余生平不貪財。阿堵物足貽子孫害。當盡作教育經費。備學者不時之需。及卒。其子遵遺命捐輸教育會。時論多之。

湯見前。

黎宋卿。雅度雍容。道德純厚。項城稱帝。封爲武義親王。鑄斗大之黃金印。遣使賚送於其宅。黎嚴拒不受。

黎名元洪。湖北黃陂人。畢業天津水師學校。旋留學英國。歸任某艦長。甲午之戰。投海以殉。遇救得生。張之洞督鄂。器其才。疊畀以重任。累擢至陸軍第二十一混成協統領官。辛亥之役。鄂軍首義於武昌。

衆舉爲湖北都督。民國成立。國會選舉爲副總統。授大勳位。四年五月大總統袁世凱病故。依法繼任爲大總統。

蔡松坡爲雲南都督。治軍嚴肅。民懷其德。釀資建生祠。鑄銅像。蔡計取其金。徧遺飢民。婉謝曰。諸君建祠鑄像。尙在百千年後。哀鴻嗷嗷。食此涓滴之賜。當可活命無算。彰人之功。不若拯人之命。滇人賢之。

蔡名鏗。湖南寶慶人。畢業日本士官學校。歷任廣西雲南軍官。擢協統。辛亥以起義功。被舉爲雲南都督。旋開缺留京。授昭威將軍。兼經界局督辦。參政院參政。未幾任四川督軍。以病去。卒於日本某醫院。鏗文武兼備。輯有曾胡治兵語錄。

張季直嘗鬻字。盡傾所入資辦地方善舉。或問曰。公何處不可羅集。而必賴腕力以成事。何也。張曰。吾豈不望人之助。然必吾力竭而後呼。將伯心庶安也。聞者稱其賢德。

張名譽。江蘇南通人。甲午進士。以殿試一甲第一授修撰。嘗入吳壯武幕。中日戰爭。主戰最力。及敗。乞病歸。集巨資創辦實業。如紗廠鹽壘畜牧輪船諸公司。一時並舉。成效冠大江南北。更出資興辦學校。設醫院。開公園。築橋梁。修道路。世之稱自治者。無不曰南通。清末授農工商部大臣。未之官。民國二年。

出爲農商總長。繼兼水利局總裁。袁世凱僭位。兩職並辭去。七年授導淮水利督辦。工書詩文均瞻雅。散見于書報者不下千百篇也。

許久香之父。以剛直犯吏忌。非罪陷獄。時久香年方少。奔走呼號於寧蘇及京師。不得直。久訟家破。母憂悲臥病。諸弟妹咸小弱。久香出營救父。歸省病母。撫衆稚。極生人之艱困。踣道路者數。旋獄解。久香流涕嗚咽跪迎父。四方莫不嗟異其孝行。

許名鼎霖。江蘇贛榆人。壬午舉人。納資爲內閣中書。尋從美日秘公使留海外。充秘魯領事。敍勞保知府。指分安徽一督大通稅務。兩守鳳陽廬州。以道員擢奉天交涉使。宣統末。被舉爲資政院議長。不就。入民國。被舉爲江蘇省議會議長。乙卯卒於滬醫院。

汪精衛。吳稚暉。李石曾。組織進德會。有八不之規約。曰不吃烟。不飲酒。不食肉。不狹邪。不賭博。不置妾。不作官吏。不爲議員。一時社會頗有風從而靡之勢。雖逐漸冷靜。而汪吳李三人。堅守弗渝。

汪名兆銘。廣東南海人。自幼能文章。既習法政於日本。復徧遊歐美。聲譽益隆。素主排滿。宣統間入京師。以地雷謀炸攝政王載灃。事敗。賴肅親王善耆救得免於死。繫獄二年。辛亥革命事起。乃出說袁項。

城倒清室。建民國。項城隍之。迨共和成立。民黨推項城爲臨時大總統。兆銘揄揚之力爲多。粵人聞其賢。舉爲廣東都督。力辭不就。項城餌以官。尤力辭。世以是稱之。吳名敬恒。江蘇無錫人。勤儉博雅。爲世所稱。嘗留學法政於日本。足跡徧歐美。讀書著述外。不聞世事。真君子人也。李名煜瀛。直隸高陽人。蔭生。度支部郎中。嘗遊東西洋。旅法日尤多。設豆腐公司於巴黎。又組織留法儉學會。學者樂歸之。

宋漁父。長農林部。詣謁袁總統。袁睹其西服敝垢。因問曰。君着此服已幾年。漁父曰。留學日本時所購。穿已十載矣。袁嗟嘅久之。贈以銀摺一扣。曰。爲數無多。可置新衣。漁父婉辭不受。袁曰。何故。對曰。貧者。士之常。今驟貴。烏能忘其本衣。雖襤褸體尙可蔽。奚必尙華麗。袁歎曰。余生平閱人多。如君志節。亦僅見也。

宋見前。

陳瀾生。遭禁錮。王亮疇盡力營救之。不得出。日入獄探視。情詞周摯。瀾生感歎曰。有友如君。余復何憂。

陳名錦濤。廣東南海人。畢業美國某大學。歸國應廷試。列最優等。授進士。補度支部郎中。擢右參議。入民國。充駐歐財政委員。旋任財政總長。以賄案牽連入獄。

王名寵。惠。廣東東莞人。留美國法學博士。爲民國第一次內閣司法總長。未幾辭去。爲中華書局編譯中西書籍。八年。政府設修訂法律館。被命爲總裁。移大理院院長。

陸孟甫。事母極盡孝道。母年踰八十。起臥必親視。飲饌必擇至精者。嘗曰。人冀子孫賢。爲子者若不孝敬其父母。猶欲蔽風雨而反損其大廈之棟樑。

陸名長。佑江蘇太倉人。由諸生考取騰錄。納粟爲知府。指分江西。久居撫幕。積勞保道員。授江西瑞安府知府。擢南瑞。袁臨道。移權巡警道。入民國。爲江西國稅廳籌備處處長。旋授直隸政務廳廳長。

新語林 卷一

# 新語林卷二

## 言語

周玉山曰。資用不節。終必受困。臨事惜財。亦能誤事。其子學熙嘗書諸座右。肅然曰。此阿父名言也。

周名馥。安徽秋浦人。由牧令歷階。至津海關道。擢直隸按察使。晉四川布政使。移直隸。陞授山東巡撫。署兩江總督。調補兩廣。入民國。袁項城遣使強之出仕。馥笑對使者曰。余年已耄耄。不解共和政治。何能作官。卒不出。

學熙字緝之。初爲浙江候補知府。繼以道員指省直隸。歷充要差。以勞績保授四品京堂。授長蘆鹽運使。權直隸按察使。入民國。兩度爲財政總長。

范成齋授平谷令。平谷地瘠民貧。咸視爲畏途。同人爲之憂。成齋笑曰。平谷居盤山之麓。饒山水之勝。昔陳六舟願以京兆尹易平谷令。余何人敢薄而不爲哉。

范名中。倍山西祁縣人。癸巳舉人。歷官京兆。香河。武清。三河。平谷縣知縣。國變後。從事教育。積勞而卒。

徐班侯爲御史。嚴劾慶親王奕劻。疏中警語云。金店辦捐。而商賈售眞名器。異



端言事而菴觀作小朝廷。孩童乳臭。攘部首之尊。兒女姻親。踞藩雄之任。江杏邨讀疏歎曰。是方不愧諫官。

徐名定超。浙江永嘉人。癸未翰林。授編修。擢京畿道監察御史。鼎革後未仕。就聘浙江通志局提調。丁巳春。挈眷乘普濟輪船返溫州原籍。船沉。徐與夫人均遇難。江見前。

李梅菴。僑居歇浦。鬻書自活。江蘇都督程雪樓禮聘爲顧問。李辭曰。某學識虛淺。不諳職政。贊揚盛化。宣布和風。非某才力所能及。

李見前。程名德。全四川榮陽人。以縣丞指分安徽。旋投奉天某副都統。充幕客。累保至直隸州知州。某將軍疏薦其才堪大用。入都召見。得旨以道員交軍機處存記。授齊齊哈爾副都統。擢將軍。未幾授黑龍江巡撫。乞病歸。起爲奉天巡撫。裁缺後。授江蘇巡撫。辛亥宣布獨立。自稱都督。旋政府正式任命之。以足疾辭。再起任舊職。二次革命。棄官逃滬。宣言不問政事。

劉申叔。隨端方入蜀。端遇害。劉聞風逃滬。仇黨欲殺之。章太炎爲之鳴冤。曰。今者文化陵遲。宿學凋喪。一二通博之才。如劉師培輩。雖負小疵。不應深論。殺一人無益於中國。而文學自此掃地。使禹域淪爲夷裔者。誰之責耶。劉因得免。

劉名師。培江蘇儀徵人。舉人。揀選知縣。保涪知府。充學部諮議官。粵漢川鐵路顧問官。嘗痛國學淪亡。

與鄧實黃節諸人創國學保存會於海上。刊售國粹學報。著有讀左劄記。

袁容菴。馭軍嚴明。嘗誡兵士曰。用命者乃手足。違令者即寇仇。羣卒聞之。悚然。

袁見前。

孫慕韓。性謙樸。遇人恂恂有禮。客問之曰。公今顯貴。竟能不驕。孫曰。能詔人者能驕人。吾不能詔。又何能驕人之詔。且驕者深惡而痛絕之也。

孫名寶琦。浙江杭縣人。以蔭生官部郎。歷階四品京堂。充出使德國大臣。任滿還朝。簡署山東巡撫。旋真除。入民國。爲熊內閣外交總長。熊去位。代之爲國務總理。仍兼外長。未幾並辭。任審計院院長。移任財政總長。再移稅務處督辦。嘗被推爲招商局漢冶萍公司董事。盛宣懷楊士琦先後卒。繼楊爲招商局總董。繼盛爲漢冶萍公司總董。

楊味春有男子八人。嘗誡之曰。唯德爲能悠久。一切智慧魄力。不足恃也。衆唯唯。

楊見前。長子名毓璋。次名毓斌。毓珂。毓璩。毓琇。毓瑩。毓環。毓璨。諸人事略另詳。

趙智菴。嘗誤呼陳宦爲宦。聞者皆匿笑。俄頃悟曰。二安口拙。是一缺點。

趙名秉鈞。河南汝縣人。由縣尉歷保至道員。指分直隸。充淮軍營務處統領。天津保定巡警總辦。從容。

璧畫規模井然。成績幾冠全國。巡警部創立。以項城之薦。得爲右侍郎。易民政部。仍舊職。戊申。項城開缺。回籍。秉鈞亦以原品休致。養晦津沽。以書畫自娛。辛亥。項城組織內閣。首薦爲民政大臣。入民國。歷任內務總長。國務總理。直隸都督。

張小帆曰。用人之道無他。信賞必罰而已。有功不賞。則解體。有罪不懲。則益肆。張名曾。敷直隸南皮人。甲戌進士。由翰林外任山西。雁平道。擢福建按察使。晉布政使。移四川。授山西巡撫。調浙江巡撫。再調江蘇巡撫。未之任。乞病歸。民國政府屢徵不起。

王石琴嘗語諸子曰。吾之不偶於時。性爲之。亦命爲之。但內省非吾疚者。亦何恨。

王名燾。福建閩縣人。舉人。官知縣。

熊健菴對鄧子通曰。觀人極難。不可輕加毀譽。一席之議論。或有可取。善其人一時之言。則可以此概其人之生平。則不可。

熊名升。恒鄧名通。均湖北黃岡人。

徐佛蘇嘗曰。中國勢不能不革命。革命勢不能不共和。共和勢不能不亡國。雖一時憤激之言。而愛國熱忱。溢於言表。

徐名佛。蘇湖南長沙人。留學日本。卒業師範學校。嘗爲新民叢報編輯。民國以來。爲國民公報主筆。其師梁啓超薦於政府。被任爲政事堂參議。

伍秩庸對狄楚青曰。近日心中悟得一妙理。凡人之害我者。決不可存報復之心。此心一發。必有所着。環空一週。此毒仍射於吾身。無異自殺。狄曰。此義微妙。非公不能道。

伍名廷芳。廣東南海人。留學美國。得法學博士。仕清。歷官至外務部右侍郎。出任美國欽使。民國肇建。以功授勳一位。六年任外交總長。兼代國務總理。著有民國圖治芻議。狄名葆賢。江蘇溧陽人。少承家學。工書善畫。以創設時報館。有正書局。有聲於社會。著有平等閣筆記。平等閣詩話。

政府稽勳。凡有功共和者。量功之巨細。分賞之等差。授張裔菴以勳二位。張聞報辭曰。未知所以爲民也。而忽有位。未知何以慰民也。而忽有勳。

張見前。

政府授黃陂等三十人嘉禾章。或文虎章。獨湯贍仙辭不受。或曰。公得毋沽名釣譽耶。湯曰。與使君子窺其罔恥。甘令小人笑其沽名。

湯見前。

建都議起。南北殊言。章太炎有五害之書。致參議院。反復辯論。利害昭然。

章見前。其書略言。頗聞堅守金陵者。謂燕京有使館礮台之險。亡清汙俗之餘。徙處南方。非獨避危就安。亦以滌瑕蕩垢。不悟政紀修明。則舊汙自化。釁非自取。則攻具無施。此二者不足以成遷都之說。今復舉利害較之。中國幅員既廣。以本部計。燕京雖偏在北方。以全邦計。燕京則適居中點。東控遼瀋。北制蒙回。其力足以相及。若徙處金陵。威力必不能及長城以外。其害一也。北方文化已衰。幸有首都爲衣冠所輻輳。足令蒸蒸不變。若徙處金陵。安於燠地。苦寒之域。必無南士足音。將北民化爲蒙古。其害二也。遜位以後。組織新政府者。當爲袁氏。若迫令南來。則北方失所觀望。日露已侵。及東三省。而中原又失重鎮。必有土崩瓦解之憂。其害三也。清帝尙處頤和園。不逞之徒。尙思擁舊君以倡亂者。非止一宗社黨也。政府在彼。則威靈不遠。足以鎮制。若徙處南方。是縱虎兇於無人之地。豈獨亂人利用其名。蒙古諸王。亦或陰相擁戴。是使南北分離。神州幅裂。其害四也。交民巷諸使館。物力精研。所費鉅萬。若迫令遷徙。必以重資備償。民窮財盡之時。而復糜此鉅帑。其害五也。今北方諸議者。或思改宅天津。其實猶不如仍舊。而況金陵南服。偏倚之區。備有五害。其可以爲首善之居哉。謀國是者。當規度利病。願瞻全勢。慎以言之。而不可以意氣爭也。若曰南土爲倡義根本。必不屈就北方。是乃鄙夫倔強之談。豈足數於大君子之前乎。縱依是說。則倡義之始。實在武昌。又不應以金陵爲宅矣。或言南中少吏。自愧輕材。以爲建宅北方。必被淘汰。由保圖祿位之心。騰其鼓簧。以撓大計。明知大勢不可更改也。強與支柱。以延雙方調洽之期。一日服官。則一日沾沾自喜。初不慮民生之日瘁。外患之相乘也。竊以號稱志

士熱中患失。亦何至是。然以今日仕途混雜。不能無浮競之徒。私相煽惑。諸君子職在建言。訐謀定命。豈忘國家久安之計。而徇朋友利祿之情。吾以爲必不然矣。

湯贛仙既辭浙江都督。袁總統器其才。聘爲公府顧問。湯辭曰。競利固屬小人。貪名亦非佳士。若誤噉殷浩之虛名。轉致樊英之失據。澆競將沿成風氣。穢濁更不減勝朝。輿論向背。乃屬耳目。甚不願共和前途。或自某敗壞。其迹似亢。其誠可憫。

湯見前。

民國成立。百度維新。于晦若儼一聯。懸於戶曰。男女平權。公說公有理。婆說婆有理。陰陽合歷。你過你的年。我過我的年。見者以爲雋語。

于名式。枚廣西賀縣人。庚辰翰林。入李合肥幕。箋奏多出其手。由四品京堂授廣東學政。充出使歐美考察政治大臣。歸授吏部右侍郎。入民國政府。授爲參政。辭不受任。旋卒。

黎黃陂促樊雲門赴鄂省長任。樊請寬限三月。黎再催曰。微論九十春光。視蔭不及。即此一日三秋。已不勝東山蒼生之慕。

黎見前。

樊名增祥。湖北恩施人。丁丑進士。授庶吉士。散館後。選授陝西渭南縣知縣。鹿傳霖撫

陝榮祿將軍西安均器之疏薦其賢。以卓異召對稱旨。記名以道府用。授安賢鳳翔道。擢陝西按察使。晉布政使。因案褫職。再起爲江寧布政使。一度護理兩江總督。民國元年授湖北內務司長。未之任。晉民政長。亦辭不之官。四年入京。就參政院參政。著有樊山全集。

徐班侯官戶部。聯軍之亂。有譯者。導德兵入宅。曰。你南方人。有無金子。徐以指畫棹曰。京字是一點一橫。一張大口。一個小人的小字。譯者大笑。導德兵退去。  
徐見前。

金病鶴中年多病。其前室周氏謂曰。病鶴之病字。上去一點。則無一點病矣。金喜其語。雋周歿。自署曰。病鶴。

金名鶴翔江蘇常熟人。

楊渭叟曰。讀書達理。方知慚愧。讀書多。方多知慚愧。鮮讀書。未必知慚愧。不讀書。斷不知慚愧。

楊見前。

章太炎致書袁總統。論治術云。以光武遇赤眉之術。解散狂狡。以漢高封雍齒之術。起用宿將。以宋祖待藩鎮之術。安慰荆吳。大端既定。然後政治可施。當法

紀之未成。惟人才爲亟務。徇故吏則不才者任事。安反側則無賴者入官。殊途同歸。皆以素政。夫變革之世。貴斲弛才。興作之時。尙精白士。袁奮曰。至理名言。親切有味。

章見前。

袁項城創設參政院。羅致遺老爲參政。有士面詰之。袁曰。漢之良相。卽亡秦之退官。唐之名臣。卽敗隋之故吏。政治不能憑虛而造。參政責任綦重。非富有經驗者不理。士無以難之。

袁見前。

楊虎公等創立籌安會。主張君主立憲。汪荃臺致書反對。有七不可之說。愷切詳明。闡發盡致。或曰。是其子榮寶之手筆。

楊見前。

汪名鳳瀛。江蘇吳縣人。拔貢。由部曹外簡湖南常德府知府。移長沙府知府。民國爲

參政院參政。

榮寶。字袁甫。拔貢生。留學日本。習法政。卒業後。以七品小京官簽分民政部。歷官

至右丞。入民國。被選爲衆議院議員。旋被命爲比利時公使。調瑞士公使。著有清史講義。其反對君憲書略云。不佞自辛亥以來。每與知交竊議。以爲治今日之中國。非開明專制不可。共和政體。斷非所宜。



及見元二年各省大吏之騷擾。國會議員之紛囑。益覺前言之不謬。然就目前時勢論之。斷不可於國體再議更張。以動搖國脈。其理至顯。敢爲執事縷晰陳之。自上年議訂新約法。採用總統制。已將無限主權。盡奉諸大總統。凡舊約法足以掣大總統之肘。使行政不能敏活之條款。悉數剷除。不復稍留抵觸之餘地。是中國今日共和二字。僅存國體之虛名。實際固已極端用開明專制之例矣。夫謂共和之不宜於中國者。以政體言也。今之新約法。總統有廣漠無限之統治權。雖世界各君主立憲國之政體。罕與倫比。談歐化者。豈無矯枉過正之嫌。顧自此制實行後。中央之威信日彰。政治之進行較利。行政漸歸統一。各省皆極其服從。循而行之。苟無特別外患。中國猶可維持於不敝。茲貴會討論之結果。將仍採用新約法之開明專制乎。則今大總統已厲行之。天下並無非難。何必君主。如慮總統之權過重。欲更設內閣。以對國會。使元首不負責任乎。則有法國之先例在。亦何必君主。然則今之汲汲然主張君主立憲。而以共和爲危險者。特一繼承問題而已。顧新約法已定。總統任期十年。且得連任。今大總統得爲終身總統。已無疑義。而繼任之總統。可用堯薦舜。舜薦禹之成例。由今大總統薦賢自代。自必妙選人才。久符物望。藏名石室。則傾軋無所施。發表臨時則運動所不及。國會選舉。祇限此三人。則局外之希冀非望者。自絕。法良意美。舉凡共和國元首更迭頻繁。選舉紛擾之弊。已一掃而空。尙何危險之足云。若猶慮此三數人之易啓競爭。不知世之名分有定。抑知競爭與否。乃道德之關係。非法制之關係。苟無道德。法制何足以閑之。竊恐家族之競爭。爲禍尤甚於選舉。不觀明太祖非採用立長制者乎。太子薨。立皇太孫。固確守立長制也。而卒構靖難之變。當日與太祖同時並起之梟雄。桀黠已受薙

無餘。與太祖共定大業之宿將元勳。亦消滅殆盡。又無敵國外患。出而橫加干涉。故幸免於亡耳。今則適非其比矣。而公等必主張君主立憲。何所取義乎。公等既主張斯制。自必期其說之成立。其事之實行明矣。然而公等皆甚愛於今大總統者也。君子愛人以德。不聞以姑息。今大總統於受任之初。即已遵約宣誓。且屢次宣言。決不使帝制復活。其言至誠愷切。亦經播諸文告。傳諸報章。爲天下所共見共聞矣。往者勞乃宣。盛唱復辟之說。天下譁然。羣起而闢之。是爲謀叛民國之大罪也。今大總統復嚴申禁令。務再有議及帝制者。罪無赦。誠以今大總統爲民國元首。受人民委託。信誓旦旦。爲民國永遠保存此國體禮也。義也。孔子曰。自古皆有死。民無信不立。果使於今大總統任期以內。而竟容君主政體之發見。致失大信於天下。悖禮傷義。動搖國本。一不可也。民國元二年。孫文黃興輩之謀亂。即籍口於今大總統有回復帝制之陰謀。全國人民確信。今大總統之誓言。並無此意。故羣曰。孫黃爲亂賊。今忽於大總統任期內。而見大總統親信之人。有君主政體之討論。是爲孫黃輩實其誣言。天下皆將服孫黃輩有先見之明。頓長其聲價。增其信用。是不啻代孫黃洗其謀亂之罪。俾死灰得以復燃。二不可也。吾國旅居各國之僑民。不下數千萬。莫不醉心歐化。以獨裁帝政爲不然。故前清末造。孫黃輩倡言革命。華僑傾資相助。冀其有成。迨民國成立。咸欣欣然有喜色。相率回心內向。一旦見祖國復興帝制。是大失數千萬華僑之心理。不啻推而出之。使爲孫黃之外府。隱助以無限之資財。三不可也。優待條件。許清室保存帝號。正以民國國體已更。無復嫌疑之可慮。故聽其襲用尊稱耳。假使民國復行帝制。則域中斷不容有二帝。勢必削清帝之尊號。寒滿族之人心。且清皇室近居宮禁。即不免偏處之大嫌。逸

出範圍。慮或爲奸人所利用。設有僉壬從而間之。爲德不卒。勢非獲已。而予人口實。恐天下從此多事矣。四不可也。近來各省水旱偏災。區域至廣。京鴻遍野。安集無資。而公家以財政奇艱。不得不厚增賦稅。繁征苛斂。視清末有加。咨怨之聲。已所難免。然每征一稅。設一捐。地方官恒召士紳商會。告以今爲民國。國有所事。責皆在民。擔負雖增。譬如自出己財。以辦家事。彼紳商心雖不願。而無說以爲抵拒之資。不得不俯首以從。今若回復帝政。彼習聞帝制者。私國爲一家之產。則觀念頓易。此後再欲增重人負。民負擔私怨有歸矣。怨憤不平之氣。鬱結於中。如積薪之蘊火。遇有梟桀鼓而煽之。則一發不可復遏。藉療原之勢。揚伐叛之名。荼毒生靈。靡知所屆。明季饑民。迫爲流寇。卒亡其國。可爲殷鑒。即使重煩兵力。幸而得平。而以私天下之故。殘殺同胞。至無算數。天道好生。必有尸其咎者矣。五不可也。今日在朝諸彥。罔非清室遺臣。正以國爲民國。出而爲國服務。初無更事二姓之嫌。屈節稱臣之病。故一經勸駕。相率來歸耳。設改爲君主政體。稍知自愛者。名節所關。天良難昧。勢必潔身引退。相與遜荒。其留而不去者。貪榮嗜利。劣庸鮮恥之徒。必居多數。此曹心理。視仕宦爲投機事業。勢盛則爭先推戴。勢衰則出力排擠。彼且不愛其身。尙何愛於國。更何愛於君。使當國者。但與此輩爲緣。共圖治理。不獨又安無望。抑且危險實多。六不可也。中國積弱。對外無絲毫能力。入民國後。軍隊增多於前。而上次日本對我破壞。中立橫肆。要求我惟屏息吞聲。不敢稍與抵抗。情見勢絀。無可諱言。今我忽無事自擾。謀更國體。際此歐戰相持。愛我者或不遑東顧。而忌我者。則虎視眈眈。惟恐我國之晏安無事。不先與謀。事必無幸。苟欲求其同意。非以重大權利相酬。足贖彼慾。殆不可得。無端大損中國。而厚利外人。而謂中國人民

對於此等行爲。果皆翕然意滿乎。即不出此。彼或以國體相同之故。佯與贊成。觀變而動。但使我於國體變更之際。地方稍有不靖。彼乃藉詞干涉。別有所挾。以兵力臨我。人心向背。正未可知。公等當此。將何以爲計乎。七不可也。

嚴範孫被命爲教育總長。堅臥不起。政府叩以用人問題。嚴對曰。任官惟賢。當求與時勢適宜之人。與之圖治。

嚴見前。

楊泗州爲政事堂左丞時。或叩以用人問題。楊曰。余主張新舊人材。兼收並容。蓋舊人所長。在有經驗。處事鎮靜。若能持大體。而遇事敢爲。負有朝氣。亦須讓新人材一步。但純用新人材。不免偏於急進。致紛更過度。不適國情。反之純用舊人材。亦必由停滯而入於腐敗。

楊見前。

袁總統屬意楊哲子爲教育總長。楊堅辭。袁曰。君薄部長不爲耶。楊對曰。教育閒曹。吾願幫忙。不幫閒。

袁楊見前。

易實甫。閒居日下。貧不能自存。其鄉人袁覆菴與之善。問君能屈志小就否。易對曰。枯魚入水。豈遑擇流。窮鳥奔林。烏暇問木。遂薦爲印鑄局參事。

易名順鼎。湖南龍陽人。由進士官道員。歷任廣西太平恩順道。右江道。雲南臨安開廣道。廣東欽廉道。廣肇羅道。惠潮嘉道。自稱爲六道者是也。幼能詩文。有神童之目。著哭尸集。有四魂七生之說。識者笑之。入民國爲印鑄局參事。兩權印鑄局局長。

楊星川。寡交游。客訝問之。楊曰。交不貴多。得一人可勝千百人。予生平知己。楊季子一人而已。

楊名毓。安徽泗縣人。畢業京師譯學館。欽獎舉人。以七品小京官指分外務部。充出使法國大臣隨員。民國歷任鐵路銀行要差。現任審計院核算官。

楊名做。湖南湘潭人。京師譯學館畢業。欽獎舉人。以道員分省補用。入民國充漢口商埠督辦公署委員。中日實業公司秘書。

伍博士與黎黃陂相見。黃陂問外交人才。伍以子朝樞對。黃陂微笑曰。君不及他人。而先舉令嗣。得毋有私乎。伍曰。昔者晉侯求賢。祁奚舉其子午。詎今人之不逮古人耶。黃陂頷首。

伍黎俱見前。

朝樞字梯雲。廣東南海人。留歐習法律。民國元年任湖北外交司長。旋辭職。被舉

爲衆議院議員。三年任政事堂參議。四年兼外交部參議。五年權外交次長。

尹太昭在宴會中對客自負曰。乃公誠東亞一怪傑也。胡文瀾在座。搖首朗言曰。見怪不怪。其怪自絕。一座哄然。

尹名昌。衡四川彭縣人。日本士官學校畢業生。歷充陸軍管帶。辛亥起兵。殺四川總督趙爾豐。自稱都督。未幾政府正式任命之。旋調任川邊經略使。以事爲人所劾。項城令入覲。既抵京。數案俱發。竟入囹圄。蜀京官有與莫逆者。力救之。得免於死。後移禁江寧。日伏案著書。成文數百篇。曰尹氏叢書。蘇督李純頗善待之。以厚幣聘爲顧問。尹被酒大言曰。是淺淺者。不足當乃公一醉。李聞而哂之。知無異志。以其狀達政府。遂復自由矣。胡名景。伊四川巴縣人。畢業日本士官學校。歸爲成都武備學校教習。錫良督滇。耳其賢。委充督練處參議。兼講武堂總辦。與藩司沈秉堃甚契。及沈擢廣西巡撫。薦爲混成協統領官。辛亥棄職歸蜀。未幾代尹昌衡爲四川都督。內調將軍。

秦宥衡上書袁項城曰。可大在任賢。非修近。何以召遠。可久在同利。非節用。何以裕民。大治無刑。刑不用也。而不可以一日躋。大亂無教。教不行也。而不可以當年止。袁答曰。名言讜論。敢不拜嘉。

秦名樹。聲河南固始人。丙戌進士官工部主事。以御史記名。授雲南曲靖府知府。調雲南首府。擢迤南道。晉按察使。調廣東提學使。入民國就清史館之聘。爲纂修。袁項城亦聘爲公府顧問。

蔡松坡有言。善用兵者。勝敗決於未戰之先。比及干戈相見。然後以爭勝負。亦已晚矣。或問何以決於未戰之先。蔡曰。民心之向背。地勢之得失。此勝敗之大原因。未戰之先。已可見及。若夫軍旅之多寡。器械之利鈍。何足道焉。

蔡見前。

柯鳳孫辭參政。人問之。柯曰。政出多門。何參之有。

柯名劭。恣山東人。翰林院編修。外任貴州提學使。民國三年授參政院參政。

唐冀賡爲貴州都督。年方二十三。有客謂唐曰。君年逾冠。已膺疆寄。洵古今罕見。唐曰。甘羅爲秦上卿。年甫十二。余視之。有愧色矣。

唐名繼堯。雲南會澤人。留學日本士官學校。畢業歸。充陸軍管帶官。辛亥以平黔亂功。被任爲貴州都督。蔡鐸乞病。薦唐自代。移雲南都督。旋改任將軍。督理軍務。丙辰之役。衆推爲軍務院撫軍長。儼然西南首領也。

康心孚創雅言雜誌。針砭政治。旁及文學。有警語曰。民意者。民當自言。無待代言。吾所言者。即吾之言。初不必假民意以自重。

康名寶忠。陝西人。自幼能文章。長而肄業日本早稻田大學。卒業歸國。充上海民立報主筆。旋自創雅

言雜誌頗風行一時。蔡元培長京師大學。聘爲教授。遂入都。積勞而卒。

梁卓如。辭幣制局總裁。有以不才之才爲無用之用語。袁總統笑曰。卓如非不才。總裁實無用。

梁名啓超。廣東新會人。舉人。康有爲弟子。戊戌變法。賞六品銜。充譯書局總辦。已而禍作。逋逃日本。組織保皇黨。設譯書社。譯東西書籍。先後發行清議報。新民叢報。國風報。辛亥歸國。袁世凱薦爲法部副大臣。不就被舉爲進步黨理事。創庸言月刊。癸丑。熊希齡爲國務總理。推爲司法總長。熊去位。速帶下野。政府創幣制局。任爲總裁。以無所事事辭職。授參政院參政。項城稱帝。反對甚烈。潛入廣西。說陸榮廷舉兵反抗。佐岑西林治軍肇慶。任都參謀。丁巳。參贊段祺瑞平復辟之亂。授財政總長。生平著述甚富。銷行最廣者曰飲冰室文集。

饒宓僧。筓湖北民政。尙得民心。以黃陂去志堅決。慮繼者或難共事。三呈辭職。不報。乃曰。子房之封大邑。旣非素心。買臣之守故鄉。尤多慚德。政府知其不可留。准之。

饒名漢祥。湖北廣濟人。舉人。以鹽場大使分福建。充提學使。署科員。入民國。任湖北都督署秘書。晉秘書長。授內務司長。擢民政長。旋任參政院參政。黃陂正位。任爲公府副秘書長。



潘蘭史。况夔生。夜坐閒談。潘曰。吾粵之某某實人妖。况曰。非人中之妖。乃妖中之妖。潘曰。何謂况曰。妖由人興。人能驅妖。妖必不敢露形。妖與妖競。人不懼妖。妖又何能作祟。

潘名飛聲。廣東南海人。舉人。嘗任教授于德京柏林。所入甚豐。歸國後。僑寓海上。已而自築屋以居。曰剪淞閣。工詩。

况名周頤。廣西臨桂人。舉人。內閣中書。嘗備書上海商務印書館。著眉廬叢話。蕙風簃筆記等書。

黎黃陂以副總統兼領鄂督。疊辭乞退。其言曰。追隨鈞座。長聽教言。汲湖水以澡心。擷山雲而鍊性。幸得此身健在。皆荷解衣推食之恩。倘遇邊事偶生。敢忘擐甲執兵之報。袁總統報之曰。雖元老壯猷。未盡南服經營之用。而賢者久役。亦非國民酬報之心。勉遂謙懷。姑如所請。

黎見前。

袁總統屢徵康長素。康堅不起。袁以詞致之曰。京洛故人。河汾弟子。咸占彙進。宏濟艱難。愛國如公。寧容獨善。康奮曰。問道求賢。三徵未已。猥以銜恤。未酬隆情。情豈忘於憂國。而創深巨於思親。

康名有爲。廣東南海人。乙未進士。授工部主事。嘗上書光緒。言變法圖強。翁同龢疏薦之。稱其才勝己。百倍。召入覲。令在軍機章京上行走。戊戌政變。慈禧大誅黨人。乃遁之日本。渡太平洋。徧遊歐美諸洲。成十一國遊記。共和建立。還國。項城屢徵不起。著書自娛。丁巳與復辟之謀。人問之。則曰。吾固保皇黨首領。保皇卽保清。是以主張復辟也。

程雪樓。嘗臨常州天寧寺。指一沙彌曰。和尚何以不應有髮。沙彌曰。爲除煩惱。而做和尚。豈能不削去三千煩惱絲。因問程曰。公亦和尚。何以有髮。程曰。余萬念都泯。不覺煩惱。雖做和尚。而煩惱絲可去。可不去。

程見前。

梁星海以書報吳子修云。門外大雪一尺。門內衰病一翁。寒鴉三兩聲。舊書一二種。公謂此時枯寂否。此人枯寂否。吳曰。趣人趣語。

梁名鼎芬。廣東番禺人。翰林院編修。以知府指分湖北。薦授漢陽府知府。移武昌府知府。擢漢黃德道。晉按察使。張之洞最寵信之。獨攬大要。同官咸側目。一時物議沸騰。不安於位。開缺以三品京堂候補。自是不復起矣。鼎革後。宣統師。傅陸潤庠歿。繼其任。兼崇陵陵工大臣。旋卒。清諡曰文節。吳名慶。浙江杭縣人。丙戌翰林。授編修。歷任外省學政。授湖南提學使。

李仲軒遊西湖。止息楊氏別墅。浙江將軍朱介人詣謁。稱呼曰大帥。李曰。勝朝督撫。例稱大帥。清亡帥何有。君爲疆吏。不應作是稱。余係平民。豈願聞斯語。朱大慙。

李名經。安徽合肥人。以優貢納粟爲道員。授四川永寧道。丁艱開缺。服闋。授湖南鹽法長寶道。擢按察使。晉福建布政使。移雲南。擢雲南巡撫。因事革職。再起爲貴州巡撫。調廣西巡撫。乞病歸。宣統初起爲雲貴總督。入民國。嘗爲政治會議主席。授審計院院長。未之官。旋授參政。項城稱帝。封嵩山四友。經義其一。六年黃陂罷免國務總理段祺瑞。以之繼任。抵任甫三日而復辟之禍作矣。朱名瑞。浙

江海鹽人。南京武備學校卒業。以道銜充安徽督練公所提調。旋充浙江陸軍第二十一鎮管帶。鼎革後。浙江都督湯壽潛委充警衛隊管帶。朱自請統兵援寧。乃率勁卒三千往。既捷。以功任第四軍軍長。湯退。蔣尊簋繼任。未幾。蔣亦辭。遂授浙江都督。兼民政長。改任興武將軍。袁氏僭號。西南諸省紛紛興師。浙軍亦蠢蠢欲動。朱對衆曰。余受恩深重。寧自辭職。不能反抗。衆怒。欲殺之。竟踉蹌逃滬。

章太炎。被禁京師龍泉寺。袁項城慮其以文字煽亂。欲殺之。內史監阮斗瞻諫曰。武舉讀駱賓王之檄布。猶許爲人才。燕王受方孝孺之口誅。尙欲其不死。章之文章學術。不可多得。無罪而戮之。公之智。豈下於燕王武嬰乎。袁動容。乃止。

章袁俱見前。阮名忠樞。安徽合肥人。以道員指分北洋。入袁項城幕。晉四品京堂。旋授順天府府丞。入民國爲總統府秘書。擢秘書長。改任內史盟。

俞恪士。結廬聖湖。以年來花柳剪伐日少。而西式樓閣益多。笑對客曰。西子雖趨時作歐美裝束。而丰韻猶存。洵不愧絕世佳人。客莞爾。

俞名明震。京兆大興人。由翰林官道員。晉授甘肅提學使。權布政使。以詩名於時。著有觚菴詩集。

楊晴川。喜讀小說。或目之爲書痴。楊曰。小說之佳者。能使人泣爲之破涕。憂爲之解頤。行坐爲之忘寢食。

楊名鏡璵。安徽泗縣人。畢業京師譯學館。欽獎舉人。以七品小京官分大理院。入民國爲交通部主事。辭職入中國交通兩銀行。旋繼孫多森爲中日實業公司專董。呂調元在皖省長任。薦其才。以簡任職。交國務院存記。

客問李季皋曰。邇日往來者。都是何等人。李曰。閉門謝客。擁書自樂久矣。朝夕往來於室者。一貓一犬耳。

李名經邁。安徽合肥人。以一品蔭生。授工部員外郎。擢郎中。晉四品京堂。充出使比利時大臣。任滿返國。授河南按察使。移浙江按察使。超權民政部右侍郎。

袁項城既殺王治馨。會將軍陸朗齋入謁。袁問曰。尊容何故消瘦甚。陸對曰。兔死狐悲。唇亡齒寒耳。袁色變。

袁見前。陸名建章。安徽蒙城人。畢業北洋武備學校。積資保道員。授廣東雷州鎮總兵。移甘肅涼州鎮總兵。再移山東曹州鎮總兵。入民國。授陸軍中將。充京師軍警執法處處長。已而以將軍督陝西軍務。丙辰之役。師長陳樹藩舉兵攻之。遂走京師。

### 政事

趙勁修爲蓬州牧。事必躬親。案無留牘。客顧之曰。吾見牧令多矣。未見如君之勤政愛民者。勁修微笑曰。今之一行作吏。百里專城。兀然高踞民上。其精神多役於酬酢。以爲陟階之捷徑。故大都吏治廢弛。民生憔悴。予亦人民。民心卽我心。民事如己事。作官何止十年。但知謹守三字。曰清慎勤。

趙名金鑑。江西宜春人。丁酉拔貢。朝考列一等。以知縣指分四川。歷任蓬州大邑。灌縣。以平匪功。擢道員。授雲南騰越鎮總兵。入民國。隱居深山。項城屢徵之不起也。工詩。字亦勁秀。

樊樊山歷官陝西宜川渭南諸大邑。嫉惡如仇。聽訟明決。有仲由折獄之長。雜曼倩詼諧之筆。良善有所勸。而無情者不得盡其辭。凡對簿公庭。莫不相悅以

解世比之海剛峯。陸稼書。

樊見前。

裴伯謙爲番禺縣知縣。前令積盜劫案凡五十。裴甫受事。廣州守謂之曰。倘能先破其二三。論功亦匪細矣。裴對曰。治盜乃令之責。一月爲期。即全獲亦不難。守殊不信。甫廿日。累搜得盜巢。人贓並獲。蓋裴化裝溷入匪中。探其實。然後破其穴。一網而盡擒焉。守擊掌歎曰。古之龔虞無斯才也。

裴名景福。安徽霍山人。以名進士爲宰東粵。屢任劇邑。其任南海時。總督岑春萱嚴疏劾罷之。遣戍新疆。未幾放還。入民國爲安徽政務廳廳長。工詩文。刊有游記詩集。

楊味春守山西平陽。有巨賈自塞北滿載而歸。其妻啓篋。取珍品數事。以與女。而以被盜給賈。賈莫信。偵探多日不能得。遂以被盜控諸縣。令不察。傳嫌疑者數人至。嚴刑拷問。卒誣服。問贓物。姑對曰。已售去矣。讞定。以文達府。楊震怒。斥令昏憤。委員詳查。得其實。傳賈及其妻女。親訊之一鞠而服。郡人以爲神。或問之。楊曰。此無他。惟審情度理耳。

楊見前。

王子雲令南海。例報獄囚微有錯。總督岑雲階召責之。王啓曰。首縣煩劇。例稟皆委於刑錢。故時或小誤。不及檢。各省多如是。非獨南海爲然也。岑恚曰。是豈牧令之存心耶。州縣爲親民之官。刑獄乃民命所係。例視而忽之。所失必多。刑獄猶然。其他可想。且妄援稗政圖委卸。是不自振作而甘爲俗吏終也。即日撤懲之。

王名崧。廣西人。

岑見前。

袁海觀知銅山縣。銅山素多盜。盜魁張三里者。連羣數千。橫於江北。縣中大猾胥役與根結相首尾。名捕三十年。瞠目相向。袁始至。陽縱不問。偵窟穴所在。驟起擒治之。駢戮其徒數十人。一邑訟爲神明。

袁名樹勳。湖南湘潭人。以知縣指分江南。歷權高淳。銅山。上海。補南匯。旋以知府分江西。司權景德鎮。劉忠誠疏薦其才堪大用。特授天津府知府。未之官。擢荆宜施道。調蘇淞太道。晉江蘇按察使。內擢順天府府尹。陟民政部左侍郎。外簡山東巡撫。擢署兩廣總督。乞病歸。民國三年。政府授爲參政院參政。未就。旋卒。

袁項城。治軍嚴輔。有營弁入民家食鴉片。袁執而誅之。諸弁糾五百餘人。咸稱有癮。罷工將見袁。袁戒衛卒多備刀索。至則縛而殺之。諸弁旋散去。左右聞之。謂曰。果來能盡殺之乎。袁曰。惟田橫之徒能同死。烏可律諸弁。示怯必來。示威必散。果來擬盡縛之。按名提問。認癮者立斬。不認者釋之。不過戮一二人。餘皆必不認矣。

袁見前。

沈子惇。以侍郎總裁法律館。廣延中外法學名家爲之佐。探微索奧。譯成各國法律書數十類。犁然知異同之原。與改革緩急之計。廢舊律。訂新律。綱舉目張。循序漸進。刪繁補漏。鎔舊鑄新。歷層累曲折。而終底於成。僉曰。子惇修訂法律。革歷朝之秕制。而主輕刑。采列國之成規。以蘄合轍。實伯夷降典以來所未有。

沈見前。

楊杏城。持節渡南洋。稔知僑民久困於外人苛法重稅。立與美官和官約。蠲苛例。置領事官。設商會。僑情大悅。既反命。力陳僑民忠愛狀。並條陳所以維持招



徠之道。上嘉納。

楊見前。

林贊虞。由御史出守雲南。昭通對衆曰。爲政大旨。在爲民興利。先爲民除害。治昭通一年。劾貪官劣紳。懲猾吏蠹役。曰。此四者不除。百姓不聊生。及爲河南巡撫。劾道府以下不職者。逾百人。將去。猶劾數十人。曰。終不留爲汙民害。

林名紹年。福建閩縣人。甲戌進士。由翰林官廣西道監察御史。簡授雲南昭通府知府。調補雲南府知府。擢迤南兵備道。晉貴州按察使。歷雲南貴州布政使。雲南貴州廣西河南巡撫。民政部左侍郎。倉場侍郎。權郵傳部尙書。軍機大臣。上行走國。復後隱居析津。

子葆恒。舉人以道員指分直隸。一度

錢銘伯。爲安襄勦荆道。絕饋遺。親賢士。嚴緝捕。興善舉。嘗對人曰。爲政貴力行。尤貴盡心。予雖遇事力行。惟恐不盡心耳。

錢見前。

黃凝齋。爲定興令。邑當拳匪亂後。瘡痍滿目。案牘若山積。凝齋嘔噓損瘠。訟無宿留。囹圄爲之一空。

黃見前。

曹根蓀。守山東青州。郡故有駐防滿營。其兵米由濟南所屬各州縣折銀解府。由府以銀易錢。按月支放。歲必與濟南各屬爭折價。月必與駐防各官爭米價。利藪所在。官事掣肘。曹曰。此市道也。何足以治民。請於撫軍。按月以折銀盡數轉解。滿營百餘年積弊。爲之一清。

曹名允。源江蘇吳縣人。己丑進士。官工部主事。兩遷至郎中。外簡直隸宣化府知府。調山東青州府知府。再調湖北襄陽府知府。權漢陽。記名以道員。在任候補生。平守正不阿。足跡不至權貴門。雖獲上得民。而內無與援。故作郡十餘年。未嘗進一階。清末士大夫中。不數數睹也。工詩古文辭。著有復盦類稿八卷。公牘四卷。鬻字齋詩略四卷。

趙醴泉。歷任四川富順。安岳。德陽。獎善懲惡。親賢遠佞。所至獄無罪犯。野無盜賊。治蹟爲天下冠。

趙名淵。山西河曲人。庚寅進士。以知縣分四川即用。歷任劇缺。累保至道員。錫良督滇。調充雲南防軍統領。錫移東三省。復薦爲黑龍江民政使。以防疫事。爲巡撫周樹模所劾罷。非其罪也。入民國政府任爲山西民政長。不就。

楊俊卿授淮揚海道。江北水災。嗷鴻遍野。楊曰。此應令諸州縣辦賑。免其流離。以治其本。以清江浦流養。杜其南下。以治其標。遂築廠八十。悉居災民。積至五十餘萬人。免厘停征。散米給錢。招徠商販。沿廠市買。儼成村鎮。派員馳赴各邑。力籌賑撫。經營既定。乃以資遣。衆相率而去。去速且盡。輿論比諸北宋富鄭公。

楊名文鼎。雲南蒙自人。己卯進士。由郎曹致官道員。試用江寧。權淮揚海道。旋真除。擢貴州按察使。移湖北。擢布政使。攝總督。晉授湖南巡撫。調陝西巡撫。

胡瓊。笙宰彌勒縣。二十八寨有積盜。三年易八令。不能治。胡至。告戍將曰。請兵捕討。寇得爲備。今出不意。往可破禽也。我先行。君繼之。戎服佩刀。夜襲禽諸盜。斬之一縣肅清。

胡名國瑞。湖南攸縣人。舉人。大挑知縣。分發雲南。屢任州縣。補平江令。國變後。未幾。投井死。

沈子均。銓授桃源縣訓導。或謂君學官。無以自見。盍棄之。沈曰。官不負人。人自負官耳。天下安有不能舉之職哉。比抵任。召邑中知名士。闢精舍。講學其中。所造就綦衆。張蔚西學行卓卓。其一也。

沈名保。衡江蘇武進人。舉人。由桃源縣訓導。晉階知縣。分發安徽。屢筦稅務。有賢聲。著有穆堂詩文集。穆堂詩話。

張名相文。江蘇桃源縣人。衆議院議員。

沈淇泉。督學關中。裁宏道味經崇實三書院。創宏道大學。羅致中外新書。纂爲提要。授諸生。循途講習。三輔風氣。爲之開化。沈召耆老而告之曰。予知無不爲。爲無不實。去之日。父老士女攀轅遮道者。傾城空巷而來。有送至百里外而猶不忍去者。

沈名衛。浙江嘉興人。翰林院編修。出督陝西學政。入民國爲國史館編纂。

楊蔚霞。先後令無錫崇明。爲治清峻。深得民心。接僚佐和藹。多厚德。事上官。鯁直。捐顧忌。合則嘗畫策。不合必力爭。崇明地居海濱。俗開化不勞而理。去之日。老弱夾道歡送。同聲歎曰。安復得此賢令尹。

楊見前。

嚴子猷。守福寧十有七年。移汀州。戒裝。耄弱依依。遮祖道。爭言仁侯臨我久。比翁嫗之狎子。姓今棄我。奈何。多泣下者。

嚴名良。勳江蘇吳縣人。卒業廣方言館。以主事擢郎中。佐吳贊誠治福建船政。以勞績保知府。簡授福

寧府知府。調汀州。再調泉州。三調權福州。子家熾。累官至廣州府知府。擢權巡警道。入民國。任廣東財政廳長。兩任湖南財政廳長。

勞玉初。宰吳橋。居官廣明。獎學勸農。惠工守法。息交涉。利交通。百廢俱舉。時稱畿輔第一循吏。

勞名乃。宣浙江桐鄉人。甲戌進士。以知縣分直隸。歷權清苑。豐潤。除吳橋。內用吏部主事。晉四品京堂。充憲政編查館參議。出爲江蘇提學使。民國三年。政府授爲參政院參政。力辭不就。

劉春霆。鎮守川邊。嘗短衣策騎。出巡郊外。一日。捕盜黃水河。腰腿皆傷。死守弗退。卒殲厥渠魁。脅從亦盡斃。賊衆戲呼曰。劉拚命。

劉名銳。恒四川涪縣人。由士卒累官至副將。擢雲南臨元鎮總兵。晉雲南提督。民國三年。起爲川邊鎮守使。

王聘三。布政中州。事無洪纖。皆委曲周詳。接僚屬。細語溫溫。視若子弟。某令材士也。無罪奪官。王察其實。力請於撫軍。復之。撫軍曰。令卽予罷劾。胡可出爾反爾。王正色曰。是非不明。進退無據。則貪官負高名。賢吏蒙冤。抑爲上官者。詎可不詳審耶。撫軍大有媿色。

王名乃徵。四川中江人。由翰林官御史。有聲諫垣。出守江西撫州。諸疆吏交章薦其賢。遂以道員存記。載禮攝政。以素器其人。立擢爲湖南岳常澧道。再擢江西按察使。未之官。三擢順天府府尹。出爲湖南布政使。調湖北。抵任未一月。護湖廣總督。自知府攝兼圻。爲期甫數月。清代所罕見也。總督瑞徵抵任。與之政見不合。乃移任貴州布政。鼎革後。家於海上。自稱潛道人。鬻醫自活。

庚子之亂。慈禧后方弄權專政。召百官入覲。諭各據所見。朱古微越次奏曰。皇太后信奸黨。恃亂民。以敵外國。今禍在眉睫。乃欲逐衆匪。不知屬意何人。辦此重大之事。慈禧曰。董福祥可靠。朱曰。董福祥老奸巨猾。斷不可恃。慈禧正色厲聲曰。爾何姓名。何官職。竟胆大乃爾。朱曰。臣爲侍讀學士朱某。心所謂危。不敢不告。刀鋸斧鉞。乃所不辭。及退。慈禧猶怒目送之。

朱名祖謀。浙江吳興人。癸未進士。授編修。陟侍講。歷階侍讀學士。晉禮部左侍郎。出任廣東學政。乞病歸。結廬吳門。日以詩詞自遣。宣統三年。授弼德院顧問大臣。辭不就。工填詞。世無其匹。著有彊村叢書。詳見文學門。

趙芝珊爲寧夏府知府。時隴上駐軍什九皆回人。故提督董福祥之舊部也。董擁資逾千萬。私儲軍械無算。政府深引爲慮。趙蒞任。向其子若孫。曉以利害。衆

感悟。盡獻藏甲。且報効鉅饟。羣疑遂釋。總督升吉甫專疏稱其才。曰：今之龐士元也。

趙名惟熙。江西南豐人。庚寅進士。授編修。先後任陝西、貴州學政。旋以京察一等。簡甘肅、寧夏府知府。擢巡警道。權布政使。辛亥蘭州兵變。以平亂功。被舉爲都督。旋政府特授陸軍上將銜。任爲甘肅都督。未幾開缺留京。充政治會議議員。繼授參政院參政。升見前。

朱子喬。統奉天巡防軍。駐錦州。時日俄戰方烈。避兵者麇集其境。子喬日夕策騎指揮諸軍。巡視獲匪。便宜斬之一境。安謐。將軍趙次珊得報。震怒。以文申斥。曰：此何等事。竟不稟命而行乎。子喬奮曰：治匪貴神速。則便宜行之。亦何罪。

朱名慶。浙江紹興人。以知縣歷官至道員。充奉天巡防軍統領。旋隨四川總督趙爾巽之蜀。擢四川陸軍統制。民國任黑龍江都督。兼民政長。改授鎮安右將軍。督理黑龍江軍務。乞病去。起爲廣東省長。任事未久。又辭職。出巨資興辦實業。嘗從南通張謇遊。頗著成效云。趙名爾巽。山東泰安人。甲戌進士。授編修。充湖北鄉試主考官。補御史。出任貴州安順府知府。調貴陽首府。陟貴東道。擢安徽按察使。再擢新疆布政使。丁艱。守制。起爲山西布政使。護巡撫。調補湖南巡撫。晉署戶部尚書。復外任奉天將軍。未幾授湖廣總督。移四川總督。再移東三省總督。辛亥軍興。衆舉爲奉天保安會會長。以都督

名義維持地方。迨南北統一。共和政府成立。袁總統遂授爲奉天都督。旋乞病歸。起充清吏館總裁。繼又兼參政院參政。項城僭位。封嵩山四官。趙其一。

沈思齊。以名孝廉。令仁和。一日。飢民聚數千人。圍跪撫院。哀乞救濟。聲音不得請。不去。撫軍慮有變。亟召首令。沈單騎至。對衆曰。爾輩無譁。本縣已購儲米糧。將散放。望爾輩明日齊入散放所。依次領取。衆聞語大安。紛紛散去。沈入報。撫軍撫軍曰。應變之才。吾愧莫如子矣。

沈名維賢。江蘇松江人。以舉人。試令浙江。歷官嘉興。桐鄉。石門。仁和。諸劇邑。保知府。入民國。先後任江蘇省議會議長。議員。清宣統間。宰仁和。巡撫增韞。令彈壓飢民。思齊事先無所聞。既至。知非空言所能解。乃詭言已購米待放。飢民信之。乃亟將倉中積米數千石散放。而飢民莫能爲亂矣。

張金波。久官遼東。三十年間。馳騁關外。捕賊却敵。排難解紛。抑強扶弱。滿蒙羌漢。望若神人。有快馬張之名。家人婢媪。舉其名以止兒啼。羣目爲張遼第二。張名錫鑾。浙江杭縣人。以佐貳久官湖北。擢知縣。累保道員。授奉天興鳳道。因案革職。再起。任原缺。權度支使。旋開缺。加副都統銜。充奉軍翼長。山西巡撫吳祿貞被刺。死於石家莊。繼其任。入民國。授陸軍上將。爲直隸都督。移奉天。改任鎮安上將軍。督理奉天軍務。兼管吉林。黑龍江軍務。調湖北。未之官。內



任上將軍。能詩。著有張都護集。

金道堅。宰故城。故城民風悍暴。素多逆倫案。有母控其子忤逆有據。金親鞠訊。盡得其實。大怒。命弁重笞之。立斃杖下。民懷其德。而畏其威。相誠無敢犯。

金名永。浙江杭縣人。初以知縣需次直隸。歷任定州知州。安平。故城。邯鄲等縣知縣。所至有聲。東督徐世昌聞其賢。調之關外。權賓州知州。擢授新民府知府。移雙城府知府。攝奉天巡警道。入民國。爲山西內務司長。晉巡按使。

趙芷孫。趙竺垣。江杏邨。同爲諫官。直言極諫。以風力聞天下。時稱三御史。

趙名啓霖。湖南湘潭人。壬辰進士。授編修。遷御史。以嚴詞彈劾親貴。罷去。起爲四川提學使。趙名炳麟。廣西全縣人。乙未進士。入翰林。授京畿道監察御史。嘗羅舉京外大吏不法狀。列諸彈章。以是罷職。旋授四品京堂。充廣西鐵路總理。入民國。爲衆議院議員。外任山西實業廳廳長。江見前。

光宣之交。三御史旣罷黜。繼起者有胡瘦唐。尤負倔強名。嘗憤端方固利行私。奸貪不法。劾之曰。論今日疆吏之寄。莫要於南洋。近時大吏之污。莫甚於端方。疏入。即襍被出都。人問之曰。朝貴方袒護端方。余斯舉無異自投法網。且歸去。一覘結果。以是直聲震海內。

胡名思敬。江西新昌人。乙未翰林。授編修。擢御史。以彈劾端方得名。平居好讀書。廉俸所入。悉購置書籍。捐藏圖書數千卷於豫章圖書館。

楊渭叟爲嘉興府知府。有管帶董耀庭者。以非罪陷獄。判處有日矣。揚深悉其冤。爲文力爭於撫院。撫不報。更以情達督部。督據以咨撫。令查明復審。遂出董於獄。一日。閹者入刺視之。董也。辭不見。固請。乃延之入。董叩首嗚咽曰。某久陷冤獄。微公已入鬼籙矣。再生之德。何以報之。楊曰。予爲官。據法出無辜。職責應爾也。

楊見前。

董名道勝。安徽人。起家行伍。以營官晉管帶。隸嘉防營。統領部。擢幫統。再擢統領。入民國爲游擊隊統領。擊匪死於召州戰地。追贈陸軍少將。

朱小笏。知秀水縣。有內河水師營弁糾合散卒。劫巨商顧姓家。朱得報。率隊往捕獲數盜。餘皆竄去。還署。及途。一盜迎面而至。舉手作放槍狀。朱立下輿。佯曰。吾知爾非劫案中人。奈何亦欲行凶耶。盜不虞有他。從容掠輿而過。從弁即執而繫之。朱曰。不一網打盡。後患即在目前。乃親詣營。擒行劫之諸弁。置諸法。自是終任三年。城內外不復見盜之蹤跡。

朱名啓。鳳江蘇宜興人。以進士即用知縣。分浙江。歷任仁和。錢塘。秀水。諸縣。保知府。權杭州府知府。再保道員。改分河南。內調監政院顧問官。記名弼德院參議。入民國。杜門不出。

譚芝雲。爲衡永彬桂道。爲治七年。衡永災旱相繼。彬桂亦半歲不雨。四州飢民數十萬。求訴于官。諸牧無策以救之。譚歎曰。是固吾之責。頓解囊資。然杯水車薪。何濟於事。急乞憐鄂湘督撫。及漢滬巨商。有得即散放。散放必平均。賴以生。活者十人。中有八九。衆感之。刺骨相與伐石樹坊於衡之漾湘門。以誌不忘。

譚名啓。瑞貴州鎮遠人。壬辰翰林。授編修。改官道員。指分直隸。授陝西潼商道。移湖南衡永彬桂道。歷權勸業道。鹽法長寶道。按察使。布政使。入民國。任國史館纂修。

辛亥軍興。黎宋卿威振江漢。天下向風。林頌亭身先士卒。百戰百勝。唐少川舌戰羣英。心力俱瘁。伍秩庸弭定共和。百折不回。段芝泉首請遜位。威加萬乘。汪精衛和會南北。轉危爲安。國人頌功績者。僉稱此六人。

黎見前。

林名述。慶福建閩縣人。少年倜儻。有大志。嘗憤然曰。男兒居今不學。萬人敵。願以文書

終。耻孰甚焉。於是挺身投福建武備學校。既卒業。充南京三十三標一營排長。擢隊官。晉三十二標三營管帶。改三十四標二營管帶。擢統領。辛亥之役。鎮江。蘇州。杭縣。上海。聯軍攻金陵。述慶率鎮軍直撲

天保城。猛戰七晝夜。身先士卒。冒矢石以登。克之。衆推爲南京都督。辭不就。政府稽功。授陸軍中將。加上將銜。唐名紹儀。廣東香山人。留學美國。精英語。任朝鮮稅務委員。結交袁世凱。世凱屢援引之。以縣丞累保至道員。授津海關道。旋開缺。晉授三品京堂。議英藏條約。差竣。授郵傳部右侍郎。出任奉天巡撫。以事使華盛頓。還朝。奉撫己另簡人。得以侍郎候補。未幾代徐世昌爲郵傳部尚書。辛亥軍興。袁項城薦之爲議和全權代表。挈隨員數十人至滬。南方議和領袖則伍廷芳。主張推翻清室。改建共和。紹儀固醉心西方法制。深表同情。遂交換條件。迫清帝遜位。建中華民國。共和政府。舉袁世凱爲臨時大總統。袁既就職。授紹儀爲國務總理。以借外資事。爲國會質問。憤而辭職。有謂是乃袁項城所嗾。紹儀銜之刺骨。反好爲仇。癸丑之役。丙辰之役。紹儀以表示反對。皆與謀。黃陂正位。任爲外交總長。以軍人反對。未能之官。伍見前。段名祺。安徽合肥人。北洋武備學校畢業。軍事學問。寇同儕。袁項城練兵小站。任爲教練處總辦。歷官統制。擢加侍郎銜。署江北提督。辛亥授第二軍軍統。兼湖廣總督。聯合諸將。領電逼清帝宣統遜位。共和成立。任陸軍總長。授陸軍上將。政府設將軍府。授建威上將軍。管理府事。一出督鄂。再出督汴。爲日皆甚。暫項城僭位。反對最烈。乞病退。及總統制取消。恢復國務院。起爲國務總理兼陸軍總長。自是旅進旅退。汪見前。

趙烟客爲內務部長時。京師兵變。全城鼎沸。各區巡警將列隊出而彈壓。趙止之。令所有崗位一律退去。或詫問其故。趙曰。巡警非能與兵戰。戰則徒令送死。

勢窮且從而附利之。其禍更烈。俟天曉。此輩必棄械竄散。爾時擒之易矣。及明果如臆度。

趙見前。

李秀山。馭軍嚴肅。所向秋毫無犯。一弁市布疋。給值不如數。肆主力爭之。弁怒。拳擊傷其額。適爲巡查所見。訴諸李。立寘諸法。以頭示衆。曰。有犯者亦如此。頭顱諸卒戰慄。至不敢仰視。

李名純。直隸天津人。北洋武備學校高材生。馮國璋爲小站練兵總辦。授之爲營官。三遷統領。擢新軍協統。晉第六鎮統制。入民國。授陸軍中將。充第六師師長。二年。授江西護軍使。未幾。擢江西都督。晉上將。三年。改授昌武將軍。督理江西軍務。五年。改稱督軍。六年。移督江蘇。九年。授英威上將軍。蘇皖贛巡閱使。令下甫旬。日以手鎗自斃。遺書殷殷。以國事爲念。識者哀之。

馬雲亭。護軍寧夏。聃調漢回。斃強蘇。奕列商賈。還之肆。出帑金二十萬。散旂爲民。輸器拔械。勗以恆業。軍民大和。皆曰。馬公活我。

馬名福。祥甘肅固源人。起家武舉。歷官至阿爾泰總兵。入民國。爲寧夏護軍使。授陸軍中將。加土將銜。閻百川。治軍山右。兼筦民政。修武備。講吏事。興教育。拓實業。革陋俗。三晉治績。

冠絕海內。

閻名錫。山西五台人。日本士官學校畢業生。歷任陸軍軍官。辛亥之役。被舉爲山西都督。旋政府授爲同武將軍。督理山西軍務。改任督軍兼省長。

許雋人。巡按八閩。勵精圖治。築馬路。闢公園。設勸業會。編書報。提倡銀行公司。諸事業。凡有益民生者。幾靡不樂爲之。嘗出巡諸邑。爲文以紀之。曰閩海巡記。一時三山耆宿交稱曰。雋人不媿爲目下之良吏。

許名世。英安。安徽秋浦人。拔貢。朝考一等。官刑部七品小京官。擢主事。赴日本習法政。徐世昌督遼。東薦爲奉天高等審判廳廳丞。旋授山西提法使。民國元年。爲司法總長。二年。授奉天民政長。四年。授福建巡按使。五年。任內務總長。移交交通總長。

王志襄。任山東高密縣知事。孫純齋。任直隸定縣知事。厲行新政。條理井然。王治績尤著。一時有兩模範縣之稱。袁項城嘗舉以誥令全國。謂凡爲牧令者。應以王爲鑑。遂破格擢爲京兆尹。獎其勳勞。袁歿。黎黃陂繼位。孫入覲。黎曰。子尙屈任百里耶。立下令授山東省長。欣然曰。子治定縣。稱模範縣。願子治魯省。亦稱模範省。

王名達。安徽涇縣人。以知縣官直隸。入民國。爲山東高密縣知事。袁項城嘉其政績優良。超擢爲京兆尹。孫名發。緒安徽桐城人。隨黎黃陂治軍湖北。以有功共和。授勳五位。充漢口電報局局長。卸職後。願屈志百里。求黃陂書介紹于直隸省長朱家寶。朱一見。歡若生平。委權定縣。旋真除黃陂爲總統。超擢山東省長。移山西省長。

莊思緘。爲審計院長。有某官僞造單據。浮報用途。審查鈎稽。盡得其破綻。莊咨國務院懲治之。院以其人已辭官。可置弗議。莊堅欲獲其人。依法審辦。而後已。院不理。乃入告總統。雖格不能行。而聞者肅然。

莊名蘊。寬江蘇武進人。以道員指分廣西。授太平思順道。旋開缺。充防軍統領。入民國。元年爲江蘇都督。三年任都肅政史。四年任審計院長。



#182  
7 (293)  
11

231



新

語

林

孝  
賢



# 新語林卷六

## 企羨

陳鶴柴慕吳君遂清德學業。願執贄門下學詩。吳大喜。語人曰。猶昌我之得張籍也。

陳吳俱見前。

林亮奇見石遺室詩話。對陳衍曰。尊著獨無二詩人。或不識之耶。陳曰。李拔可曾介二客相見。亦為是言。乃夏劍丞諸貞壯也。互道傾想之意。君所言得無是乎。林曰然。

林名景行。福建閩縣人。衆議員秘書。

李名宜龔。福建閩縣人。舉人。江蘇知縣。

夏諸俱見前。

朱漚尹。稅宅金閭。鄭叔向慕其高義。遷與為鄰。以詞相切磋。叔向嘗過朱廬。值漚尹方臥。逕入書齋。手疆村詞朗誦。

朱鄭俱見前。

徐弢齋與袁容菴初不相識。一日。弢齋詣袁宅。昂然入書齋。容菴隔窗遙見一人自外至。神氣爽朗。起身迎之。詢知是淮陽縣館客。遂縱談古今成敗。中西異聞。不知者幾疑素有深情。僕從侍側。目睹以爲奇。弢齋辭歸。居停問何之。曰。聞人言。項城有袁世凱。其人英邁之氣。咄咄逼人。特往訪之。果一卓絕之士。他日治天下者必斯人。

徐袁俱見前。

惲恭孚是毓鼎之子。年少風流。王聘卿見之於席間。驚問曰。是誰家子弟。河間曰。是惲四薇孫之嗣君。聘卿固抱伯道憂。因歎曰。吾若有子如此。君王氏家聲當益震矣。

惲名寶惠。京兆大興人。主事。破格擢授副都統。入民國爲國務院秘書長。

王馮俱見前。

林頌亭與林琴南初未相識。一日。投刺於其門。願執贄爲弟子。琴南驚曰。將軍非血戰得天保城。而長驅入石頭者耶。頌亭曰。不如先生所言。幸勝耳。琴南曰。野老不識貴人。將軍之來。何取於老朽。頌亭曰。請受古文。琴南曰。老朽之文。烏

能名文。將軍不以爲劣者。自今日始。自是頌亭每三日必一至聽講。

林林俱見前。

黃克強。宋鈍初。素昧生平。一日。遇於友人家。賓朋滿座。議論風生。獨鈍初向隅而坐。噤不一語。然英爽之氣。溢於眉宇。黃私問人曰。此非宋鈍初乎。曰然。乃引介相見。抵掌談天下事。旁若無人。自是二人往還日密。卒成良友。

黃名興。湖南長沙人。初以諸生就學於兩湖書院。倡民族主義。復遊日本。列名同盟會。實行革命。廣州之役。被鎗傷一指。民國成立。授陸軍上將。爲南京留守。

宋見前。

陳英士。黃秀伯。爲莫逆交。秀伯嘗過楊泗州所。盛稱英士之才。謂其人雖革命激烈。派然通時務。識俊彥。任俠可風。宿慕公道。高德修。願事以師禮。敢一言爲介。公許之否。楊笑曰。老朽不解事。共和元勳。奚取焉。固辭不獲。始允。一見而不承。爲師。越日。英士戎裝入謁。執禮甚恭。互相傾談。盡歡而散。

陳名其美。浙江吳興人。自幼習賈。崇德。素有大志。竊肆款逃之日本。習法政。至則入同盟會。備言革命。而不諱。辛亥。率同道數千餘人。圍攻江南製造局。被執。得解乃免。遂稱上海都督。共和統一。政府任爲工商總長。未之官。旋被舉爲參議院議員。亦未出席。被暗殺於上海。

黃名中。慧。江蘇江寧人。以

道員分直隸。嘗居長庚幕。授駐美國領事。

楊見前。

趙智菴歿後。袁項城實行總統制。張馨菴對項城曰。斯人倘在。當可於樞府占一席。項城歎曰。智菴風度不可復見。甚似鳥之去其羽翼。

趙張俱見前。

唐少川有數女。一適楊某。一適張某。一適顧少川。辛亥議和席間。見王儒堂。悅之。知尙未有室。語王曰。余願以女配君。議將成。而其女暴卒。少川哭之慟。更以失一佳婿。悒悒不樂。

唐見前。顧名維鈞。江蘇人。游學美國。得博士。歸任國務院秘書。調外交部參事。擢墨西哥公使。

未之任。調美利堅公使。王名正廷。浙江奉化人。留學美國。得學士。歸國後任湖北外交司長。擢

工商次長。權總長。乞退去。被舉為參議院副議長。

### 傷逝

麥孺博歿。梁任公為詩八首以哭之。復為長詩以祭之。纏綿哀感。悽惋欲絕。

麥名孟華。廣東南海人。與梁任公為總角交。同學於康。有為詩長不錄。

朱芷青方病得夢。自知必死。貽書梁仲毅。託以身後。並與諸朋好訣別。曰。自問

生平無所長。惟富於感情。心光浩然。可自信。仲毅曰。芷青了然生死之故。非恒人所可及。生有自來。於此益信。

朱梁俱見前。

林友蘭提倡教育。百折不回。積瘁之餘。竟以瘵卒。施學詩女士挽以聯云。先生從瀛海歸來。歷萬苦千辛。始有此桃李成陰。弦歌盈耳。弱弟在湘中奉贄。歎廿年一瞬。忍重話談經絳帳。問字玄亭。

林名可培。江蘇崇明人。舉人。日本高等師範畢業。嘗執教鞭於長沙某大學。施見賢媛門。

俞恪士歿。沈寐叟以詩悼之。詩云。食肉石遺廬。見君最後身。病餘意舒泰。氣乃温温春。貞疾恒不死。謂君易占云。吾衰心病乘。或居後來薪。前日座上客。今爲松下人。行前大笑樂。豈必非佳因。吾詩不怛化。願君返其真。而吾猶爲人。鬼伯訶逡巡。

俞沈俱見前。

江寧人爲蜀烈士鄒容開追悼大會。章太炎製一聯。作擘窠書。懸於場所。文曰。

羣盜鼠竊狗偷。死者不瞑目。此地龍蟠虎踞。古人之虛言。

章見前。

沈小沂與蔡師愚爲總角交。沈卒。蔡哭以聯曰。是縱橫排闥之才。睥睨到時流也。如太白當年。雅有狂名。驚海內。從陵谷變遷而後。淒涼悲故舊。一樣蘭成身世。祇餘詞賦動江關。字字實錄。情文並生。

沈名兆。社江西南昌人。舉人。積官道員。入民國爲總統府內史。外簡江西官鑛督辦。

蔡名寶善。

浙江紹興人。官知縣。入民國爲肅政史。旋任江蘇政務廳廳長。

吳佩伯。才華英發。爲楊杏城姪婿。年未四十而卒。楊哀之曰。佩伯於社會爲名士。於政局爲良吏。於吳氏爲令子。於楊家爲賢婿。竟不幸如顏淵短命。惜哉。

吳名慈培。雲南保山人。工書。精考校之學。以道員隨東督徐世昌任秘書。已而調北洋任官報局總辦。入民國仍舊職。朱家寶巡按直隸。耳其賢。任爲秘書長。薦以道尹存記。

楊見前。

瞿子玖。貌酷肖清穆宗。朝覲日。孝欽后見之。嘗嗚咽曰。卿與穆宗有虎賁中郎之似。余見卿如見帝。令余悲不自禁。鼎革時。子玖已罷官有年。避亂居海濱。集舊同僚流連觴詠。號稱逸社。馮蒿菴亦與焉。子玖歿。蒿菴哭之甚哀。有語云。寢

寐念周京。逸社詩成。每集逋臣賦鵑血。音容疑毅廟。舊朝夢斷。應追先帝挽龍  
鬣。

瞿馮俱見前。

鄭叔問。朱彊村。結鄰吳下。日夕相過從。親熱逾於兄弟。鄭病終。幾無以爲殮。彊  
村爲文編告其知交。集資爲治喪。撫其遺稿曰。人亡而物在。

鄭朱俱見前。

楊泗州與徐東海交深而志同。徐旣任元首。決意以楊任揆席。連詞勸駕。有舍  
君其誰語。時楊方臥病。猶強起復電云。病痊當北上。未旬日而逝。訃至京。東海  
長慟曰。江左失夷吾。吾道益孤矣。

楊徐俱見前。

康更姓。亡命海外。子特無侶。與妾何旃理形影相對。晨夕共數。舟車偕行。寢食  
同享。臨水登山。佇月看花。據案則分讀東西之冊。執卷則互問中西之字。寫書  
畫則較論中西之短長。議政俗則互辨中西之得失。曉床未興。則擁報譯。夜



燈方篝。則挾册低吟。十年如一日。既歸國。何卒於滬。康爲文哀之。悱惻動人。

康見前。

何另詳賢媛門。

林寒碧。旅居歇浦。薄暮徒行通衢。猝遇西人汽車撞跌。遽卒。一時與有雅故者。感悼惜之。沈濤園挽詩。尤悽惋翔實。

林沈俱見前。沈詩云。北海薦禰生。中郎迎王粲。但自當俊才。何復計長算。體弱未爲慮。相孱亦可換。况秉玉立身。懸作鐵幹腕。游學逾十年。豁然通一旦。派別費調停。朝夕抒論斷。畏道方叱馭。窮險且推按。豈有九衢通。遂或一蹶歎。祚善無主宰。遷流聽浩漫。昨携推敲詩。要我甲乙竄。出門便長往。訣題僅得半。羸老虛倚望。髮稚待炊爨。李生（拔可）哀康出。我亦憐穉鍛。好學今則無。銜冤誰並案。舊稿檢叢殘。老淚蓄日肝。百年亦幾何。惜此團沙散。

王湘綺病篤。自知不起。命兒孫持紙筆陳臥榻。倚枕疾書云。春秋表未成。幸有佳兒傳詩禮。縱橫計不就。空餘高詠滿江山。書畢。溘然長逝。其子立懸諸靈右。愴然流涕曰。此吾父實錄也。

王見前。

蔡松坡起兵滇南。率師攻蜀。既入成都。授四川督軍。乞病去。養疴東瀛。一瞑不

視謝敬虛哭之曰魯。連仗義。不帝嬴秦。懸知東海乘槎。爲逃上賞。武鄉用兵。亦在巴蜀。試按四川遺壘。同歎奇才。

蔡見前。

謝名遠。涵。江西興國人。翰林授編修。擢御史。清末各省諮議局成立。被舉爲江西諮議局議長。入民國爲內務次長兼市政督辦。

惲薇孫。精醫術。黃秀伯之父。慎之病危。投一劑而癒。鼎革後。憤國事益壞。絕志仕進。以歌自娛。嘗現身舞榭。及卒。秀伯輓之曰。優孟衣冠遺老恨。歧黃薄石故人情。

惲名毓鼎。京兆大興人。癸巳翰林。授編修。屢擢至侍讀學士。

黃見前。

楊霞蔚兄弟八人。蔚霞行三。其二兄士普。四弟士驥。七弟士銓。俱前卒。長兄士燮。癸丑歿於津寓。五弟士琦。戊午歿於滬邸。蔚霞哭之慟。爲十五聯懸於靈右。字字哀惋。語語悲痛。其一云。生當我後。死在吾先。近來家運迤邐。五樹荆花都委地。誕值春初。病愁秋老。賸有古姿。偃蹇十年松柏。枉參天更有那堪。對影忽成三之句。蓋感慨自身及其六弟士鈞。八弟士驄也。

楊俱見前。

士驄。字艾青。以諸生納粟爲同知。分江北累保之道員。充清江銅元局總辦。已而調

充兩廣官電局總辦。內用郵傳部丞參。上行走。充京奉鐵路總辦。擢四品卿。授湖南財政正監理官。入民國為衆議院議員。任葦蕩營墾務督辦。

王无生與章秋桐友善。无生夙病肺。且勞於筆硯。精力漸衰。嘗曰。亭伯自知不壽。而相如無以為生。及逝。秋桐歎曰。江南文士。又弱一個。

王名鍾。江蘇江都人。學問淹雅。嘗為民立報主筆。與章秋桐彌契。因共組織。旬刊曰。獨立週報。專談法理。旁及政治。近世有名之雜誌也。著述菴秘錄等書。  
章見前。

梁巨川。隱憂國事。久蓄死念。戊午秋。初投身京師。淨業湖。無論識與不識。咸悼惜之。林琴南輓之曰。不忍偷生。李懷麓無此勇決。居然蹈海。魯仲連尚屬空言。蓋湖之西崖一角。為李懷麓所營也。

梁名濟。廣西桂林人。舉人。歷官至員外郎。入民國。未仕。臨死。遺書數萬言。皆以世道人心為念。  
林見前。

丙辰之役。湯覺頓等議國事於海珠。飲彈而死。時稱三烈士。蔡松坡為是役主將。聞報。哭失聲。挽以詞曰。才如碩果。國如累棋。希合而支持。乃聚而殲絕。君等飲彈。我亦吞炭。與生也。廢棄。寧死也。芬芳。未半歲。松坡亦病死。

湯名。廣東南海人。能文章。嘗爲國風報撰著。署名明水。民國四年。任中國銀行總裁。蔡見前。

黃遠生。渡大陸。將研求新學術。甫抵美京。慘遭暗殺。其摯友孫少侯聞耗。爲聯

哀之。曰。故國豈能忘。無奈歸來先鶴化。弋人何所慕。不教寥廓任鴻飛。遺骸歸

國。日吊者咸淚下。

黃名遠庸。江西九江人。癸丑進士。授主事。遊學日本。研精法律政治諸學。嘗爲北京亞細亞報主筆。善

作新聞論。有一針見血之概。著清室轍聞一卷。

湯濟武。既下野。以美國爲共和先進。渡海考察其政績民俗。已定期返國矣。一

日。飲於餐館。出門未數武。遇刺客以鎗擊之。中胸。倒地氣絕。靈柩抵國。日吊者

同聲曰。一棺戕身。萬事都已。哀哉。

湯見前。

### 棲逸

毛實君退隱吳門。齊震岩偶因事如蘇。驅車往訪之。毛見面大哭。齊亦哭。二人

哭已。互傾積愆。無一語及政事。

毛見前。齊名耀琳。吉林伊通人。乙未翰林。授庶吉士。散館。以知縣分直隸。歷任劇缺。擢天津府

知府。再擢津海關道。三擢直隸按察使。陟江蘇布政使。晉河南巡撫。入民國。任吉林民政長。移江蘇巡按使。旋改任省長。

章一山。杜門息影。其友陳石遺對之曰。君不忘故主。甚似楊廉夫。因貽以詩曰。獨有會稽楊抱遺。悽吟天寶亂離詩。扁舟已就思鱸計。華表應疑化鶴歸。

章陳俱見前。

客有詣袁海觀者。於門外遇一長髮叟。御布衣。挾巨碗。蹠躩階下。問何爲。曰。丐耳。索碗視之。則精瓷也。問售否。曰。以此乞食。不願售。客曰。與若多金可乎。曰。丐舍乞食外。不知更有他事業。需多金奚爲。客異之。入以語袁。袁速之。入問姓氏。籍貫。叟曰。大地逆旅也。萬物芻狗也。更何里居。姓氏可記。公解人。願勿以此下問。袁方手持鼻烟壺。以援叟。叟亦探囊出壺授袁。視之。則乾隆朝御製古月軒壺也。不禁撫然。叟出。袁目送其去。嘆曰。此古之傷心人也。

袁見前。

馬季立。隱居武昌。於菱湖邊買一屋。背山面湖。夏日荷花彌望。恍住舟中。晚見隔湖燈火。不知其在城中。辛亥兵起。避走京師。意此屋或化灰燼。及返鄂。屋舍

依然馬大喜。以詩記慶曰。牽蘿補屋十年餘。長物全無祇破書。烽火已消松鶴在。依然綠蔭舊時居。

馬名貞榆。廣東順德人。舉人。歷充兩湖書院分校。存古學堂教習。京師大學校教習。治經。通尚書。左傳。能詩。

王石琴。貞整寡營。世變所觸。益與桷鑿。塊然斗室。日誦班馬書。自娛適。

王見前。

力醫隱。幼苦貧。隨父入山拾林中樸。歸供炊爨。顧有大志。語父曰。異日若買得此處田園。亦頗足樂。父呵之。後三十年。卒輾轉得焉。自是棄官。閉戶鄉居。研精岐黃。遂自號醫隱。

力名鈞。福建永福人。舉人。農工商部員外郎。

汪笑儂。棄官而爲優。自號伶隱。初以明經膺鄉選。大挑用知縣。挾資走京師。置一妾。不知其爲皇室女也。事聞於諫垣。御史聯名疏劾之。例當處死刑。家奴私請曰。其無救乎。汪曰。救可爲。惟必有任其罪者。乃得耳。奴曰。能全主人命。奴萬死不辭。汪知其誠。乃出鉅資賄朝貴。坐奴買獻罪。而汪僅以失察褫職免。旣爲

伶終身不演穆成替死諸悲劇。蓋感奴之以義喪其軀。而深傷之也。

汪見前。

廉惠卿。絕志仕進。嘗住宿山巔。讀書岩谷。枕白石。濯清泉爲樂。

廉名泉。江蘇無錫人。進士官部曹。藏書畫甚富。於京師。上海。西湖。建樓閣。皆曰小萬柳堂。

吳子修。掩關高臥。理亂不聞。嘗懸一紙於書齋。曰不談政事。不接官吏。

吳見前。

歐陽竟無。精通內典。諧習梵行。足跡所至。暢論佛理。深入人心。楊仁山居士逝世後。海內言佛事者。當推竟無自修最勤。

歐陽名漸。江西宜黃人。

八指頭陀。披蘿爲沙彌。主持天潼寺。歲壬子。有人以計謀寺產。乃親詣京師。訴諸當局。爲勢所格阻。不得直。憤而垂淚。遽然示寂。先數日。晨起聞鴉聲。感而賦詩。有句云。減余鉢中食。息彼人中爭。我身尙不有。身外復何營。是蓋絕筆也。

八指頭陀。曰寄禪。湖南長沙人。

左子屨。性高潔。國變後。棄官隱滬濱。擁書高眠。鬻字贍家。客問之曰。共和政體。

無事二姓之嫌。諸遺老多彈冠相慶。公獨堅臥不起。何耶。左曰。從政之念早泯。千世之心已絕。

左名孝同。湖南鄉陰人。左宗棠季子。壬子欽賜舉人。以道員指分浙江。累官江蘇按察使。權布政使。  
林畏廬。頗勵名節。徐又錚推重其文才。爲段合肥言。合肥即聘爲顧問。畏廬謝曰。在昔嘗宣言願以孝廉終。今猶斯志也。

林徐段俱見前。

岑盛之年已古稀。徜徉山水間。吟古人詩以取樂。客有詢以時事者。若不知兩漢。無論晉魏。一孤憤奇特之人也。

岑見前。

李梅孫。閉戶侍母。不問世事。自號曰梅道人。客笑謂之曰。君可與海上之清道人。潛道人鼎足而三矣。梅孫答曰。與世無爭。或足比擬梅菴病山。以論才學。弗如遠甚。

李名鷗飛。浙江杭縣人。己丑翰林。授庶吉士。散館。以知縣即用。授江蘇昭文縣知縣。

姚橫溪。息影敝廬。蕭然有物外之志。友人以書促赴官。姚以詩答之云。江雨翠



烟間種菜。青溪黃帽老耽書。

姚名昶。明安徽桐城人。舉人。授陝西鳳縣知縣。移寧羌州知州。擢四川知府。

賢媛

王恩紱之繼母沈氏。性慈藹。待人以恕。不宿舊怨。同居有從姊妹嫁富室。以沈氏貧。不相過從者十餘載。晚歲沈氏家日昌。始一來相持而泣。且隱親之曰。吾姊妹均老矣。後姊子以事陷獄。適次子縉知縣事。屬善視之。曰。無爲吾姊憂。其盛德不較如此。

沈氏名未詳。浙江紹興人。山陰宿儒沈竹山先生之長女。

施學詩。侍父宦遊大江南北。所過名山大川。都發爲詩歌。其夫蔡南平。盡瘁國事。憂憤而卒。施撫讀遺著。悲不自勝。作悼夫詩三十首。哀艷欲絕。

施名淑儀。江蘇崇明人。

王淑貞。能詩文。其夫死於鎗烟彈雨中。聞耗。夷然不哭。閉戶營營檢詩稿。聚而焚之。焚已。笑曰。吾夫生平未嘗親筆墨。乃凜然明大義。吾舍死無他計。留此遺墨。又奚爲者。人果可傳。何必以詩。詩若不佳。轉取憎於人。反足以掩吾真。不如

燼之爲快。雉經而死。

王名淑貞直隸保定人。

何景秋待人溫厚而尤篤於所親。乃父櫻肺疾。景秋侍病。纖微必至。逮見父終不能起。乃陰封股肉雜藥餅以進。未嘗與人一言及此事也。越日其祖母猝見之。驚爲疽發。逼視而窮詰之。始吐其實。

何名愛文江蘇松江人肄業欽明女子高等科。

何梅理與其夫康南海居日本須磨。日以種花畜魚爲事。陟松徑臨荷池。行吟爲樂。嘗遊東京上野。西京嵐山。觀瀑於箕面。觀櫻於吉野。覽紅葉於霜底。眠夜雪於日光。康染病。何手治湯藥。調肉汁。晝夜看護。辛勤勞瘁。無復人形。怡然不以爲苦。

何名金蘭直隸開平人。父勝芳。僑美爲商。金蘭性慧。知書能詩。善繪事。集中西法畫牡丹海棠玫瑰。奕奕有神。著色生動。通西語。康遊英德法奧瑞士比利時丹麥墨西哥美日十國。莫不從焉。治裝對客。惟其是賴。

張氏爲甯波李厚祺之母。以賢淑稱。諸子營業於滬市。皆請命而行。未嘗有敗。

有以販奴爲業者。出賤價買得五百人。將鬻之海外。登航待發矣。張氏聞之。立使諸子營救。不及。乃集鄉人於四明公所。議捐巨資贖之。於是得歸者四百餘人。識者讚其風義。

張名未詳。浙江鄞縣人。

賈容淑。溫謙淑善翁卒。哭甚慟。燕人處喪。柩殯後。不當服齊衰者。皆必去其蒙履。白布習爲俗。翁甫就殯。其家人多往婦居去布者。布絮縷縷盈地上。容淑方積勞患肺炎。力扶床。整掃不以屑意。居嘗善諷。其夫曰。但勿縱爲不肖。絀辱無害也。

賈名容淑。京兆宛平人。卒之日。宗族戚黨交稱曰。惜哉此賢婦。

朱惠儂。是朱六詔之仲女。歸獻縣張杖一。杖一有書癖。婦輒納其宿蓄。應之。盡乃馳書歸。假諸兄。未嘗有違意。杖一偶過行。即溫容婉誠。

朱名惠儂。直隸灤縣人。能爲文。書亦秀潔。甲寅以疾卒。時年二十。

徐仁慧。和順慈惠。得父母歡。適同里周氏。壬子津保兵變。周爲亂兵所戕。仁慧聞信。誓以身殉。扶病起。作家書抵父。以刃刎脰而死。

徐名仁慧。江蘇宜興人。上海育賢女學畢業生。任山西女子師範學校算學手工教習。

陸豔秋。天資穎慧。針黹文墨靡一不工。天性尤孝。母病劇。嘗中夜起。搏頰禱天。劉欒和湯以進。時年纔十三。

陸名文偉。江蘇人。肄業某學校。年二十四出閣。逾年而卒。

沈壽。綉工之名。馳騁中外。所綉義大利國君后肖像。嘗運赴羅馬賽會。得世界至榮譽之卓絕獎。政府以像贈義后。后嘉納。還贈綉者以自佩之鑽石表一事。表嵌其國皇家徽章。得之至不易。一時遐邇以爲殊榮。

沈名壽。適余兆熊。平日嘗稱余沈壽。江蘇吳縣人。

薛錦琴。生而穎異。方十三齡。會美政府頒行限制華僑苛例。海上志士開演說會于張園。至者逾千人。錦琴登臺演說。如懸河瀉水。滔滔不絕。慷慨激昂。聲淚俱下。聽者無不動容。相顧曰。奇女子。奇女子。

薛名錦琴。江蘇上海人。留美大學畢業。

吳芝瑛。夙耽禪悅。發願宏大。手鈔楞嚴經全部十卷。書法秀絕。不亞衛夫人簪花格。始欲於西湖北高峰造十三級浮圖以貯之。謂五百年後必有知者。然不

果而止。

吳名芝瑛。安徽桐城人。適無錫廉泉。

徐寄塵與秋瑾爲同盟姊妹。秋死逾六月。風雪渡錢塘江。乘夜炬入文種山。探得其柩。舁之西湖岳王坟側葬焉。因是幾遭不測。天下誦其風義。

徐名自華。浙江崇德人。自號織慧。詞人工詩文。著有聽竹樓詩。懺慧詞。

繆素筠善篆隸書。尤工畫。孝欽后奇賞之。召入宮中供奉繪事。參承禁闈。入陪清讌。出侍宸遊。垂二十年内。監稱之曰繆先生。

繆名嘉蕙。雲南崑明人。歸陳氏。早孀。有供奉畫稿一巨卷。

華秀芬能詩。有庚子落葉詞十二首。摹玉豁之研辭。繼謝家之哀誄。一時膾炙人口。

華名金婉。湖南長沙人。曾廣鈞之媵。

徐新華夙承家學。文筆斐然。守貞不字。有北宮嬰兒子風。以侍母病。憂勞成疾。母愈竟不起。

徐名新華。浙江杭縣人。徐珂之女。著有彤芬館筆記。

施學詩姊妹俱穎慧過人。其父嘗以橄欖爽口脆命對。學詩曰：梅子濺牙酸。其妹隨曰：甘蔗老頭甜。父澈賞不已。

施見前。

吳弱男爲北山之女。留學歐洲。研精中西文字。適長沙章士釗。章爲當世名碩。而英文學識頗得其內助之功。

吳名弱男。安徽廬江人。

梁蕘蘅以詞名。嘗有詞選之作。博視竹垞詞綜。而無其浩瀚。精視皋文詞選。而矯其嚴苛。繁簡斟酌。具見苦心。

梁名介嫻。廣東新會人。梁啓超之女。著有蕘蘅館選詞。

魯蓮貞。婉淑敬孝。事姑曲順。彌得歡心。姑病足。治久弗瘳。腐腋沾纏帶。女士汲井取澆。日夕累易。手皴膚裂。不以爲苦。姑歎曰：吾無女。而有此媳。亦何異有女。魯名蓮貞。江西黎川人。適同里陳叔彝。居恒勤儉自矢。雖有病。莫肯醫藥。與人無忤。有人求貸者。不足則檢簪珥立與之。

## 術解

楊惺吾著書滿家。矻矻窮年。惟恐壽之不足。其友陳石遺精子平法。乞推算。陳曰。君可登耄耄之年。楊大喜。而其言果驗。

楊陳俱見前。

徐彬亭簡靜直率。善相術。以八卦推演。理解精透。一時無兩。凡經其一言而定者。多奇中。自公卿至庶人。靡不樂與之遊。

徐名文丞。山東莒縣人。以佐貳官北洋。與趙秉鈞並稱二典史。時趙尙未達也。入民國。爲山東軍事執法處長。

楊渭叟善相術。鑒別無一爽者。其西席胡改菴。年少積學。風度凝重。楊對之曰。君年逾三十。必可躋監司。胡固一白丁。轉瞬間。何從驟得達官。殊以爲戲言。未嘗介懷。歲辛亥。大局鼎沸。楊告胡曰。鄂當道方延攬人才。君鄂人。盍去自投。時機不可失。胡唯唯。溯江如武昌。向招賢館報名。自薦。黎黃陂傳見之。胡慷慨縱論天下事。頗中肯綮。黃陂奇其才。遂延入幕。薦授湖北外交司長。胡喜曰。渭老之言。神驗如此。

楊見前。胡名朝宗。湖北黃陂人。初肄業南京格致書院。旋留學日本慶應大學。歸國後鬱鬱不得志。民國成立。任湖北都督府秘書。授湖北外交司長。改任外交部特派湖北交涉員。

陸朗齋爲軍政執法處長。濫殺無辜。年以千百人計。有屠戶之稱。某相士曰：天有不測風雲。人有一定果報。朗齋將來必遭慘死。聞者未遽信。及被戮於天津。僉稱相士之神明因果之可畏。

陸見前。

趙芝珊奉使宣撫江西。道經金陵。耳術士鈞金鰲名。喬裝賈人狀。訪之。僞言執事錢莊。問以前程。鈞金鰲半响曰：公會膺疆寄。現復被大任。所謂賈人者。僞也。芝珊曰：余實爲商。而非官。鈞金鰲曰：公固文人。而任武職。芝珊曰：何所見而云然。曰：公以先朝翰林。任民國都督。倘以吾信口雌黃。可刳去其眸子。芝珊大奇之。遂吐實。挈之京師。爲鼓吹於冠蓋間。一時營業大盛。

趙見前。

鈞金鰲姓名未詳。江蘇人。

歐陽平齋。研精卜筮。命相諸學。懸簾長安。嘗曰：余胸有所見。必盡情傾吐。人情好褒而惡貶。雅不欲作違心之論。張勳臣未任方面時。其幕客有識平齋者。示



以張造平齋曰。此人必膺專閫。爲期當不出明年。幕客大喜。亟報張。張樂不可支。次年督湘之命下。喜對幕客曰。昨歲爲余算命者。爲我召之來。平齋抵湘。授督署參謀。

歐陽名熙。四川成都人。廣東知府。

張名敬。安徽霍邱人。起家行伍。歷官至第六鎮管帶。入民

國。改任第六師營長。陟團長。充江西衛戍司令官。擢旅長。晉第七師師長。授陸軍中將。兼豫晉蘇皖四省剿匪督辦。旋授湖南督軍兼省長。

張南通在農商部長任。得家報云。其兄病危。時部務繁冗。不可一日離。而歸心似箭。寢饋不安。躊躇未決。乃問卜於某士。某士曰。令兄三日內恐不起。公速歸。或可相見。遲則莫及矣。南通倉皇束裝行。抵家未一時。而兄乃氣絕。

張見前。

某未詳。

鍾非園既掛冠。賣卜燕市。孫雨蕉任祥符令。非園方觀察汴中。過從無虛日。別後久不相見矣。一日。二人遇於途。孫問曰。君別來無恙耶。非園曰。以下糊口。孫詫曰。若何自苦。乃爾不材。新得一官。盍爲我幫忙去。非園曰。測字推命。已成習慣。一入官衙。轉不自安。非所以愛公而自愛也。

鍾名雲鶴。京兆人。以道員指分河南。屢筦局務。已而江北提督王英楷調之清江。任爲江北巡警總辦。  
孫名多祺。安徽壽縣人。以知縣官河南。除祥符令。累保至道員。入民國。爲江蘇豐縣知事。擢鳳陽關監督。

朱理叟。精相術。所言百不失一。汪頡荀被命長江西民政。抵南昌。將受事。諸師旅以武力及之。汪懼。問計於叟。叟曰。睹公神采。今尙非其時。且禍在眉睫。宜速行。俟秋深氣爽。余當迎公於滕王閣上也。汪乍信乍疑。卒離豫章。自此消聲逾半載。及九月。安然履任。汪歎曰。理叟其神乎。

朱名未詳。江西南昌人。饒於財。棄仕而商。

汪見前。

吳自堂。是段合肥內弟。自堂素好讀子平書。都市有亞康節者。頗研通是道。遂驅車訪之。初以合肥造令推算。亞康節曰。此人一月間。當出秉國鈞。豈段合肥耶。自堂大駭。疑其先知之。復詢以後事。曰。不能久於其位。無他害。更示以已造亞康節推畢。長揖曰。公眼前必膺重任。倘不以穢賤無識。而予以噉飯地。沒齒不忘。未幾。自堂統軍駐鄂南。檄之爲宜昌縣知事。

吳名光新。安徽合肥人。由陸軍學生累官至統帶。入民國。歷官旅長。擢師長。晉湖南督軍兼省長。軍事

方興未能之任。

亞康節未詳。

趙似昇爲周頓公次妻。賢淑多才。頓公頗資爲內助。嘗笑謂似昇曰。吾二人分則夫妻。恩則父子。誼則兄弟。同心則朋友。似昇亦笑曰。猶不止此。服役則婢僕。遺悶則清客耳。年纔二十二而歿。頓公哭之慟。作詩文哀之。集爲長生冊。悽惋動人。

趙名鳳。江蘇淮安人。

周見前。

# 新語林卷七

## 巧藝

李猛菴。家富收藏。鑒別金石書畫。獨具精解。端方通雅。好士。收置彝器。瓌物。絹素舊蹟。甲天下。猛菴前後爲題跋三十餘篇。端嘗歎曰。錢竹汀後一人也。

李見前。

章曼仙。居京師。與知交創古樂會。古琴古瑟。操縵鏗然。常在雲山別墅危樓上吹笙。自下聽之。恍有天半仙人之想。

章名華。湖南湘鄉人。

蔣克莊。善畫蟲魚花鳥。栩栩欲活。山水尤勝。尺幅千里。日有所遇。信手傳之。自然逼肖。

蔣見前。

魏鍊三。俶儻多才藝。善擊刺。躡健過人。書法似北魏名家。遨遊四方。以文史書翰自娛。人稱之爲傅修期一流人物。

魏名。越。浙江紹興人。舉人。

姚茫父。覃研書畫於金石碑版。乃至詞曲。傳奇聲律。俗樂靡所勿曉。嘗與人披襟劇談。述崑弋及戲曲之源流。上溯經典。旁稽稗史。如數家珍。滔滔不倦。

姚見前。

閩僧學信。棄儒而釋。杯渡錢塘三十年。築烟霞洞於湖山。精烹飪之術。俞恪士遊杭。飯於洞中。學信指揮徒衆。治伊蒲饌。自齊五味之和。山蔬野菽。逾於肥甘。俞贈詩云。老僧不說佛。清與山同矚。了知衆生性。料理食與居。精神到鹽鼓。土木神功俱。

學信姓名未詳。福建興化人。

俞見前。

符鐵年。書畫篆刻皆入古人之室。張仲仁曰。可稱三絕。篆隸真行。各體兼工。意境特勝。一絕。畫有八大石濤之蒼逸。氣極深厚。二絕。篆刻能不離漢人矩矱。三絕。

符名鑄。湖南衡陽人。

張見前。

楊鄰蘇。工四體書。壬子避亂申江。鬻書自給。求書者紙日數束。顧精力過人。朝

夕申紙揮毫無情容。必使案無餘紙而後已。日本人爭以重金購之。歸以誇示其國人。歲入逾萬金。

楊見前。

詹眷誠。留學美國十年。研精土木工程諸學。嘗爲京張鐵路總工程師。此路自京師達張家口。經居庸關。逾巴達嶺。蜿蜒千餘里。鑿山通軌。工極艱鉅。詹獨任之。四年而成。中外驚歎。目爲人傑。

詹名天佑。廣東南海人。幼時穎敏。落落有大志。年十二。赴美國。入威士哈吩小學。既卒業。考入耶露大學。習鐵路及各工程科。光緒七年返國。派往福州船政學校練習駕駛。翌年畢業。任爲母校教習。授工科進士。歷充京張京綏兩鐵路總工程師。漢粵川鐵路總工程師。擢會辦。再擢督辦。民國八年五月。卒於任。易簀時。猶諄諄以國事爲念。口授三策。上呈政府。一謂中國工程師學會爲中等實業所基。宜繼續辦理。展而揚之。以收閎效。一謂管理俄路代表之職。宜慎選通才。俾與協約國各員。驂靳揚塵。爭國光。而杜口實。一謂漢粵川路事。往年曾上有就款計工之策。今幸武長一段業已通車。而衡彬路工亟宜趁三國銀行團要求取消德國權利之權。速定計畫。以促進行。免大利之拋荒。致中樞之隔絕。云云。卒之日。中外人士聞之。莫不爲天佑未竟其才。惜更爲中國工程界失此秦斗。惜。

顧曉舟發明八卦形之新字。援古證今。殫精竭慮。論者謂其字有八奇。六利。固中華之奇士。亦羅馬之畏友。

顧名憲成。江蘇松江人。

陸武鳴。負異才。會德國某少將遊桂林。提督蘇元春設宴款之。適天空羣鴈飛鳴。少將突出手鎗擊之。殪鴈二。已而要蘇為之。蘇忸怩有難色。陸越次起言。願代主將勞。蘇許可。乃舉鎗仰視。見鴈去已遠。自後遙擊。發無不中。鴈紛紛墜地。諸鎮將大驚。少將尤欽服。

陸見前

張遜先。汪淵若。高邕之。吳倉碩。並醫書海上。一時有藝術界四大金剛之目。

張名祖翼。安徽桐城人。拔貢。歷官至知府。

汪名洵。江蘇武進人。翰林院編修。

高名邕。浙

江杭縣人。

吳見前。

傅倫。傅侗兄弟。都精音律。崑弋皮黃靡不能之。每粉墨登場。識者稱難兄難弟。傅倫。傅侗。清宣宗之曾孫。傅倫封貝子。授農工商部尚書。已而兼資政院總裁。入民國。授參政院參政。擢院長。傅侗。封將軍。授副都統。

吳缶。廬精書畫。研篆刻。耄年尚日夕握管操刀以應人之請求。見者以爲具龍馬精神。

吳見前。

王病山。精歧黃。乙卯懸壺海上。病者雖困篤垂危之疾。而信手拈藥。無不立奏奇功。沈疴若失。有鬻醫篇五古詩之作。海內傳誦。

王見前。鬻醫篇詩文甚長。有句云。吾生匪此業。慨然思古初。事親始弋獵。問途無扁盧。耽之二十載。醜毀糟是鋪。竄居江海上。抱疾稍爬梳。時或有微契。不能以詞據。小試輒博效。親故乃交譽。真際吾自知。溢美良不慮。違詳活人術。勉以供世需。方今醇化絕。毒瀉彌扶輿。無量衆生病。殫斲莫能蘇。偷世鳴一藝。亦已愧非夫。昔者入神詣。其授由紫虛。不然長桑君。過之客舍居。違此而計獲。無非蠹簡餘。未足思韓康。恐辱君平徒。徘徊遲又久。口納足趨趨。翻然計忽改。自解亦自誣。

李梅菴。精研六書。兩漢六朝。無不摹擬。於雲峯石刻四十二種。尤逼肖。居海上。貧不能給朝夕。乃鬻書自活。有句云。欲爲賈。苦無資。欲爲農。家無半畝地。力又不任也。不得已鬻書作業。然不能追時好以取資。又不欲賤買以趨利。世有眞愛吾書者。將不愛其金。請如其值以償。



李見前。

馮鼎三發明飛機模形。組公司建廠肆於美國之紐約。第一次造成一機。試驗無效。第二次改造。試驗復無效。第三次又復無效。第四次至六次更都無效。鼎三大戚曰。倘不成。無面目見江東父老。益苦心研求。偶見一鷹翱翔空際。兩翼伸張。躍然曰。機不靈動。當是無翼。乃亟製兩翼。置左右。試之大驗。自是飛行多次。聲譽鵲起。既歸國。未獲大用。一日試演於廣州。凌空而上。高約千尺。風狂力猛。全機墜落地下。鼎三與機俱瓦碎。

馮見前。其在美國練習機器學十年。製造飛行機七年。迨返國。竟不能保全其軀。惜哉。

陳師曾多才藝。尤擅繪事。融貫中西。落筆獨闢蹊徑。往往超出尋常意表。別饒奇趣。

陸名衡格。江西義寧人。教育部編纂。陳三立之子。

曾季子與李梅菴齊名。顧所書有同。有不同。季子善學鶴銘般若。於夏承華山右軍大令尤三致意。梅菴於時賢書不輕置可否。獨稱季子之書有晉人神韻。曾名熙。湖南衡陽人。進士。授主事。

鄭蘇戡。自少工書。兼有柳黃之長。神氣骨肉都備。中歲以後。驟變而爲瘦削。骨存而肉去。晚年率意塗寫。而索書者仍絡繹其門。

鄭見前。

龐萊臣。家故饒裕。收藏甲天下。遇名跡。不惜巨金羅致之。戴文節手澤。多至十二軸。徧覽古今名畫。窮其奧妙。心領神會。下筆至有生氣。時稱大家焉。

龐名元濟。浙江吳興人。舉人。特旨以四品京堂用。晉三品京堂。著有書畫錄數十卷。

沈寐叟。書有唐晉人風。世稱第一流。顧惜墨如金。不輕易執筆。而求書者日益多。寐叟笑曰。余老且衰矣。不及此時奮筆作書。恐他日欲舉腕而不能。於是榜潤格於門。以求售。

沈見前。

何詩孫。以畫名於時。最擅山水。清越可步南田。秀潤不減醇士。世人爭得其尺楮片縑。而寶之。

何名維樸。湖南道縣人。舉人。以知府指分江蘇。充上海濬浦局總辦。循資應得實缺。兩江總督張人駿先以書達意。謂將請補揚州守。維樸復書謝曰。衰老不勝繁劇。制軍倘憐其貧病。敢請以此局相終始。

人駿許之。

趙聲伯之書。深得褚遂良筆法。其書楊士琦墓誌銘。盡力求工。秀豔為生平冠。孫蔭亭見之曰。睹此君書。幾疑河南尚在人間。

趙名世馬。江西南豐人。舉人。內閣中書。

孫見前。

汪鷗客童年。嘗以寸紙作山水。或人物花鳥。所擬無不肖。其父兄於几案間見之。大驚。問誰作。鷗客曰。吾偶戲為之耳。父兄大喜。獎勵備至。及長。日與畫師遊。縱覽古名賢畫冊。靈心善運。蔚成大家。

汪名洛。年。浙江杭縣人。舉人。

蘇子穀。工繪事。神采秀逸。李印泉印其遺畫二十幀。趙石禪綴以詩云。狂僧已怛化。留蹟動悽惻。破碎寫江山。是淚還是墨。

蘇名元瑛。廣東南海人。父商於日本。娶日本女而生元瑛。鄉人以其異類。羣擯斥之。父死。歸日本。元瑛貧困為沙門。不能作佛事。復還俗。稍與士大夫遊。猶時時著沙門衣。著有梵文典。能小說。世所傳斷鴻零鴈記。膾炙人口。

李趙俱見前。

當代奕手。有才難之歎。如徐子靜。沈雨人。楊杏城。段芝。泉駿良父子。顧水如。俞

恪士林貽書康長素何辛叔諸人皆以善奕播名海內其中當以徐子靜爲首  
屈一指

徐名致靖京兆大興人乙丑翰林授編修累官至侍讀學士戊戌主張變法超擢禮部右侍郎事敗革  
職永不叙用繫獄待罪旋釋出家於杭州日集名流對奕于佑聖觀民國四年卒

前段名駿良安徽合肥人顧名思浩江蘇吳縣人愈見前林名開幕福

建長樂人乙未翰林授編修特旨以道員署江西提學使既抵任兩權布政使未幾開缺以道員交兩

江總督差遣入民國未仕康見前何名積煒湖南道縣人子貞之孫詩孫之子

楊惺悟善鑑金石書畫一經鑑定評品極爲精審與李文石屹爲南北兩大家  
端方有所得非請二人鑑別不自信

楊李俱見前

丁仲祐博學敏求著述等身尤研精歧黃以宿患肺病於斯疾加意考求探徵  
索隱至有心得其儼方用藥斬釘截鐵視他人爲神速今之良士兼良醫也

丁名福保江蘇無錫人精算術嘗執教鞭於京師譯學館又嘗爲文明書局編譯輯有歷代詩話清代  
詩話醫學叢書文學叢書進德叢書等書

伊峻齋。紹承家學。素工四體。其所臨諸帖。以長垣本華山碑。北宋本多寶塔爲最。隸書酷肖其先德墨卿太守。

伊名立勳。福建汀縣人。官江蘇陽湖縣知縣。鼎革後。鬻書海上。歲入甚豐。

沈泊塵。善寫生。鉛筆速寫畫尤精絕。偶作諧畫。繫以短詞。描奸狀邪。可稱雙妙。  
沈名泊塵。浙江桐鄉人。

王一亭能畫。以佛像爲佳。人物亦酷肖。嘗繪災民圖。煙犯圖。窮形盡相。其寫羅漢諸佛。得崔青蚓之筆法。字亦蒼古。

王名震。江蘇上海人。

楊潤川。精音律。中西諸樂。靡一不能之。極手揮之妙。聽之者僉曰。希世之雅聲。

楊名毓。安徽泗縣人。士燮第六子。出繼爲士琦長子。畢業山東高等學校。以知府授紐約領事官。任滿還國。已而仍任駐紐約領事。再任滿歸國。遷北婆羅洲總領事。

王正如生。而目盲。性好音律。箏。笛。簫。管之屬。無不精妙。尤工三絃。冥心渺慮。體物肖聲。自曲本雜劇。饒歌。軍樂。及萬物聲音之不可以口舌傳者。莫不揣其性情。窮其微妙。意有所會。悉於絃間傳之。聽之者忘其爲三絃也。

王見前。

于嘯仙精雕刻。極鬼斧神工之能事。樊樊山為紅牡丹詩十首。嘯天盡刻於扇骨上。鈔竹如紙。使刀如筆。樊山稱其技。謂雖盧眉娘之繡。武二風子之竹。著莫能尚也。

于名未詳。江蘇江都人。

樊見前。

袁豹岑性曠達。沉酣歌韻。嘗現身京滬舞榭。每歌於發聲。咬字。運氣。調味。靡一不佳。觀者皆嘆異。

袁名克文。河南項城人。世凱次子。能詩文。字亦蒼秀。世凱沒。移家海上。署名寒雲。鬻書並小說自活。

### 寵禮

張小帆自閩藩調任四川。入蜀日。總督岑雲階出迎於郊。笑執張臂曰。吾非迎藩司。迎小帆也。張曰。何以克當。

張岑俱見前。

錢銘伯備兵安襄鄖荊時。曹根孫方抵襄陽守任。故事。知府入境。應先禮謁道臺。曹甫至。銘伯命弁從備輿馬。將往會之。一弁稟曰。太守乃觀察屬官。大人胡

不俟曹郡尊上謁後而返拜之。錢曰：余與曹公昔年契好，安問儀節。

錢曹俱見前。

沈幼嵐，自雲南按察使入覲，欲圖大用。夤緣奕劻之門，屢求見，被拒。其鄉人某御史笑語沈曰：奕劻之門不難進，然非鉅賄莫辦。沈大悟，以二萬銀券親授闈者曰：是淺淺者，聊爲王爺果餌之需。闈者人報奕劻利其多金，出迎於中門。沈且喜且驚，旣坐談，奕劻大誇其累官政績，及辭復送諸門外。沈尤駭，對人曰：金錢魔力，若其巨耶！未浹日，詔擢雲南布政使，奕劻力薦也。

沈名秉堃，湖南長沙人，以知縣聽鼓四川，歷任江安、成都縣知縣，擢成都府知府，再擢雲南迤東道，三擢雲南按察使，晉布政使，護雲貴總督，授廣西巡撫。辛亥軍興，起兵桂林，稱北伐總司令，結納民黨，黃興抵京，見項城，力薦其才堪大用，遂授浦口商埠督辦。

魏午莊，罷官鄉居，不問時政者垂二十餘年。某中將投刺請延入，午莊方臨盆，濯足，不一言，事畢，曰：將軍頸項間血斑纍纍，殆百戰之傷痕耶？曰：然。安敢謂百戰，尙欲有語。闈者報客至，視刺，王益吾也。午莊赤足不及穿襪，倒屣出迎，携手入室，歡談而別。從者笑曰：新將軍不如舊翰林。

魏名光。湖南邵陽人。隸左宗棠部下。累官至道員。超擢陝西巡撫。陟雲貴總督。移兩江總督。再移閩浙總督。未幾罷去。辛亥起為湖廣總督。未及之官。  
王見前。

增子固。自直藩擢浙撫。既受事。嘉興府知府楊味春循例詣謁。遞手版。增却還。啓中門。奏鼓樂出迎於大堂之外。坐定。楊曰：辱承隆禮。媿不敢當。今且拜而受之。嗣後應在官言官。毋令知府五內不安也。增曰：令弟蓮帥。吾師也。師之兄。理應尊敬。公必執官場儀節相繩。又何敢重違雅意。以往自應免去縉節繁文。

增楊俱見前。

屠新之。謁楊左丞於私邸。是日客滿座。泰半達官。楊過目不平視。獨長揖屠曰：數年不見。君白髯盈尺。余髮亦蒼蒼矣。傾談良久。客紛紛散去。屠出。楊送諸門外。既登車。猶拱手者再。

屠名作倫。京兆宛平人。授江寧南浦通判。民國以縣知事分發江蘇。

楊見前。

李仲軒入都。袁項城尊為上賓。贈以紫貂外套一襲。李致謝曰：野服垂綸。嚴光色黯。白衣屬目。李泌心枯。

李袁俱見前。



王湘綺膺國史館長之任。抵京日。項城以自用車迎入公府。集百官大開筵讌。以寵之。宴罷。互相道故。項城辭極卑謙。湘綺退而對人曰。袁四的是可兒。

王見前。

馮河間代位白宮。以揆席屬意泗州。屢徵之。不起。遣使仍不絕。泗州不獲已。電告北上期。既抵京。詣公府。河間出迎於門。延之上座。曰。國家多難。爲政端賴老成內閣樞要。匪異人任。余才不及項城。德不逮黃陂。若得公臂助。或可冀天下安如磐石。泗州曰。元首之命。義無可辭。顧衰病難勝艱鉅。方今四郊多壘。羣盜如毛。雖名義稱爲樞府。而號令不出國門。何敢濫竽高位。自誤誤國。河間知不可弭。遂更語他事。泗州退。河間送於大門。都人爭傳。以爲得未曾有。

馮楊俱見前。

袁項城稱帝。明令稱徐菊人。趙次珊。李仲軒。張季直。爲嵩山四友。寵以殊禮。或問之曰。公友亦多矣。他豈不及耶。袁曰。菊人次珊。仲軒。昔日比肩事主。誼同昆季。季直爲受業師。親若父子。烏能屈諸臣工之列。

袁徐趙李張俱見前。

### 任誕

唐蔚芝。青年時好飲酒。一夕酣宴於友家。酩酊大醉。仰臥通衢。朗誦春夜宴桃李園序。羣目爲狂生。

唐名文治。江蘇太倉人。進士。授主事。歷官至農工商部左侍郎。丁內艱開缺。任南洋公學監督。入民國。易名交通部工業專門大學。仍任校長。

馬季立。衣履濫褸。時時見肘。決踵。歲入千金。購書外。不名一錢。

馬見前。

秦宥。橫居官日。上書大吏言事。手寫十七帖。發電。儼極長之駢體文。官場大譁。事聞於陳石遺。以詩戲之曰。中州人物推秦七。奇字蟠胸揚子雲。奏記長官皆草聖。顰牙急遞盡駢文。

秦陳俱見前。

庚戌之歲。廿二省代表集京師。請願迅開國會。掌樞要者皆親貴。什九拒絕。僉以諸王中善者獨賢。謁之。乞爲聲塲。談次。善者忽擲瓜式帽於几上。高歌一曲。

僉大駭。相顧無一言。善者徐笑曰。諸君毋駭。予今不以王爺自居。諸君亦勿以代表自命。有能歌者。逞臆而歌可已。

善者襲肅親王。歷任民政部理藩部尙書。

蘇曼殊。淹滯華盛頓。遇一肥女。重四百斤。脰大如汲水甕。曼殊視之。大樂。問求偶否。安得肥重與若等者。女曰。吾固欲瘦人。曼殊曰。吾體瘦。爲若耦何如。

蘇見前。

蔣克莊。好飲酒。輒醉。醉則枕籍市樓。或顛躓道路。不少悔。人以爲瘋也。爭避之。蔣見前。

載濤嗜戲。以盜御馬著稱。居恒集家人串演。其母病篤。載澧入觀。澧濤之兄也。濤聞之。亟趨內闈。牽澧袂曰。正擬演黃鶴樓。缺一角色。二哥去。周瑜可手。澧曰。吾未習雉尾生。弟寧弗知其母拍床怒詈曰。余病且死。爾猶酣歌恒舞以娛樂。眞死不瞑目矣。濤乃垂頭喪氣而出。

載濤載澧皆醇親王之子。載澧承襲王爵。嘗入值軍機。以子溥儀出嗣。同治兼祧。光緒繼爲皇帝。曰宣統。而澧居攝政之位。世稱攝政王者是也。載濤以貝子加郡王銜。充軍諮大臣。

姜翰卿不持儀形。當炎夏。嘗袒胸露股。手芭蕉扇。往來市街。見售瓜菓者。探懷出銅幣數十擲案上。隨手取西瓜數十片。張口食之。食盡揚長而去。

姜見前。

况眉廬拓落不羈。嘗脫去所戴瓜式緞帽。就小攤市醬鴨滷鷄之類。曰。以此贖其中。店徒忍俊不禁。曰。是有汚帽子。况曰。無傷。揚揚執而去。

况見前。

載洵以考察象山軍港爲名。蒞聖湖游覽。巡撫增子固率司道府縣諸官進手版。一齊跪於簾外。載洵高踞華椅。手雪茄烟吞吐自如。視若無睹。侍者傳旨。令衆官退。就餐珍羞羅列。都不御。獨啖醋溜魚。須臾盡三盞。起席觀西湖景片。曰。速駕艇。吾出遊矣。

載洵。載澧同母弟。授貝勒。加郡王銜。任海軍大臣。至美國。笑柄百出。諸報繪圖醜詆之。

譚石屏疏放好酒。嘗步至郊野。塗遇一道士。携之入酒家。並坐酣飲。越日。道士詣門。謂知遇之恩。不敢忘。啓册乞捐輸香火資。譚笑曰。素與僧道無緣。昨日之

邀。正是獨行無聊之際。遇爾大樂。初不知爾爲道士。

譚見前。

徐班侯。任浙江通志局提調。局址在吳山之麓。班侯頗嗜色。一夕。飲於某妓家。玉山將頹。從者傳輿馬。班侯狂笑曰。此間樂不思局矣。蜀局同音也。

徐見前。

孫純齋。抵魯省長任。平原。濟南。泰安。兗縣。諸知事。皆往迎於德州車驛。時天氣燥熱。德縣知事劉某。先已鵠立久待。日光曝炙。頸顏俱赤。孫見劉。問君曾下鄉否。曰。爲查案勘荒。已居鄉旬日。聞騶從蒞止。乃兼程返城。歡迎。孫笑曰。覩君風塵滿面。必知入鄉間。且言且顧。在座諸人曰。諸君勤政愛民之心。當不在劉君下。何以都深居簡出。須知事必躬親。庶幾有益膺民社者。不可忽也。衆唯唯。劉退而告人曰。吾足迹何曾履鄉間一步。莫非是晒太陽的好處。聞者輾然。

孫見前。

劉未詳。

孫雨蕉。由知事一躍爲稅關監督。受事甫一日。即離署入都。自是往來津浦京

奉諸路。皆備花車。隨侍者數十人。疆吏所不及也。任職逾六月。居署僅三日。未理一公事。未閱一文牘。

孫見前。

劉麟生。放誕自肆。項城在位日。賜以嘉禾章。已而劉逋逃海上。開設一百貨小店。曰嘉禾居。嵌嘉禾章於招牌中。作商標。客見而駭曰。此招禍之道也。明哲保身。希三思此言。未幾遂輟業。

劉名成。禹湖北人。留歐習法政。民國元年。被舉為參議院議員。列國民黨。癸丑。項城解散國會。劉在通緝之列。

### 簡傲

樊介軒。不妄交游。門無雜客。嘗日手一卷。臥書齋。臨窗視明月。吸清風。歎曰。終日與風月為緣。亦人生至樂之境。

樊名恭煦。浙江杭縣人。翰林院編修。出督陝西學政。陟侍讀學士。因案被吏議降調。再起為江蘇提學使。

樊雲門。喜吸鼻烟。雖見長官。必且吸且談。曹鴻勳開府秦中。知樊有是癖。頗不

悅。一日。樊見曹探懷將出烟壺。曹佯爲弗見。捧茶送客。樊乃納壺於衣袋。不俟詞畢。即辭出。自是託故不蒞院。縱有要事。亦以筆代喉舌。曹遣使肅之。樊曰。許予吃鼻烟。乃可。否則決不從。使以告曹。曹許之。

樊見前。

余堯衢與瞿子玖係姻家。瞿居樞要。賓客擁門。大抵皆干進之徒。有過堯衢者。輒拒不納。曰。若輩非有愛於吾。乃欲吾進言於子玖耳。

余名肇。康湖南長沙人。翰林。授編修。擢御史。外任湖北漢陽府知府。移武昌首府。權漢黃德道。晉江西按察使。因事褫職。自是不復起用矣。

汪伯唐爲郵傳部左侍郎。因滬杭甬鐵路事。未有主張。浙路總理湯贛仙頗銜之。實則主持斯事者。別有人在。湯入京。伯唐往拜。意在解釋茲事。刺入閤者。傳語曰。主人云。不見此客。伯唐怏怏而歸。

汪湯俱見前。

唐春卿係項城故交。唐有門生某。浙西材士也。一日。詣唐曰。老師知項城何如人。唐不答。續曰。世人謂其外負伊霍之名。內懷操莽之志。老師日與接近。斯言

信否。唐若弗聞也者。昂然入內。回首曰。子稍坐。余即出。俄頃。一僕對客曰。主公腹痛。不能與客談矣。

唐名景崇。廣西灌縣人。庚辰翰林。授編修。累官至吏部左侍郎。擢學部尚書。改學部大臣。入民國。爲參政院參政。

王君直。習俳優。善爲新聲。日與伶人狎。某日。施省之五十初度。聚伶官票友於一堂。是日。諸劇畢。獨君直不至。乃驅車迎之。如是數次。始蒞止。延不化裝。羣客大譁。問其故。曰。必朱桂辛退。乃可。問何以獨使朱一人退。君直曰。吾在部。固一芝蔴小官。素不慣趨承。今若對堂官。貢獻不爲也。桂辛聞之。奔入內台。獎慰有加。蓋桂辛亦喜聞其歌。實不欲遽去。君直知朱意所在。益不從。桂辛遂掃興而歸。歸後。而君直移步台前矣。

王名君直。京兆人。

施名肇。會浙江杭縣人。官道員。入民國。爲隴海鐵路督辦。

朱見前

周子沂。詣載澤。載澤方與客談甚酣。熟視若無覩。周憤而出。載澤止之。曰。君甫及門。未一語而遽欲去耶。周曰。不願看白眼。

周名自齊。山東單縣人。副榜。由主事累官至外務部右丞。辛亥京朝大官多告退。超擢權度支部大臣。



入民國。為山東都督。內調陸軍總長。移交通總長。三度任財政總長。  
任度支部大臣。頗納贖賄。與載濤等並稱五大財神。  
載澤。清室近友。封震國公。

丁劭庸詣袁項城。項城謂之曰。人言君傲慢。目無餘子。得毋告者過歟。丁答曰。實事求是。執法不阿。均足以歛怨招忌。但傲慢與強項。亦在視察者何如耳。項城躓之。

丁見前。

### 排調

雷朝彥。固糾糾武夫。亦雅好詼諧。納寵日。戲對新婦曰。茲與卿約法三章。罵者死。晏寢者刑。笑人及磕睡。抵罪。

雷見前。

坪林外史嗜阿片。面有煙容。其姻家凌潤台視之而笑曰。公滿面浮腫。厥疾深矣。趙曰。浮有之腫。則未何病之有。

坪林外史見前。  
凌名福。彭廣東番禺人。乙未進士。入翰林。授保定府知府。晉道員。擢直隸按察使。再擢順天府府尹。遷直隸布政使。入民國。為參政院參政。

沈雨人。骯髒不修邊幅。吐痰被帳中。遺溺衣褲內。習以爲常。人每調之。沈曰。被帳吾之痰盂。衣褲吾之便壺。我行我素。不畏人言。

沈見前。

那琴軒。髮辮長垂。示不忘故主人。問何以不剪除。那不答。重問之。曰。物有本末。事有終始。可以人而有頭無尾乎。聞者譁然。

那見前。

王湘綺少年時。游宴鄱陽椒園。徵妓侑酒。旋如樂平。妓使人致意。謂有匪盃之請。繼且致書封髮寄焉。王對使者曰。髮剪易長。若能斷。指示信。當以桃葉迎之。使笑而去。自此不復至矣。

王見前。

易實甫將之右江道任。樊雲門寄詩。有好收側貳作蠻姬之句。易畲曰。已辦腰刀。思殺賊。未留鬚。戟爲謀姬。且戲語諸友曰。謀事有二解。與姬謀。一解也。謀納姬。二解也。衆大噱。

易樊俱見前。

章枚叔居海上。御日本僧服。帶草冠。手揮團扇。游張氏味菴園。遇友某。問居住何所。某以啟秀編譯局對。某還問之曰。我住剛毅印刷所。某曰。此何在。章曰。否。我以爲既有啟秀編譯局。不可無剛毅印刷所也。相與狂笑。

章見前。

某未詳。

按啟秀剛毅皆滿洲人。庚子拳亂之禍首也。

易實甫。別字哭菴。王湘綺嘲之曰。一事奉勸。必不可稱哭菴。事非一哭可了。况又不哭。而冒充哭乎。易報之曰。哭時公未見。他人亦未見。惟內子見之。不哭。何得稱哭菴。

易王俱見前。

鈕惕生續娶。懸賀聯滿壁。惟楊了公一聯。一額。最趣。聯曰。不破壞。焉能進步。大衝突。乃有感情。額曰。飲中將湯。觀者粲然。

鈕名永建。江蘇松江人。舉人。習陸軍於日本。民國元年授陸軍中將。

楊名錫章。江蘇松江人。

鄭叔進問王壬甫。國史何日成。王曰。方發。凡起例。何遽言成。鄭曰。凡做一事成。功之日。未始不可預計。王曰。若預計國史告成。期遲則一百年。速亦八十載。鄭曰。安用如許。王曰。君不見宣付國史立傳者之原原而來耶。若輩功德多事。

蹟亦多。非千萬言不能盡其意。鄭知情。遂不復言。

鄭王俱見前。

徐菊人僑居青島。項城屢徵不起。已而允任國事。抵都。項城盛宴爲洗塵。酒酣。項城笑對徐曰。昔人有言。東山不出。如蒼生何。予謂東海不出。如蒼生何。舉座鼓掌歡呼。徐亦微笑以報之。

徐袁俱見前。

關穎人嘗以千里駒一匹。貶價出售。爲詩紀其事。徵知交唱和。獨易實甫之書。最後至。剖視之。僅一語曰。但不知此馬落在誰家。因笑不可仰。

關名廣麟。廣東南海人。進士官郵傳部郎中。入民國充京漢鐵路局局長。因案去職。再起爲交通部司長。移參事。

袁慰廷。黎宋卿。並轡雪中。黎以手鎗示袁曰。此鎗打鳥。百發百中。袁曰。滿天風雪。不睹一鴈。此百發百中之手鎗。不足惜。如大獵夫何。言已大笑。黎亦莞爾。

袁黎俱見前。

徐玉可居京師。日以書棋自娛。被徵不起。某會初立。布告以其爲會長。徐見而

恚曰。予多年不預聞外事。豈容有會長之名加諸我。亟以文揭報端。曰。留神假冒。可謂滑稽。

徐見前。

張鎔西。被命爲司法總長。將之官。以案牽涉羈海上。友勸之退。張笑曰。吾雲南人。自勝清乾嘉迄光宣朝。從未有入爲尙書者。予今忝爲部長。何異尙書爲滇人爭體面。不得不戀棧也。聞者絕例。

張名耀。曾雲南太和人。留學日本。法政畢業。民國元年被舉爲衆議院議員。五年任司法總長。

黃遠生。能詩。不輕易下筆。人問何以不多作。黃曰。雅不欲作寒酸態。搖頭擺尾。黃見前。

湯蟄仙。富藏書。嘗對客曰。見即買。有必借。窘儘賣。高閣勤曬。國粹公器。弗污壞。客聞而笑曰。是盍刻一牙章以鈐於書面。湯曰。正有斯意。湯見前。

輕詆

易中實。樊樊山共游西山。樊對易曰。西山爽氣。撲人眉宇。雅人韻士。時常眺望。

其間獨不見君抱琴至。何也。易曰。豈能對牛彈琴。

易樊俱見前。

按易夫人名琴綺。言抱琴戲之也。

沈子培。別字乙盦。徐班侯戲之曰。公之文章。公之議論。皆雅。謂公自爲之。則可。謂盦爲之。則不可。蓋盦者。字書釋爲鼎之蓋。借爲盦舍。字釋耳。沈不悅曰。侯者。五等封之一。公自稱侯。何朝所封。

沈徐俱見前。

于晦若。好詼諧。某君美丰儀。詣之。言至款雜。及出于對人曰。此君語言無味。面目可愛。

于見前。

熙寶臣。碩大無朋。郭葆生曰。週身是肉。甚似羅漢。

熙名鈺。蒙古人。以道員分直隸。充南段巡警總辦。入民國。授陸軍少將。充公府侍從武官。已而授密雲副都統。被選爲衆議院議員。晉中將。郭名人。漳湖南湘潭人。以道員官廣東。權欽廉鎮總兵。入民國。被選爲衆議院議員。旋授陸軍少將。湖南查辦使。

楊无知。謂時下伶人。舍一二中材外。皆驢鳴犬吠。此語揭破門外漢迷夢不少。

楊見前。

黎宋卿嘗語人曰。項城深沉過人。聞者曰。過人者在黎。曰。與之周旋兩三年。未曾說要做皇帝。

黎見前。

楊平可。涂章甫。相友善。一日各御華服。楊對涂曰。金玉其外。敗絮其中。涂應聲曰。彼其之子。不稱其服。

楊名希晉。江西黎川人。辛丑舉人。考職列二等。以布庫大使簽分浙江。嘗居江西提學使林開幕。工古文詞。

涂名成德。江西黎川人。諸生。能文章。嘗執教鞭於學校。

樊雲門閱某生詩。擲地曰。平仄不諧。某曰。此久荒故。樊曰。田無一草。不得言荒。子胸無點墨。何荒之有。某面赤。不能再置一詞。

樊見前。

王一堂為統一黨首領時。易哭菴以黨員名義緘致之。稱曰。黨憲。王折簡視之。笑顧左右曰。此別開生面之稱。謂龍陽才子。蓋有意戲弄我也。

王易俱見前。

國體初易。勝朝士大夫多僑寓津滬青島。一時有居天津者第一。居青島者第二。居上海者第三。之謔。梁節菴曰。青島上。上天津。上中上海。中下上海。中下吳蔚若聞之不悅曰。果何所見而云然。

梁見前。

吳名郁生。江蘇吳縣人。翰林。授編修。歷侍讀。侍講學士。陟內閣學士。兼禮部侍郎。歷權吏部。郵傳部侍郎。擢軍機大臣。上行。走除吏部。石侍郎。

王伯恭是袁容菴之師。袁爲總統。設陸海軍統率辦事處。以王掌機要。屬下某。新得少大夫。柬約赴宴。王辭以疾。戲書柬端曰。下大夫不可與同羣。見者問故。王蹙眉曰。某昔爲卒。今日居然授少大夫。非所謂下大夫者耶。謔而虐矣。

王名儀。鄞。後以字行。安徽盱眙人。舉人。選授宜昌府通判。入民國。充海陸軍統率辦事處秘書。工書。肖顏魯公。

周岫之。文公達。宋莘莪。高瓌夫。並在蘇督李純幕。文宋同室辦公。迨文出任五庫稅差。高卽遷入。周爲小詩戲曰。文君已嫁相如去。宋嫂獨忙醋溜魚。寄語脫靴高力士。好來二女卜同居。注曰。高力士。非女也。然不得謂爲男也。

周見前。

文名永譽。江西萍鄉人。官道員。入民國爲工商部秘書。

宋名名璋。江西奉新人。



癸卯進士。授主事。入民國。任溫州督銷局長。

高名巨擘。江西南昌人。留日本習法政。歸國後。在

本省官廳爲椽屬。入民國。任江西審計分處處長。

樊雲門。易實甫。所眷女伶。一爲富竹友。一爲鮮靈芝。嘗互相嘲謔。樊以易鮮二名作諧音詩。鐘云。使問廉頗遺矢否。妃慚楊廣帶羞烝。易亦以樊富擬一聯云。臭十餘年夫逐有。矢三遺後飯增強。

樊易俱見前。

按鮮靈芝性戴名修真。諧音適成帶羞烝也。

# 新語林卷八

假譎

袁項城少時見所親某家藏古人書畫真蹟愛不忍釋手求以金易之某有難色袁乃潛入其書齋深夜疾呼曰鄰舍火起矣一家老弱從睡夢中驚醒手足失措袁從容携件而出及覺問之曰何人目睹請語我來

袁見前。

劉雨三爲江西布政使時鎮協諸軍與革命軍共謀起事劉聞報密對巡撫馮汝駉曰余與公皆大吏同負守土之責當與城共存亡馮曰諾迨南昌不守劉喬裝遁去而馮已吞金自盡矣

劉名春霖貴州安順人戊辰翰林累官江西布政使。

湯鑄新爲湖南將軍每出擇貌相似者並輿齊驅衣服面目如一撲朔迷離狙者莫辨

湯名蕪銘湖北蘄水人初畢業北洋海軍學校繼學於英倫返國任軍艦艦長入民國授海軍中將爲海軍次長出督湖南軍務項城以其係化龍弟頗信之。

馮河間入京。見項城。問曰。外間浮議。謂總統將自爲皇帝。信否。項城恚曰。余卽位宣誓之語。上以告皇天后土。下則中外含生之儔。實共聞之。茲已備數椽之室於英倫。若國民終不見舍。行將以彼土作汶上。馮默然。

馮見前。

蔡松坡。談吐絕俗。顧盼非常。項城知非籠中鳥。深忌之。偵探四布。窺其舉止。蔡燭照其奸。流連北里。鎮日看花鬪酒。以示醇酒婦人。固無大志。偵者稍懈。蔡乘間潛入津門。星夜南行。鴻飛寥廓。直上雲天。滇南一呼。四方響應。遂爲推翻帝制。再造共和之元勳。

蔡見前。

瞿止菴與康南海友善。復辟議興。康詣瞿曰。此舉公以爲然否。瞿曰。非君主不能治國。非復辟無以息爭。但冀早日實現。迨事敗。瞿通告國人。謂事前旣未與聞。事後更無表示。康頗銜之。

瞿康俱見前。

徐又錚得陸朗齋書。屬其弗附段合肥。復箋佯諾之。約期相晤。及見。彼此談笑甚歡。陸睹軍士荷鎗密布狀。知有變。大恐。起身欲逃。徐笑止之。曰。公亦知命盡今日乎。突有人自後擊之。倒地而斃。

徐陸段俱見前。

### 黜免

安曉峰於中日之戰。嚴疏劾李鴻章。昏庸誤國。詞連慈禧。疏入。詔褫職。戍邊。去之日。都民傾城送。車騎已遠。猶有鵠立嗟歎。若有所失者。

安名維峻。甘肅人。翰林官御史。革職遣戍。後未幾釋回。復原官。充資政院議員。

梁震東使英國。還營求無所獲。自願任粵漢鐵路總辦。既受事。鈎稽欸項。澈底清查。粵人誦其賢。踰歲。袁海觀爲粵督。知其紊亂度支。自飽囊橐。密檄廣州守。逐欸詳查。果不虛。袁恚曰。此貪吏也。疏劾罷之。

梁名誠。廣東南海人。由部曹選充駐美使館參贊。曆階爲出使英國大臣。入民國爲參政院參政。

倪丹忱爲黑龍江民政使。兼司墾務。有控其侵吞公帑者。巡撫周少樸遣員察

之得其實。勃然大怒。疏劾其貪劣。請褫職嚴辦。詔許之。

倪周俱見前。

奕劻以事私恨瞿子玖。欲行借刀殺人策。乃誑語惲薇孫曰。前日朝議。余薦君堪膺直隸藩司。子玖以資例不合駁之。議遂寢。惲不知其詐。憤然作色曰。必有以報也。奕劻曰。彼參知密勿。恒露洩機要。正可藉是彈劾之。惲以爲然。疏入。廷議免職。

奕劻見前。

瞿惲俱見前。

江杏邨以彈劾親貴降官。假歸養母。賦詩送行者逾百人。以陳伯潛爲最雅切。其末云。書壁會當思魯直。裂麻竟不相延齡。咳餘尙有酬恩地。勤與鄉鄰講孝經。

江陳俱見前。

雷朝彥自通永總兵擢江北提督。其先乃貝勒。載濤譽諸朝。雷彌感之。迨抵任。密緘三千金爲壽以示報。載濤嫌其微。誣以進賄。具疏劾之。詔褫職入民國。雷

膺上將聲勢赫奕。一日驅車訪載濤。載濤懼其未忘前事。匿不敢見。

雷見前。

載濤見前。

盛杏孫爲郵傳部尙書。視路電郵航四政爲利藪。措置失當。其時湯螯仙任浙路總理。具疏揭其奸。盛黨在朝勢方熾。詔斥螯仙危言聳聽。自博美名。且褫職。螯仙憤而遊關外。客錦州。題壁有句云。地猶沙漠耕桑少。人到幽燕感慨多。隔岸遼東一衣水。幼安皂帽近如何。

盛名宣懷。江蘇武進人。以諸生納粟爲道員。授津海關道。擢四品京堂。充商約大臣。晉侍郎。授郵傳部右侍郎。陟尙書。創鐵路國有之議。大借外債。遂釀辛亥之變。清社爲墟。謏之者曰。宣懷固清室之罪臣。亦民國之功臣也。

湯見前。

唐少川秉國政。以借外資事爲忌者所中。卒不安於位而去。淹滯津門。王鐵珊詣之。憤然爲不平。少川曰。無是款。則大局莫由統一。違問其他。王曰。項城夙與公相契。民主初基。國步方艱。奈何聽公下野乎。少川曰。一言難盡。

唐見前。

王名芝祥。直隸通縣人。舉人。納粟爲部曹。外簡廣西桂平。梧道。擢按察使。入民國。授陸

軍上將。充公府顧問官。

褚慧僧筦浙江民政。朱介人薦屈文六爲知事。褚曰：文六非百里才。奚可寄以民社？朱深滋不懌，藉故劾褚。保屈繼。令下，官場譁然。褚翌日解印綬去。

褚名輔成，浙江嘉興人。以諸生留日習法政，歸國任諮議局議員。辛亥與杭州之役，衆推爲政事部長。改組民政司爲司長，既罷去，被選爲衆議院議員。

朱見前。

屈名映光，浙江臨海人。民國

元年任浙江民政司長，改內務司仍爲司長。陟民政長，改任巡按使。五年授贊威將軍。七年外任山東省長。

宋芸子援春秋託王稱公之義，著論主復辟，謂勞玉初所作共和正續解。君主民主平議，雖有可採，究尙未洽，故作斯論，駁其未能盡合，求其所以可行。輿論大譁，政府乃斥之曰：食古不化，託爲文字之發，搆別有用心，尙無著手之實據。旣往不咎，驅逐回籍，說者謂即此可見項城之存心。

宋勞俱見前。

孟秉初任吉林巡按，博飲狎妓，日以爲常。肅政史聯名揭其狀，項城震怒，曰：巡按爲一省百官之領袖，如此風流溺職，政事安有清明之一日？奪其官，代以王揖唐。

孟見前。

### 儉嗇

沈仲禮藏王右軍蘭亭真蹟。客欲借一觀。沈曰。已售去矣。

沈名敦。浙江鄞縣人。納資爲道員。指分江蘇。充新軍教練處總辦。以侵公帑。爲江督張之洞劾罷。判遣戍之罪。敦和嘗學於柏林。岑春煊巡撫山右。檄辦外交。頗得當。遂以之權冀寧道。旋乞病歸。家於上海。搜羅坑好書畫。以自娛。政府任爲紅十字會副會長。

袁抑戒。豪於財。晨興。啖素麵一盞。三餐。祇兩葷。兩素。客詫問曰。公胡儉嗇若是耶。袁曰。高深如山海。且有枯竭之時。日人之處世。何莫不然。客歎服。

袁見前。

呂鏡宇。吝於財。爲使柏林時。屬官見客室。几案損敝。慮外人訕笑。請易以新者。呂曰。價幾何。曰。二百金。呂曰。吾行將解組。留以俟後任可耳。

呂名海寰。山東歷城人。由部曹累官至外務部尙書。入民國。授參政院參政。不就。嘗被任紅十字會會長。始終未問會事。皆副會長沈敦和主持也。

龔仙舟。爲官多年。廉介自矢。其任財政次長時。出入市街車。某以私干謁。謂長



安居大不易。龔曰：日費幾何？曰：至省一金。龔訝曰：君真浪費矣。嚴詞誡之。

龔名心湛。安徽合肥人。以知縣分廣東。任南海縣知縣。陟知府。授廣州府知府。擢欽廉道。調雲南臨安。開廣道。晉雲南交涉使。權布政使。入民國。爲安徽財政廳長。擢財政次長。罷去。起爲安徽省長。未幾。授財政總長。旋權國務總理。

周緝之。兩度長財政部。砥礪廉隅。曰：國庫空虛。外債頻興。省一錢。多一錢之用。客有責其過儉者。周曰：不然。譬如有一人焉。家故貧。而服用奢華。不過逞一時之豪。其不流爲乞丐者。幾希矣。

周見前。

沈叔詹。家故豐饒。歷官京外三十餘年。操守廉潔。客至。蔬菜數事中。置魚肉各一盞。人以爲矯情。沈曰：菜求適口。不貴多。爲政亦猶是。所謂不在多言。顧力行何如耳。

沈名金鑑。浙江吳興人。初官鑾輿衛經歷。擢同知。分直隸。歷任劇邑。已而授奉天新民府知府。陟道員。充安徽巡警總辦。旋授安徽高等審判廳廳丞。權提法使。入民國。爲京兆尹。遷湖南巡按使。乞病去。再起爲浙江省長。

薩鼎銘。狀貌不揚。儉德夙著。任海軍部長時。一日。步行通衢。向所親某爲禮。某以爲虎賁中郎。不之睬。鼎銘怡然不爲意。後數日。二人晤談。某大慙。

薩名鎮。冰。福建閩縣人。由海軍學生累官海軍提督。擢海軍大臣。民國授海軍上將。一巡閱閩海。一督察淞滬警備。皆臨時職務。久未任實職。六年。李內閣成。爲海軍總長。未之官。八年。再起爲海軍總長。攝國務總理。

王鐵珊。力崇節儉。爲雄縣知事。竟無衣禦寒。邑人大駭。爭爲製備。居官一年。風尙爲之一變。

王見前。

## 汰侈

世伯軒。服用奢侈。家有會客廳。五楹。高大異常。厦隔扇以巨玻璃爲之。棟樑皆紅木。雕刻花草。工緻絕倫。

世名績。滿州人。舉人。累官至文華殿大學士。

那琴軒。性豪侈。酷嗜聲色。狗馬善啖。非嘉穀不入口。每食必具燕窩魚翅二盞。啖之立盡。其庖人月領菜資至六七百金之多。

那見前。

盛杏孫。富甲東南。驕奢淫佚。蓄妾十數人。即衣飾一項。一歲糜費百萬。建莊於西湖。築園於吳門。春秋佳日。挈諸姬往遊。流連累月。其滬上所居。幾無物不有。無有不奇。西人偶有過其廬者。出而對人曰。吾入盛某宅。目幾爲之炫。

盛見前。

奕劻柄政時。納賄逾千萬。淫奢無度。姬妾衆多。床帳器皿。窮極瑰異。簾幕壁衣之屬。春冬以絨緞爲之。夏秋以紗綢爲之。終日集朝貴置酒高會。其門如市。

奕劻見前。

段芝泉。築宅於京師。其宏麗一時無與並者。牆內四週。可置冷熱汽管。嚴寒不知冷。盛暑不知熱。書齋構造尤奇巧。段嘗集朋好對奕其中。歎曰。南面王不易。

段見前。

張勳伯。建造園林於淝水。名銷春園。面積遼闊。左可攬金斗河之秀色。右可眺大蜀山之勝概。式仿歐美。外則佳山美池。奇葩異卉。內則翡几湘簾。牙籤玉軸。琳瑯滿目。得未曾有。

張名廣建。安徽合肥人。以道員指分北洋。授山東濟東泰武臨道。擢提法使。權布政使。攝巡撫。入民國。授上將銜。爲甘肅都督。兼民政長。三年改任將軍。兼巡按使。五年改任督軍。兼省長。

王叔魯。豪於財。揮金如土。嘗陟足平康。探懷出鈔幣數百圓。拋擲於地。片片作蝴蝶飛。一時羣伎俯身爭攫之。王顧而大樂。

王名克敏。浙江杭縣人。以道員指分北洋。楊士驤督直。入幕辦交涉事。已而薦授直隸交涉使。入民國。爲財政總長。兼中國銀行總裁。

### 忿狷

李拔可。試令江南。藩司樊雲門器其才學。俾以大邑。李以弱體難勝煩劇。辭。樊爲調簡。缺復不就。樊怒曰。知之者高。其易退之風。不知者難免擇肥之謗。江南何患無人。昔人云。張郃死。何關魏朝興廢。卒薄懲之。

李樊俱見前。

清宣統末。朝議移瑞督畿輔。遣湖廣總督昇端方。端適至武昌。羣吏趨風。車騎迎候者塞途。瑞聞之。怒曰。吾未去。乃如是耶。忿辭不欲行。更易諸督之議。遂寢。瑞名徵。滿州人。由兵部郎中。外授廣九饒南道。移蘇松太道。擢江西按察使。調江蘇。遷布政使。晉巡撫。

授湖廣總督。辛亥武昌軍興。棄城遁。越歲死於上海。

孫伯蘭薦徐寒松爲滬海道尹。國務院秘書長徐又錚以其甫赦免。不宜重用。孫忿曰。任官惟賢。誠如是說。則小區區固明令緝拏者。又奚可爲內務部長。事聞於公府。黃陂笑曰。是曷足齟齬。予下令可已。

孫名洪伊。直隸天津人。以諸生爲直隸諮議局議員。請願國會團實爲主謀。以是有聲於時。入民國。與湯化龍共組共和建設討論會。嗣因政見不合。改隸國民黨。被舉爲衆議院議員。丙辰之役。有功於討洪憲。被命爲教育總長。辭不之官。移內務。受事未久。卽罷去。

徐名元誥。江西吉水人。留日本習法政。民國元年任江西司法籌備處處長。因事褫職。入中華書局任編輯。起爲滬海道尹。

前

黎宋卿解總統職。代任馮華甫。擬逐月致送銀幣三千圓。爲退任總統之津貼。遣使達意。黎見使曰。總統任期五年。使退職者。均有津貼。徒重加人民負擔。余尸位一年。無功德於民。斷不敢開此先例。使復命。馮知其意。真摯乃止。

黎馮俱見前。

段少滄巡按湖北。有幼子十二齡。一日嬉於署前。犬驟至。嚙其衣。破之。幼子啼。

而入。段大怒。下令捕犬。不審孰爲嚙者。令遇犬捕以投諸江。旬日間。江面浮犬屍數百。武昌城中一時竟無犬焉。

段名書雲。江蘇蕭縣人。以道員分北洋。充津浦鐵路南段總辦。授直隸清河道。入民國。爲湖北巡按使。  
張子志。以湘贛檢察使入豫。章向權運局局長王仲闇索款給軍餉。王辭以無之。張震怒。立撤其任。時王之弟克敏方總筭財政部。張緘致之曰。吾人交誼素厚。令兄不啻余之親兄。軍事旁午。需款孔殷。西岸權運夙稱腹缺。詎真不名一錢。已代公予以薄懲矣。克敏先已得兄報。歎曰。以卵敵石。那得不碎。

張見前。王名克均。浙江杭縣人。仕清官道員。入民國。爲河市運銷局長。移西岸權運局長。撤任。後充江南造幣廠長。

### 讒險

陳石遺客張南皮幕。南皮問海內文人。陳舉章太炎對。南皮曰。此人文字詭譎。陳曰。其學問實不可多觀。南皮遂電招太炎入武昌。旣至。梁星海密告南皮曰。此革命黨徒也。用必招禍。南皮信之。示意陳以不能與太炎位置之故。章聞報。

狼狽而歸。

陳章梁俱見前。

吳彥復入北洋。欲依項城以爲生。其先已有人蜚語謀傾之。項城聞叩其狀。彥復大笑曰。吾乞食來耳。項城笑置之。

吳見前。

唐香山初與袁項城相約。以王鐵珊督直。沈幼嵐督晉。爲統一政府。交換條件。項城許之。香山乃入京。就國務總理職。促下令。項城有難色。又不欲失信於香山。乃嗾使諸議員質問其所舉外債用途。香山憤曰。項城以余爲孩提耶。遂挂冠而去。懸以待決諸問題。無復有人責其實行者。

唐袁王沈俱見前。

清光緒末葉。江浙會辦清鄉剿匪。徐溥臣方統軍駐太湖。太湖固梟匪出沒地。徐舉兵進剿。累戰皆捷。以報督辦瑞莘儒。瑞恚曰。平日軍情未嘗一白吾。今乃欲以戰勝邀功耶。檄撤其任。易以所親某。徐大憤。面瑞數其賞罰不公狀。詞直不稍屈。瑞瞠目結舌無以對。其時盜魁余孟亭已就縛。乃陰遣人就獄中啗余。

以甘言。使設計陷害。巡撫陳啓泰廉知其情。立斬孟亨。謂瑞曰。公以好惡爲賞罰。將使羣吏寒心。諸將短氣。溥臣之事。其一也。瑞不知所答。

徐名錦堂浙江餘姚人累官至副將

瑞見前

王子展嘗參與招商局事。局設董事會。衆推楊泗州爲會長。盛杏孫副之。泗州居京日多。留滬日少。例以杏孫兼其職。杏孫予全權於子展。寵信逾恒。泗州視之。亦言聽計從。蓋子展饒智慮。工心計。知兩姑之間難。爲婦對泗州。則揚杏孫之惡。而自張己之善。對杏孫。則譖泗州之短。而自詡己之長。

王名存善浙江杭縣人。歷任廣東南海諸縣令。累保至道府。能文章。所爲聯語尤雅切。

## 尤悔

黃愼之以戊戌政變。拘入獄中。自悔曰。孝欽弄權專政。已匪伊朝夕。懼變法不足自保。遂大誅黨人。吾欲以文字動之。是自取辱也。旋放出。絕口不言時事。創設工藝廠於京東。詔復原官。

黃名思永。江蘇江寧人。庚辰以一甲第一名及第。授修撰。歷階至侍讀學士。長子中慧。季子中疆。皆能文。



貽藹人。以綏遠將軍兼督辦墾務。侵蝕公帑。事發繫獄。遂有戍邊之遣。藹人泣對其子鍾岳曰。不及黃泉無相見之時也。鍾岳曰。前人犯罪如父。不久有釋回者。兒願父亦幸如其人之放還。言已相向哭失聲。

貽名殺。滿州人。由翰林歷階至侍郎。外簡綏遠將軍。

尹太昭繫獄經年。黃陂爲總統。欲釋之。某尼曰。項城旣未肯死之。則宜盡挫其勇銳之氣。然後釋放。黃陂曰。然。乃移禁白下。尹頗自懺悔。一意著述。成文十餘萬言。曰止園叢書。自謂胆略非關公所及。才識在武侯之上。

尹見前。

歐陽南雷旣舉兵討袁。已而悔曰。犧牲一身不足惜。如生民塗炭。何及。敗隱於蕭寺。自號曰止戈和尚。李秀山器其才。遣送之京師。密緘告項城。謂此人宜用。不可殺。項城許之。

歐陽名武。江西吉安人。初肄業江西武備學堂。旋習軍事於日本士官學校。民國元年爲江西第二師旅長。擢師長。授陸軍中將。爲江西護軍使。

李見前。

段次珊謀叛被捕。訊得其實。議誅臨刑。悔曰。死固吾罪。然不與聞某祕密。或可

不死乎。

段名世垣河南人衆議院議員。

黃遠生。稽滯京師。聲華甚茂。任亞細亞報撰述。已而大悔恨。毅然出都。徧告人曰。行將赴美國努力求學。專求自立爲人之道。以懺悔數年墮落之罪惡。

黃見前。

康長素以復辟事敗。杜門懺悔。擬築園於歙浦。徵求奇石異草嘉花美木爲點綴。有句云。窮老無事。江山定居。天地旣閉。松菊猶存。杜陵避亂。則堂築浣花。司馬放還。則園稱獨樂。將築園林與木石俱。

康見前。

虞熙正。因案入獄。訟久不決。不勝縲紲之苦。悔而著述。譯成哲學一書。爲文呈司法部乞赦。而例格不行。識者以比諸鄒陽李斯。

虞名熙。正。福建人。留日本法政畢業。任財政部僉事。擢參事。

紕 陋

世鐸年邁昏庸。不識時務。其子姪輩有自歐美遊歷歸國者。世鐸問之曰。洋鬼子國亦下雪否。諸子姪皆掩口胡廬曰。中外同一天地。風霜雨雪一也。世鐸默然。

世鐸。滿州人。襲爵爲禮親王。久掌宗人府。任軍機大臣。領袖者十餘年。鹿鹿無所表見。

瑞恕齋。目不識一丁。其任鄂督時。布政使楊俊卿面呈懲戒某令公文請示。瑞受而閱之。既竟。顧楊曰。此令予固知其不稱職。然公文中蒲險輸開作何解。楊忍俊不禁。知不足與辨。默默而退。笑對幕客曰。瑞制軍讀蕩檢踰閑爲蒲險輸開。猶自詡其能。嘻。醜矣。

瑞見前。

程輔堂令錢塘。惡屬吏某聲名狼藉。具文劾之。一面詣謁巡撫張小帆。白其事。張俟其辭畢。曰。呈文中考語云何。程對曰。髣髴有兩句云。噲好甚探。壇作成福。張放聲大笑曰。君誤矣。是必嗜好甚深。擅作威福也。因爲解釋其意義。程大窘。程名贊清。江蘇武進人。納粟爲知縣。分浙江。歷任錢塘。秀水。山陰。諸縣知縣。海寧州知州。擢知府。充仁錢巡警總局總辦。

張見前。

張子志嘗以魯督兼省長。一日。柬召高等審檢兩長。高子來梅擷雲入見。張首顧高曰。審判廳辦何事。高對曰。民事訴訟。刑事訴訟。張曰。何謂民事刑事。高舉法律以對。張艷然不悅曰。此種新名詞。余門外漢。莫明其妙。乃復顧梅曰。君知民事刑事作何解。梅答曰。爭田奪地。借債質物。謂之民事。殺人放火。搶劫姦淫。謂之刑事。張悅曰。斯言余明白矣。

張見前。

高名种。福建閩縣人。畢業日本早稻田大學法律科。歸國應試。列優等。賜舉人。官大理

院小京官。擢推事。入民國。爲大理院推事。外任福建司法籌備處處長。旋簡授山東高等審判廳廳長。

內調大理院推事。再出任湖南高等審判廳廳長。梅名光義。江西南昌人。舉人。納粟爲道員。分湖

北。權湖北按察使。旋授湖北高等審判廳廳丞。入民國。爲教育部秘書。移蒙藏院司長。再移交通部司

長。外任山東高等檢察廳長。夙就佛學。頗有心得。

屈文六。巡按錢唐。椽吏某擬一文稿呈進。屈閱竟。援筆批牛皮鑿洞四大字。某駭而問故。屈搖首曰。無用。無用。某愈惑焉。因屈籍台州。或爲土語。私詢其同里某公。何謂某公狂。晒曰。吾台人素多蓄牛者。剝其皮易錢。譬如大好一張牛皮。鑿而穿之。便不值一錢矣。文六此言。喻文之不能用也。相與拊掌大噱。

屈見前。

惑溺

趙智菴畜一犬極馴。以錢掛犬項。項圈上。卽能自赴市所易牛羊肉。而回犬死。趙爲之不怡者累日。

趙見前。

吳瘦公游滬上。恣聲色。所至車馬紛闐。傾一市。曠名妓金菊仙。菊仙咯血爲求醫及愈。菊仙感其情。鍵戶謝客。一日偕出飲。酣。菊仙從容請曰。君客况。妾所知。今時方六月。客逋妾金凡數千。至八月且萬。請待此益。君可乎。吳笑曰。吾所欲者。知己耳。他奚憂焉。菊仙毅然曰。君若此。復何待。竟同車歸。復姓彭。更名曰媯。吳以書法篆刻授之。媯名遂播公卿間。旋吳居天津。怏怏不樂。媯則旦夕歌笑以慰之。居三年。貌益澤。瘦公乃歎曰。吾得媯。始知天壤間有生人之樂。

吳見前。

載振銜命赴瀋陽。查辦要政。東督徐菊人集羣僚。謙之於署。珍饈羅列。載振飽。

啖曰。安得此佳廚。徐曰。今頗之庖人所製。今頗接言曰。明且當精製一席進。載振曰。善。及食之。殊不如昨日之味甘。今頗大惑不解。旋乃知載振庖人以贈者。未與多金。遂剔其精華。參以陳腐。而滋味全失矣。

載振。突劬長子。封鎮國將軍。授農商部尙書。權寵駸駸比肩乃父。以納女優楊翠喜事。爲御史趙啓霖所彈劾罷去。

楊杏城喜鬪蟋蟀。室中蟲聲唧唧。顧而樂之。客問何意。沈酣秋蟲中。楊微哂曰。蟋蟀鬪於盆。其始鳴其羽。赳赳然。旣而勝負分。勝者昂其首。如唱凱旋歌。負者底其頭。如敗軍之將。蟲之智亦猶人之智。客頷首。

楊見前。

徐班侯與湯蟄仙晚年都有聲色之好。恆流連伎寮。累日不忍去。未幾蟄仙歿。班侯雖踽踽獨行。而興致尙復不淺。有人調之曰。耆舊風流漸漸賒。蟄仙丰貌委塵沙。只餘一個徐班老。白髮飄蕭郭四家。郭四。虎林暗娼也。

徐湯俱見前。

樊雲門。易實甫。愛優人賈碧雲美。各爲長歌以張之。極侷色揣稱之能事。三六

橋贈賈詩。尤能以少許敵多許。詩云。萬人如海笑相迎。月扇雲衫隱此生。我惜賈郎仍不幸。倘逢劉季亦良平。以張良貌似婦人女子。陳平美如冠玉。皆子都宋朝之美。非西施鄭旦之美。可謂擬於其倫。

三名多。蒙古人任杭州府知府。丁憂去。起爲歸化副都統。晉庫倫辦事大臣。入民國。爲盛。副都統移僑工事務局局長。

蘇曼殊居日本。一日飲冰五六斤。比晚不能動。人以爲已死。視之。猶有氣。明日復飲冰如故。

蘇見前。

尹止園經略川邊。率大軍入藏。見蠻女多妖冶豔麗。大樂曰。索姿色之佳者侍枕席。迨班師回蜀。挾一女與俱。共載華車入城。路人指之曰。此尹將軍偕所歡歸來也。事爲縉紳所知。交章彈劾。尹恚曰。吾爲一姣好女子而去官。亦大便宜事。

尹見前。

易哭菴於辛壬間居滬。悅女優王克琴。排日聽歌。追逐不疲。樊樊山撰琴樓夢。

小說以諷之。

易樊俱見前。

世伯軒酷喜食鰻魚。有人致一筐。一日間啖盡。

世見前。

張紹軒入京。贛人集會歡迎之。酒酣。召伶人王蕙芳至。手雪茄將吸。蕙芳自懷中出燐寸燃之。燒及盒。砉然有聲。侍從以爲炸藥。拔刀斫蕙芳中肩。血流滿衣。袂張憐之。厚給治傷費。

張見前。

### 仇隙

李偉侯之婦翁楊崇伊。辭官居滬。與鄉人爭妓。訟之官。江督端方坐以風流罪。疏劾之。褫職。交地方官約束。楊慚恨滋深。遺書於偉侯曰。吾年暮。此怨今生不能報。子當爲吾雪之。偉侯乃日俟其隙。乘機謀報復。己酉。孝欽后梓宮奉安。端方以直督任陵。差大臣就陵樹作電桿。縱人向隆裕后照象。復乘輿冲越神道。偉侯目擊斯狀。切齒曰。如此驕倨。不揭其罪惡。吾人亦太無心肝矣。遂劾以大



不敬之罪。知端方爲攝政王所倚重。慮其曲法相容。乃舍王而逕謁隆裕太后。伏地痛哭。謂孝欽太后。德宗皇帝。升遐未期年。而疆吏已拔扈無君至此極。非申明國法。不足以建幼主之威。而折強臣之氣。隆裕動容。力主交部嚴議。遂褫職。一時朝野大震。

李名國杰。安徽合肥人。李鴻章之孫。襲侯爵。官農工商部左丞。外簡出使比國大臣。入民國爲參政院參政。

岑西林與袁項城。在先朝並肩事主。勢均力敵。意見素不睦。癸丑之役。西林爲討袁軍大元帥。袁憤欲殺之。下令拘捕。有共伶人潘月樵。謀亂語。西林慚憤俱生。誓不共戴天之仇。迨袁稱帝。西南諸省共起聲討。西林以人望所歸。實爲之謀主。以文布全國。曰。袁朝退。余夕隱。

岑見前。

## 新語林後序

楊泗州既歿二年。黎川陳君藻青以所著新語林相示。余與藻青同鄉里。族望相若。又世通婚姻。客於吳越者十數寒暑。始相見於泗州坐上。前未之識也。泗州爲人。神氣沖融。言語簡澹。有魏晉人風。諸奔走利祿謁入。莫得開說。世以是輒議其城府深峻。余往在京師。非文字之會。罕入府中。既退。乃會於滬。輒日與游宴。或博。或行彩選。藻青尤吹笛度曲。間及古今中外變亂之故。相與奮髯抵几。肝膽披露。無有纖翳。過從益密者。惟湘潭袁子伯夔與余兩人。藻青獨居嘉興。時復一至而已。泗州雅好劉義慶世說新語。嘗歎古今人才性不相若。藻青方擇近世人語爲新語林。每以並世朝士大夫爲問。蓋得於泗州者爲多。夫輓近數十年。世變日益亟。賢不肖於言行見之者十之八九矣。東晉六朝五代復見於今。而人物則遠不逮古。危殆亦益甚。卑卑無足齒數者。缺之。則不見一代。

顛覆之由。存之。則爲作者雅言之累。語林之體。雖小說卮言。得失紛糅。劉知幾自鄙無譏。或所不免。藻青書旣成。惜泗州不及見之。然藻青著書之意。成於泗州一夕之談。從容誓約之言。良復可念。墓草已青。殺青方竟。覽藻青之書。有不能已於歎歎太息者矣。新建夏敬觀字。

# 新語林後序

新語林八卷。陳子藻青仿劉臨川世說新語之所爲作也。世說新語著錄者。次其目。小說家顧其所紀述。盡當世人言行美惡。務存其真。又其辭淵雅雋永。能使人消釋鄙吝。曠然有絕塵出世之思。與記瑣聞談神怪者異矣。當魏晉之際。割據僭竊紛然並起。士大夫生其時者。懷負無所表見。則務爲矯情節性。相高以名理。而自別於汚俗。雖廢務妨要。見譏儒者。要其自放於疏狂傲兀之域。以寄其無可如何之悲。知人論世者。能無哀傷其志哉。今之變亂。古所未有。吾不知王謝諸公。不幸而生於今。其所以自處者何如。又不知今之士夫。其言論丰采。與其行誼。如魏晉人所云云者。果何如也。然則藻青亦可謂好爲其難者矣。藻青故家子。能承其家學。余識之父執左丞楊公座上。沉靜淵嘿。風度閑雅。往往酒酣耳熱。擲笛度曲。哀楚激越。若不勝慷慨鬱塞之懷。則是書之作。亦欲使

857.1

後之覽者。知今之人所託爲何世。閱所遭之不幸。而有以哀傷其志歟。序藻青之書。吾又烏能無嘅於中也。湘潭袁思亮



中華民國十一年九月初版

新語林

(定價大洋一元二角)

有著

著者 陳 瀨 一

印刷者 協興印刷公司

上海海寧路

寄售處 文明書局

上海棋盤街

新語林

#F2  
752931  
-7

2

752931

11